

Дагъусттаннал адабият

16+

ISSN 0235-0165

# Цубарз

Адабиятрал ва жяматийсса политикалул журнал

Сулайман МУСАЕВ-80 шин



5/2022

СЕНТЯБРЬ - ОКТЯБРЬ

**Фазу АБЛИЕВА,**  
**Дагъусттаннал халкъуннал шаэр**

**90** шин



# Цубарз

---

---

Адабиятрал ва жяматийсса политикалул журнал  
Литературно-художественный и общественно-политический журнал

Кива зуруй цал буккайссар  
Периодичность - раз в 2 месяца

Учредитель:  
Агентство информации и печати  
Республики Дагестан

Журнал основан в 1952 году

**5/2022**

**сентябрь - октябрь**

Государственное  
бюджетное учреждение  
Республики Дагестан  
“Редакция республиканских литератур-  
ных журналов “Соколенок” и  
“Литературный Дагестан”

КАЯЛУВЧИ - ХЪУНАМА РЕДАКТОР  
Мурад МахIаммадович АхIмадов

## ЖЯМАТИЙССА СОВЕТ:

### Советрал хъунимий:

К. Давдиев  
С. Илиясов  
С. Абдуллаев  
Аь. Аькиева  
З. АбдурахIманова  
И. Къаяев  
Кь. КъурбанмахIаммадов  
А. МахIаммадов  
Р. Муслимов  
Х. РахIимов  
А. ХIажиев  
Ш. Шалласуев

## РЕДКОЛЛЕГИЯ:

Хх. Аминова  
А. Абдуллаева  
Р. Башаев  
М. Давыдов  
Х. Ильясов (*редактор*)  
А. Кукуева  
К. Мазаев  
И. МахIаммадов  
И. Саидова  
С. ХIажиева

---

Электронный адрес редакции:  
litdag@mail.ru

---

## ПОЭЗИЯ

Ю. Хапалаев. Фазуясса махъ .....	3
Ф. Аьлиева. БачIлай бура ссурулккуртта.....	5
М. Давыдов. ЧантI уку, Украинай!.....	8
Сс. Оьмаров. Буттал шяраваллиха.....	12
К. Мазаев. ДакI хьинсса духи хьатIу. Шаэр – шярайхукку.....	17
М. Ттупчиев. Ттул буттал улчай.....	18
ХI. ХIадисов. Увцуна арснал бутта шагьрулийн.....	19
Кь. Штанчаева. НурмахIаммадул аьпалун.....	23

## ТАРЖУМА БУВМИЙННУВА

К. Хетагуров. Аманат.....	24
ХI. Батырбеков. «Бодлердул сурат» тIисса кьюмайлува.....	25
М. АхIмадова. МахIачкьала.....	28
Ш. Аьлишева. Ва дуниял кьариртун.....	31
А. Култаев. Ттул ттагта.....	32

## ПРОЗА

И. Керимов. ЛичIишаву. (Романналувацца парча).....	34
--	----

## ПУБЛИЦИСТИКА

И. Саидова. Жагьилсса ва гьунар бусса политик.....	74
Б. Аьлиева. Туристьтал МахIачкьалалий хьунмасса хIаллай бацIаваншиврул.....	78
С. ХIажиева. Бюхьулул хьаттирдай гьаз хьума.....	82
Ш. Шалласуев. Оьрмулул ххуллул манзил.....	85
Аь. ХIайдаев. Га ия бургьил оьрчI.....	87

---

Регистрационный номер: серия ПИ №ТУ05-00410  
выдан Управлением Роскомнадзора по Республике Дагестан от 22.04. 2019 г.

## Новолуние №5

сентябрь - октябрь

На лакском языке

Выход в свет 3.10. 2022 г.

Тираж 426 экз. Печать офсетная.

Бумага офсетная. Формат 70x108 1/16

Усл. печ. л. 8,4. Усл. изд. л. 8,7

Заказ № 1293 Цена свободная.

Типография: ООО «Издательство «Лотос»

Адрес типографии: 367018, РД, г. Махачкала, пр-т Петра I, 61

Редакция и издатель: Государственное бюджетное учреждение Республики Дагестан  
“Редакция республиканских литературных журналов  
“Соколенок” и “Литературный Дагестан”.

Адрес редакции и издателя: 367000, РД, г. Махачкала, ул. Даниялова, д. 55.



90 ШИН

**ДАГЪУСТТАННАЛ ХАЛКЪУННАЛ МАШГЪУРССА ШАЭР,  
ЧИЧУ ВА ПУБЛИЦИСТ ФАЗУ АБЛИЕВАЛ 90 ШИН ТАМ ШАВРИН**

*Аблиева Фазу, Хамзатлул душ, бувссар декабрьданул 5-ний 1932-ку шинал ГиничутИлив Хунзахърал районналий.*

*Москавлий М. Горькийл цАнийсса Литературалул институтгу къуртал бувну, зий бивкИссар Дагучпедгизрал редакторну, «Дагъусттаннал хъами» тИсса журналланул хъунмур редакторну.*

*1961-ку шинал къамул бувссар СССР-данул чичултрал Союзрал членну.*

*Фазу Аблиева лайкъ хъуссар Дагъусттан Республикалул С. Стальскийл премиялун ва цаймийгу хъуни-хъунисса хЛукуматрал бахишиишрттан.*

*2002-ку шинал лайкъ хъуссар Аьрасатнал яла лахъмур орденналун, Андрей Первозванныйнал цАнийсса.*

*Яла бишлай буру Фазу Аблиеваясса Юсуп Рамазанович Хаппалаевлул махъ ва лакрал шаэртуврал: М.-З.Аминовлул, Н.Юсуповлул, И.МахIаммадовлул бувсса ганил шеърирдал таржумартту.*



**ФАЗУЯССА МАХЪ**

*Парча*

Пагъму-гъунардануву, къириятраву – ччарча вирттал хъуни бавриву, ччарча виричушиву давриву, зунттал хъами, иш багъувкун, къини дурккувкун, чиваркIуннаяр лагъну къабивкИссар. Мунин барашинна дуллай бур Кавказнаву аьвзал заманнайва бивкИсса амазон хъаннил билаятрал тарихрал, мунин барашинна дуллай бур ПартIу ПатIима, мунин барашинна дуллай бур Буттал кIанттул цАнийсса Хъун дяъвилий зунттал хъаннил ккаккан дурсса къириятрал ва къучагъшиврул.

Ттун ччай бур ва макъалалуву ттулва къаламрал дус, гьалмахчув Фазу Аблиева я цаппара махъру учин.

Гъай-гъай, кIулсса зат бур, Фазу Аблиевал творчестволул анализ дурну, ххалбигълан, къимат бишлан на я литературовед, я критик, ягу яру маз кIулс-

са аьлимчув, философ акъашиву. Мунихлуну, нагу, Фазу Аьлиевал творчество ххирамийнналгу, мунил хIурмат бумийннал цану ккалли хьуну, ттулва дакIни-васса махь учин къаст лахIлай ура.

Ттун, оьрмулул угъарасса ушиврин буну, хьхьичIвасса ва ттисса зунттал чичулт чIявумий ттунма ккавккун, архIал зий, дуклай бивкIун, кIулшиврийн буну, на учивияв – хIакьинусса къинигу Дагъусттаннал чичултрал къюкъраву зунттал хъами-душаврал цанма лайкъсса кIанттурду бугълай бур. Махь бакъа, пагъму-гъунарданулгу, итабавкъусса луттирдал чIявушиврул чулухагу хьхьичIунмур кIантту бугълай бур Фазу Аьлиевал.

Ттун ххаллилну кIулли, агана цалчинсса байчу шувкун, цилла творчестволул ххуллий Фазу Аьлиевал бацIаву дурссания, цийнма цувппа щак тIун бивкIссания, мунища тачIав къабюхъантIи бивкIшиву хIакьину лавхъсса даражалийн биян. Мунищала архIал ттун кIулли, пагъму-гъунарданулгу мискин бакъасса, шавкъирай ва гъирарай творчестволул даврий зун сукку хъусса чIявусса жагъилтал, цайнма цивппа вих бакъа, цалчинсса байчу шайхту, ягу цалчинсса къатIайлабацIу шайхту, га цалва личIи бувсса, цанма ччисса ххуллу къабивтсса. Къакъабивтсса бухъурча, ялагу цайнма цивппа вих бакъа, таваккулланий къазий, чIявучин машгъур къавхьуну ливчIшиву.

Фазу Аьлиевал творчестволул ххуллийгу цикссагу захIматшивуртту, байчу щавурттугу хьушиву ттун хьинну кIулли. Пагъму-гъунарданул заллу аьлтту хъанан ивкIувкун, ганащал нанисса, дакIру мяшсса инсантуврал цащава шайсса бахIужартту буллан бикIайсса аьдат дур инсантувраву. Ттун ххаллилну кIулли Фазу Аьлиевал цуксса хъуннасса чувшиву цилла дакIниву ляркъуссарив захIматшивуртту дух дан, цилва мурадлайн биян.

Учин мукъун, цирив чичул хъунмур мурад? На учинна, чичул яла хъунмур мурад муври – цалла дакIниву къювулий ва ххаришиврий лявхъусса махь сакъсса лякъаву. КIулсса зат бур, цумур ниттил цукунсса оьрчI барчангу, га майжаннугу цамуниха къалавхъхъусса, ччиманал дакIнивун пишгу, махIатталшиву рутлатисса оьрчI бикIайшиву.

Фазу Аьлиевал шеърирду ва назмурду, поэмарду ва къиссарду майжаннугу сагъну лявхъусса рухIирал оьрчI бур. Мунихлуну Фазу Аьлиевал чивчумунил чIарах, ургъил къабувну, чIявусса къалагай, чIявумийннан га хIисав шай, чIявумийннал гайннул хIакъираву пикри бай, чIявумийннан Фазу Аьлиевал чивчумуниву цалва-цалва пикрирду ва мурадру лякъай. Мунихлуну Фазу Аьлиевал чивчумур буккултран дард кIидачIултну, маслихIатчиталну чIалан бикIай.

Ттун Фазу Аьлиева, так ца чичу хIисаврай бакъасса, дуклаки душнугу, цар-къатга хьуну махьгу, лая-цIарай хIала-гъурттушиву дусса чIаххув инсаннугу, жаваб дулайсса къуллугъчинугу, оьрчIал нинунугу, халкъуннал депутатнугу ва цайми-цаймий иширттавугу кIулли. Ци чулуха пикри буллай ургарчагу, ттуща къабюхъанссар учин Фазу Аьлиева дакI мяшсса, чин зарал хьуну ччисса, дан-дитанмуниву тIайладакъашиву итадакъайсса инсанни, куну. Фазу Аьлиева дакI хьинсса, чин хьинбала хьуну ччисса, учин багъний къянкъану, виричувнал кунма, махьгу учайсса аслил ва намусрал инсанни.

**Юсун ХАППАЛАЕВ**  
1992 ш.

Фазу АБЛИЕВА,  
Дагъустаннал халкъуннал шаэр

**БАЧЛАЙ БУРА ССУРУЛККУРТТА**

Агъ, ва гъарал, ва гъарал,  
Ва гъараллагу дурив?  
Руцлацисса чарсрава  
КъатIа тIий дур ттиркюкюв!  
Уртту-тIутIал къанкъ дусса  
Хъхъем риртунни хIаллурдайх,  
Ссавнилгу ссурулккуртта  
Бувтунни ттул хъачIунттайх.  
Ци бавив на, ци бавив  
Вай арулла рангиран,  
Хъунавав, къахъунавав  
Караматесса каниш дан?!  
Канишругу къадурну,  
Бавив къакIулли кIисса?  
Валлагъ, вичIилусругу  
Хъунссия лап ххаллилсса!  
Агъ, ци бавив, ци бавив  
Вай арулла рангиран?!  
Сунттул яннарду кунма,  
Хъабуккавив – гъухъри бан?  
Юхсса чалагъай давив,  
Ххалхъума ххари уван?

Агъ, ци бавив, ци бавив  
Вай арулла рангиран?!  
Я багъа къабишунна,  
Я парчари къаданна,  
Аруллагу аьламат  
Инсантуврайх дачIланна!  
Ласияра, ххуй душрув,  
Линтру бара лахъисса!  
Ласи, жагъыл бурттигъуй,  
Хъхъури дува ххаллилсса!  
БакIру кIяла хъу къужерий,  
Зугу пашман машару,  
Зунгу хъунтIиссар буван  
Чюлусса бишай яру!  
Цияв мюрици оьрчIангу  
Хъувча хIакъину байран,  
Пишкаш банну гъарманан  
Арулва рангесса къалан!  
Юх, вай ттул магъри бакъар,  
Мий ттун хъамабивтунни.  
ХIакъину ттул хъачIунттайх  
Ссурулккуртта бивтунни!

\* \* \*

На ва оьрмудуву къабайкъинишиврул,  
ОьрчIний ттухъ чIявуну учайва ниттил:  
«Акълу-духIин дусса хъун ччай бухъурча,  
Ина хъунимийннах вичIи дилуша».  
Цанни хъунимийннах вичIи къадишин?  
Цув уссар зунттаяр хъуна хъуссагу?  
Къянкъа бацIан лахъхъин, ссавур дан лахъхъин,  
На бургара мудан ххира барзунттах.

\* \* \*

Пахрулий бур кIялахIи,  
ВацIлул зуманий ххяхъсса,  
Цийнур тIий байбишайсса,  
Ахир дакъасса вацIа.

КъакIулливав мурхъиран  
Цуппагу бутайшиву,  
ВацIлул зума-къиразгъу  
Цамунил дугъайшиву?

**Яру мазрая.**  
**Таржума М.-З. Аминовлул**

## БУТТАХЪАЛ АЪДАТРУ

Бюхттулсса зунттаву, архсса къутаннай –  
Буттахъал аъдатру дуссар гъар кІанай.  
Дуссар, тай луттирдай къачирчунугу,  
Абадлий хІурматрай гъарца къатлуву.

Агар цІу джхурча цавайннал тІювай,  
Ца цІарал кІалайгу цинявннан гъассар:  
Чаххувранныяту чаххуврал ласлай,  
Цинявннал къатраву цІугу дишайссар.

Агар сул чІанулу, щичІа бунугу,  
ИникІмалул ххяпта ливчІун буххурча,  
Цинявннал урцІаву уникІма дайссар,  
Цинявннал къатраву ччатІгу бищайссар.

Агар цув-унугу къатІув ачирча,  
Ганахъ ххуллухъин чин, циняв буккайссар,  
Агар цув-унугу къашавай ххурча,  
Ганан дарув ляхълай дуссар щалла щар.

Агар щих-бунугу маолий, аътІий,  
Щарнил ца зуманий цавай буххурча,  
Цамур зуманийсса щарнил халкъуннал  
Бан хІадурсса хъатІи махъун бутайссар.

Агар щин-бунугу хъатІи булларча,  
Зюннав-накъарттул чІу дахъва шайхту,  
Мюрици-хъуни къавтІий къатІув буккайссар,  
Цинявпта га хъатІуй гурттугу шайссар.

ЦучІав накълу ххурча, гъарца инсаннал,  
Цаламанах кунна, дягъу дугъайссар.  
Къадарсса къел дарча шяравучувнал,  
Щалла щарнил ганан таммихІгу байссар.

Агар виричувсса къел дарча цаннал,  
Щалла щарнил шадсса байран дувайссар.  
ХІан ххирамана дусгу къаайссар,  
Къини дуркний увкІма цала дус айссар.  
Чарав гъан ххуннина, лавайгу бивзун,  
Гъантлул ххунаманал хІурматгу байссар.



*Жун жулва буттахъал къадиртун дакъар,  
Луттирдай чирчуну цалла аьдатру.  
Так аьдатурттая зума бавхътари,  
Ттул хъхъичI бацIай ттулва чIаххув-чIарахмий.*

*Ттун ххалишай цIарал пар ца вилаххавсса,  
Кания канихъхъун буллай нанисса.  
Ххалишай ттун иникIма сул мурцIувусса,  
Кания канихъхъун дуллай нанисса;*

*Наврузбагнал къуру, хъамаран бивзсса,  
Кания канихъхъун буллай нанисса;  
ЛухIи варси ливчсса тIаннул чурттугу,  
Кания канихъхъун буллай нанисса.*

*Чувнал дакIгу турди, душман увкIувкун,  
Буллугъсса ссупрари, дустал бувкIувкун.  
Буттахъал аьдатру, зунттал аьдатру,  
Луттирдай чирчуну дакъахъурчагу,  
Хъхъувайгу, дяхттагу, дакIру шад дуллай,  
Ттигу жул оьттувух най дур ирсирай.*

**Яру мазрая.  
Таржума Н. Юсуповдул**

\* \* \*

*Ца щинкIуй къакIулссар та, цу гъансарив  
Ва дунияллия лув дунияллийн.  
Муниву духъунссар оьрмулул мяъна –  
Вилла оьрмулул ххал руцаннин яхъу!*

*Агъ, кIул дан шайния ахират къини,  
Та багъну гъансарив ссавния цIуку.  
Лайкъсса кымат бишлай жулла думунин,  
Занабитан къашай ва оьрмулуву.*

*Цимийра дуниял цан дулурчагу,  
Ци къабикIанссия цив хIалимишаврий,  
Оьрмулул къинигу, ссятгу, лахIзагу  
Бусравну, кыматрай сагъну буссаксса.*

*КIулбан къашай къадар, талихI ва таммихI,  
Я жунна дуллусса оьрмулул шинну.  
Цалучинсса аьлул ва ахиратирал  
Дяниву буллусса оьрму харж бару.*

## ЛАЦА БУВССА КЪУЛИ

Ялапар хъанай бия тяхъасса ттуру кьули:  
Мукъра ччан, магъ, май, ххутлив.  
Лахъхъу-цархъхъу кунма га кучардавух бия лечлай,  
Ссултлутли дурну цилла ттурусса ури магъгу.

Хъхъувай ккаччил нуххуу ганил шану лахъайва,  
Дяхтта хъювусса ччитрайн хъири в хъанан биклайва.  
Амма, кьули махъ бувна чливи оърчал – Хусманнул,  
«Ко мне!» – куну, оьвкуний, кьули левчун бучлайва.

\* \* \*

Ччаву диклай хъинну жура-журасса,  
Диклай ца миклирал цлайлуха лархъсса.  
Диклай лакъагайсса цлуцлаву хъусса,  
Диклай тлутлайх бивчу гьивчул мурхъ хъусса,  
Диклай левххун нани мурчаха лархъсса,  
Диклай ссинжир хъусса, дуснакъ куннасса,  
Диклай га хласратсса, гъалак бувайсса,  
Диклай ганих щалва оьрму харж бансса.

Амма дуссар ччаву ляличиссагу –  
Хлаллицлух гъан хъуну, кумаг байссагу,  
Оьрмулул ххулурдай аьрхлалчув хъуну,  
Дакливу бусраврай ядувайссагу.

**Яру мазрая. Таржума -  
Илияс Махлammaдoвлул**

---

**Мирза ДАВЫДОВ,**  
Дагъустаннал халкъуннал шаэр

## ЧАНТИ УКУ, УКРАИНАЙ

(Поэма)

Пролог

Ттула цла машгъур дуван,  
Ягу жипру ганз дуван,  
Акъара чичлай цлана  
Ва чливи-хъунсса шеъри.

Чичлай ура вай ххару  
Ттулва оьттуй ва мукъай,  
Заманалул хласратру,  
Духлай духлан къахъанай.

Къув-аьс чай, ссав оьлукъай,  
Миклирал чявхъа бичай,

Хъири в бургъил нур личай,  
Ттабиаьт чанна дуккай,  
Так ттул даклил ттабиаьт  
Чявхълулату къадуккай.

Ттуярва къумамийиннал,  
Хласратру чяру хъанай,  
Мийннул аьнтсса къювурду,  
Ура духлан къахъанай.

Цагу, клирагу дакъар,  
Ттун къааци дан лярхъумур:

Цагу, кӀиягу акъар,  
Язидтал Ватанналул.

Барзултрал кюртти ппив бан,  
Къахъурчангу къягъраца,  
Халкъуннал оьттул дурхха,  
Гъулути дуллай аьрци.

Аьрасатнал дазурду,  
Чакъалтрал дур дургьуну,  
Ялугълай ча дунугу  
Цаннасса дагъиялх.

НахӀакъессар, къахъунтӀиссар  
Ххари жиндралсса ккаччив,  
Мий хияллал дантӀиссар  
Гъагъан тамахӀрал ккарччив.

Так абадлий личӀанссар  
Нааьналул тарихну,  
Дуниял гъалак дуван  
Савав хъумийннал дарсеру.

Машигъур хъун ччай акъара  
Шеърирду чичлачисса,  
Ясустуврал зулмура  
БухӀан къахъанахъисса!

### ТӀЮПАН МАРЧ

#### I

ТӀюпан марч бур къиз хъуну,  
Украиннал чулуха,  
Цилва цувпа ххит буллай,  
Аьрилул чӀанулатува.

Янсаврал агъулул бур,  
КӀу буну щалва гъава,  
Лухчи хъюлчутӀи дурну,  
Царал ттуп-ттупханардал.

Нааьналул майдан бур,  
Киевряту хъуну,  
Дуртмур щялу къашайсса,  
Аьрцарая лах буну.

Украина гъури бан,  
Савав хъумийннал кару  
СсюрхъирдачӀан дияннин,  
Оьттул дур гъулуртуну.

Бусила, Украинай,  
Ина ссал хъяврин буврав?  
Хъапа-шапалул мяьдан,  
Виява циван бував?

НахӀакъ эьки бутӀусса,  
Оьттул бунагъ бакъасса,  
Вил цӀарив машигъур дурсса?  
Инавара в цӀулавгсса?

Вашингтоннал ссурмухъхъу  
Вилла хушрай хъуннахха,  
Ци неьматрал залухърув  
Хъун бував миллат вилва?

Ина бунни виява  
Зулмулул къассаваххана,  
Украиннал халкъния  
Бакъассия гъаттара.

Къавхъунни вил паччахӀтал  
Илланий дакӀ цуцӀисса,  
Буллай бия хӀарачат,  
Жипру мусил дуцӀинсса.

Къачагътал гъарза хъуну  
Буллугъсса Украина,  
Сситтул дуркусса муххайн  
Буккан бунни щалвава.

БакӀрая байбивхъунур  
Чавахъ аьллай бачайсса,  
Нувца багъ кӀюла ххалуьн  
КӀура бавунна ина.  
Му в ххалгу дур дуцавай,  
ДарцӀуну дагъагъюрай.

Дусная душман увни,  
Душманная дус увни,

Язиднал канивусса  
ТуркIутIи ссихъу хъунна:

Щарал чIатIаракIирттах  
Донбас гъури-гъартI бунни,  
Мюрцисса оърчIайгума  
Ина рахIму къабунни.  
Жиндрал хъусса жанавар  
Щялмахъри вичIа цIана.

КIия уссил ца дазу  
ХIатталлуйн дуккан дувни,  
Мийннал дянихсса ламу  
Гъанула хIуркI чин бувни.

Щалла дунияллийсса  
Циняр паччахIлугъирттаи  
Агъашиву дан ччисса,  
Ччянива хIасул хъусса,  
Вашингтоннал лавмартсса,  
Макрузансса хияллу  
Дузрайн буккан бан вия  
Бувунна хъхъичIунбакъу.

Иттав къалану хъусса,  
Аьрасат цахчин буван,  
Мунил лагма дяъвирдал  
Гужирдал барурду бан  
Инара савав хъусса,  
Лавмартсса, Украйнаи!

Щараву кIири лавгсса  
Чаругума пIякъ учай,  
Цукссая ссавур дайсса,  
ЧантI учиннин вил иман...

БивкIулуца дуниял  
Ххассал дуллаи ур Путин,  
Ванал ччянива бувсмур  
Мяйжан хъанай бур утти.

Духъунссар малаикнал  
РухI дирхъуну ванава,  
Бала ялун бияннин,  
Байсса ганил хъхъичI бару.

Къалхъанналийн бивт ккулла,  
Махъунмай зана бикIай,  
Муна вилва ккулларду  
Тти вилла къюкIлийн щилай.

Ца аьртIист Зеленскил  
Вин дурсса душманишиву,  
Циняв паччахIтувраща  
Дуван къархъуссияхха.

ХIайп къакуну цалва халкъ,  
Гъури баву къагъану,  
Мий ккашил аз буллансса,  
ШартIру дур дузал дурну.

Укварив украиннан  
Ярагъру буллагисса?  
ЩичIаннав ххилаххисса  
ЛачIал бувцIу амбарду?

АьртIистнал сахIна хъусса  
Къагъ бувсса, Украйнаи,  
ХIайп личIарчан ца чIумал,  
Чил хъхъичIун кару тIитIлай...

Дуржагърал ххуллийх лавгсса,  
Бяйкъусса Украйнаи,  
Цаннав вилва инава  
Къювкъу къадар буллаисса?

Гитлердул зулмурдаца  
Инава ххассал бувсса,  
Вила уссийн ка гъаз дан,  
Цукун бювхъунав вища?

Фюрердул лавмартшиву,  
Дияв виву чантI куну?  
Тайва фашистал виву,  
БивкIун бурхха къюлтI хъуну.

Дяъвилул ярагъуннил  
Гужеру цуксса цIакънугу,  
Дусишиврул бувмур буван,  
Тари хъусса мийннуца.

НеххамачІув ххюлуксса  
Фашист-германнал аьрал,  
Аьрасатнал халкъуннал  
Цашиверуля ххит бувсса.

Ттул улклул циксса вирттал,  
ЛивтІуссар вихлу талай,  
Вил аьрицараву мийннал,  
ТтаркІру дуссархха аьллай.

КІулбакъа бирбат хьусса  
Тай жагьилтуврал рухІру,  
ДацІан кІану къаляхълай,  
Дуссархха вайллул хьуну.

ЛухІилува къабувкссар  
Мийннал нинухъру, сурвал,  
Язимийннах ялугълай,  
Яру ливчІссар ххулурдай.

Мийннан нясив къархьуссар  
Мискьалуксса тирханну,  
ЛухІилува бунува,  
Хьуссар ахиратралгу.  
Циваннив мийннал рухІру  
ЧантІ чин дуллан цІунилгу?

Щалва Аьрасатъяхха  
Таний оьттун най бивкІсса,  
Мунил авкъатсса чурххал  
Базуявхха инагу.

Цан бурав тти къунуца  
Мув базу батІул буллай,  
Вилва умматраяту,  
Къассавхана хьун буллай?

Буссия вилгу вирттал –  
Заманалул чІюлушин,  
Дарувъяхха азардан  
МарцІсса гьава, уртту-цин.

Тти бур вияту хьуну,  
Дуржагьрал цІарал кюру,  
Мув цІараву ччувччуну,  
Най бур вилмур алишгу.

Душманная дус увсса,  
Дусная душман увсса,  
Авкъатсса, Украинай,  
Цаннав муксса бяйкъусса?

Цуница оьттун дуцлай,  
Чулу хьусса щавурду,  
Мий оьттувун бювкъун най,  
Бурахха мурчІи хьуну.

МурчІисса къяцлул хьирив  
Дюь хьусса яттил ттурзан,  
Таратагу муруллийх  
КъатІ шайссар къакьалувун.

Ччива цІана урган ан,  
Вихва та Ттарас Булба,  
Шляхтал ххит буккан буван,  
Украина гьаз бувсса,  
Хаин хьусса цала арс,  
Цалла каних ивкІусса.

Хаин акъарив туну,  
АьртІист Зеленскийгу,  
Театирданул сахІна,  
Киеврая хьун бувсса.

Халкъуннал душман яла  
Цукунссарив икІайсса,  
ОьцІуцІавурттал кюртти  
Цийва щавицума акъа.

Мюрици-хьунимийнная  
Сагъсса барурду бувну,  
Махъун бувхсса фашистал,  
Бакъарив кавтар барцІру?

Хьунмунин тамахІ бума,  
Чивимур бакъа личІай,  
Инагу, Украинай,  
Лют бувккун личІан бюхъай.

Цув тІайла булларчангу,  
Путиннул къюкІлийн ккулла,  
НахІакъссар, зунттал хъачІру  
Дяних дуссар баруну.

*Барз лежан бан къаст хъуну,  
Ишан цув ласларчангу,  
КІаний ххарсси дан шайсса,  
Дуссарив ракетартту?!*

*Щалла дуняллия,  
ХІатталу шавай дурча,  
Уттивагу чантІ уку,  
Бяйкъусса, Украйнай!*

### **ЭПИЛОГ**

*Хурххулл ццах бутлатисса,  
Оьлукъусса аьтара,  
Хялал, къунттал къумуравух,  
Вев-шев тІий эьки бачай,  
Чансса къанивпнай бищайхту,  
РахІат бувккун, пахъ багъай.  
Гъар цимурца даххана шай,  
Лухчигума хъуннар шай,  
Так хъис даххана къархъуну,*

*Тарихрал таптарданий,  
ЛичІай лухІисса чичрурду  
ЛухІи къинирдал дурсса!  
БивІу-буккулл дазуй,  
БавцІусса Украйнай,  
ЧантІ уку уттивагу,  
Бурача рухІ дулавай.*

**4 июнь 2022 ш.**



**Ссупиян ОБМАРОВ**

### **БУТТАЛ ШЯРАВАЛЛИХА**

*Хъун ЦувкІул - ттул пахруй, Шунул щутталу  
Ххюкъянциа цІукуну тІитІи даркъусса,  
Алвагъсса барзунттал лагма вив ларсун,  
Жул буттахъал тарих ябуллалисса.*

*Къурагъшиву къакІул вил хІавицияллу,  
Гъинттулгу дяркъусса «Цумурицинал» чІу.  
ХъункІул тІутІал арев лахъсса «Зювил къун»,  
Цимийл ккаккарчагу, бизар къашайсса.*

*Гъунар бусса барзул кюру лахъний бай,  
Биччи бакъул канил зия къабуван,  
Шяравату левххун вил арсру лагай,  
Архний шагърурдайгу вил цІа гъаз дуллан.*

*Дуняллийх вил цІа машгъур дурунни,  
Пагъму-гъунар лахъсса пагъламантуврал,  
Вил арс СултІаннуца хъун ан бювхъунни,  
НякІ ссавруннал лачин - АхІмадхан СултІан.*

*Аьрици - щинал къадру ябангу кІулссар,  
Хъунанан, чІивинан кумагру байссар,  
Ци архсса шагърурдай мина дарчангу,  
Ас – намус ЦІувкІуллаң буруччин кІулссар!*

*Зунттал гъайбат дусса вил арсурвавран,  
ЦІакъсса цІуллушиву, на чІа тІиссара,  
Вил бусравсса тарих бюхттул хъуннав тІий,  
Нагу ца ЦІувкІрачув дуаьлий ура!*

### **ЛАККУ БИЛАЯТ**

*Бюхттулсса зунттаву ссавнил чІаххуврай,  
Жул буттал буттахъал дирхъусса мина,  
Зунттал мицІай барххулт, ссурулу барзулт,  
Щархъай лакрал вирттал ядуллай буссар.*

*Зунттаву, рахІаву цулуй жагъилтал,  
Къурдарав хІулуйсса балай душваврал,  
Шярава баяйсса чІу мюрици оьрчІал,  
Ина бакъарав мув, лакку билаят!*

*Аьрици къянятнугу, яхІ бусса вирттал,  
Дяркъу щин чаннугу зирангсса душиру,  
Аькълу, камилишиву лавайсса пухълу,  
Вил бакъарив бусса, лакку билаят!*

*Миллат чансса буна, гъунар лавайсса,  
Канил касму дугъан гъарма усттарсса,  
Чумартсса вирттаврал цІа бюхттул дурсса,  
Ина бакъарав жул, лакку билаят!*

*Уртту тІутІал шюришу бюхттул бизанттай,  
Дяркъу щинал жюржу къума ратІаву,  
Уссарив лаккучув, шайссарив мув чув?  
Хъама битан барча, лакку билаят!*

### **ЩУНУ ЗУНТТУХА**

*Дагъустаннай лахъсса зунттурду чІявур,  
Щунуха лавхъхъусса хъуна къабакъай,  
Вил лагма муруллал лахъсса барурду,  
Лакку кІану ябай къалардан лацІай.*

*Щунуй, ина вилва чурххай ябара,  
Лакрал, Ахъушиял цикссагу ризкъи,  
НякІ щаращал щинал мякъ лиххан бара,  
Увххусса ххуллулсса кІирисса къини.*

*Вил авкъатсса чурххайх дирхъу цархъаву,  
Чувишыву къадансса жагъыл къахъуннав,  
Лахъний къакъардайсса марџI занчру кунма,  
Жулва лакку душру марџIна личIаннав.*

*Вил бизанттай гъинттул чIируннал тIуркIу,  
КIинттул аврдал мина - кIяла ларзурду,  
Цикссагу барзунтран леххан лавхъхъусса,  
Лахъний ссурулусса бюхттул къанчуллу.*

*Ядулаллу Щунуй – жул хIакъсса пахруй!  
Жул буттахъал улклул паракъатишыву,  
Балики вил хъунин уттигу букIан,  
Лакрал шяраваллай џIунил аргъ дирзун!*

### **ПАГЪЛАМАН**

*Лелуххантрал таргну ссавруннайх лехлай,  
Куклуну тараза палџIатIи дуллай,  
КъавтIий ур џIувкIрачув чаннаннил хъхъуттай,  
Вина џа тамаша паргал пагъламан!*

*Тикрал бан захIматсса бусравсса пагъму,  
Буттал буттахъая ирсирай найсса,  
Ябара, џIувкIуллал яхI бусса арсрув,  
Бюхттулну щарнил џIа гъаз дурсса касму.*

*Гъунарду аьламран машгъур бувунни,  
Буттал шяраваллил џIа бюхттул дувни,  
Тамашачитуврал багъа бивиџунни,  
Пагъламаннал пиша џIунил гъаз хъунни.*

*Чумартсса пухълуннал аьпа-дуаьлун,  
Ябанну џIанихсса чувшиврул гъунар,  
Абадул абадлий пахрулий бикIан,  
Бусраврай личIанссар вил џIа пагъламан!*

### **ПОЭЗИЯЛУЛ ТЕАТР**

*Эмаратсса къатта, гъарнан бусравсса,  
Пушкиннул, Расуллул џIа ларсун найсса,  
Шэртуврал пагъму ашкара буллай,  
Миллатирттал агълу џачIун буллайсса.*

*Тарбия дулаву џIусса никиран,  
Хъунмур масала бур театрданул,  
Щалва Дагъустаннай хъхъичIунсса вирттал,  
Миллатирттал дянив машгъурну бикIан.*



*Театрдануву ялун ливчунни,  
Хъинну гъунар бусса жагъилсса чичулт,  
Дуклаки оърчІаву ашкара хъунни,  
Шеърррду ххирамий, цІанихсса буккулт!*

*Цал шивун увкІманан хъама къабитай,  
ЦІу бувсса матІахІ ва паракъатишиву,  
СахІналия лагъну ккалайсса шеъри,  
СсихІ бацІлай, микІ лачІлай вичІидирхъумий.*

### **МАХІАНМАД АХІМАДОВЛУН**

*Уссар ттул ца ххуйсса дакІнил лавъсса дус,  
Унгу-унгунусса мукъурттил усттар.  
Инсантуврайх бачІлан дакІнийсса гъавас,  
Укунсса бухъунссар ттул дус вил къадар.*

*Расуллул бивхъусса шеърррдал ххуллу,  
Утта, гъарта бувни ина, МахІаммад,  
Ка мусил къаламрах дурсса чичрурду,  
ЧІявучин кІул дуван буну тІий мурад.*

*Вил шеърррдал жуужран цІа дур Аьрапат,  
Бувккумийннал дакІру гъулусан дайсса,  
Эшкъилул, дусшиврул миллатрал сурат,  
Лагмасса аьламран кІул буллалисса.*

*Вил шеърррдал цачІун хъусса ххазина,  
Беларусь, парс, татар, ккалай бур,  
Дагъустаннал къимат лавай гъаз буллан,  
Вил лагмасса къюкьри гъарза хъанай дур.*

*Чичинсса уттигу цикссагу ххару,  
Алгагънал дулуннав, дус, вихъхъун къудрат,  
Шеърррду ххиранал пахрулий ккалан,  
ТІайлабацІу баннав, ттул дус МахІаммад!*

### **УЧИТЕЛЬНАХЪ**

*Чун чІарах дурккунни, ларгунни шинну,  
Къаритан багъунни тяхъасса чІунну,  
Барчаллагъ учинна на дакІнихтуну,  
Ххирасса школатухъ, учительтуврахъ.*

*Элму, аькълу, кІулиши жун лахъхъин дуллай,  
Жапари къакуну, захІмат бивхъмийннахъ,  
Нитти-буттал кунма насихІат буслай,  
Оьрмулул къиблама жухъхъун дуллунахъ.*

*Къирият, ас-намус џаакъну ябанну,  
Ватанналун лайкъсса бадал жу хъунну,  
Жухава був захІмат хІурматрай џалай,  
Учитель, вихъ чинну мудан барчаллагъ.*

*Оърмулуд мугъалттул хъхъичІ бачин бувну,  
џи архсса шагърурдайн жу багъарчангу,  
џи къуллугъ, џи пиша, канихъ бунугу,  
Абадлий вил хІурмат жу буруччинну!*

### **НИТТИХЪАХЪ**

*Зул оърмулуд дуцин дан,  
Диял шайссарив шинну,  
Шану къалавхъсса хъхъурдан,  
џиксса хъуссар багъантту.*

*Бюхттул зунттал миџаха,  
Лавхъхъун бур зул бакІругу,  
Бивтсса ххуллурдал сурат,  
Дагъну дур сиппатрайгу.*

*Хъуни бувсса оърчІругу,  
Лавгун џалва къайгъурдай,*

*ЛивчІун буру зувалу,  
Зува џавицусса къорттай.*

*ОърчІах мякъна дакІру дур,  
Хъхъу-къини къаралланий,  
Хъхъемавххунма яру бур,  
Ххуллурдавун ялугълай.*

*Агъ, ниттихъул, ниттихъул,  
Жул, арсаврал хъаттирдуй,  
Зун дард ккаккан къадурнал,  
Бувача аџІва пахру!*

### **УЗДАНССА ТАРИХ**

*Бакъассар, вих хъира ххирасса дустал,  
Миллат, лакрал кунма, тарих уздансса,  
Бакъассар жулаксса џІанихсса вирттал,  
Дагъусттан бюхттул бан жанну харж дурсса.*

*Ва хъатІул къуругу бачи гъаз банну,  
Жулва лакрал миллат џІуллу баннав тІий,  
џІуну хІасул хъусса жагъилсса кулпат,  
Буттахъал ирсирай къуџу тІуннав тІий!*

*Чумартсса вирттаварал џІа бюхттул дурсса,  
Жул буттахъал Ватан - Лакку билаят,  
Мазралгу, яхІлилгу, аслилгу минай,  
Къамул ба ва кулпат вилла џІанилун!*

**МАЗЯЙХЪАЛ Казбек**



**ДАКИ ХЪИНССА ЛУХИИ ХЪАТИУ**

*Агъ, хъатIугу бикIай,  
ЛухИ хъатIугу.  
Бай ккалли балардан  
Га лухИ хъатIу.*

*Щаллусса аькъулдул  
Бур гай лелуххант.  
Зумух махъру ласлай,  
Гай шай саламат!*

*«На бити!» – учайссар  
ХъатIул таэнну.  
Тарбия шай хъатIри  
Хъинну аькъилну.*

*Бия цавайнначIа,  
Ца лухИ хъатIу;  
Ккаччищал, ччитущал,  
Дусну къатлугу!*

*Бур даки хъинну хъинсса,  
Валлагъ, гай оьрус;  
Къатраву ккаччивгу  
Ябай буну ас!*

*Дия чIанкъатлугу  
Нисирал вяртIа.  
Нисирая гайннул  
Байва мадара.*

*Га ккаччи ва ччиту, –  
КъаканайтIи нис.*

*Дукан лухИ хъатIул  
Къабайва ламус.*

*Жу га лухИ хъатIул  
Бувна махIаттал!  
Къаласуннав ганил  
Касак нисирал!*

*КкаччиЧIан лавгуна,  
Валлагъ, нис ларсун!  
Гъан къеппигу бувна –  
Ганил нис ласун!*

*Ларсуна нис ккаччил  
ЛухИ хъатIуца!  
Микку лухИ хъатIу  
Ца ххари хъуна!*

*Лавгуна ччитучIан,  
КIилчин нис ларсун!  
Ччитулгу куна хъап  
Хъинну нисирайн!*

*Буччин, валлагъ, бувну  
Ккаччи ва ччиту;  
Дурна лухИ хъатIул  
Даву дучIину!*

*Лап дусса духIин бур  
Га лухИ хъатIу!  
БучIия хъатIай га  
Ца тямадану!*

## ШАЭР – ШЯРАЙХУККУ

Лавгунни шаэрная,  
Бу-бакъамур кици, цѳу!  
Лачѳун дунни ганаѳух  
Къаайсса хъун кІалаш цѳу!


Шаэрнал луттирдугу  
Сайки, тти аьркин бакъар!  
Цувагу аьрсса тІаннуйн  
Уккан уннихха вайннал!

Тти ттучанну луттирдал,  
Букъан бунни цакуну!

Тираж луттирал ѳалла  
Авторнахъхъун - ма куну!

Ци банссар, муриѳув дишай  
Луттирал ѳалла тираж.  
ПакъирначІа къабикІай  
Луттирду бишин гараж.

Тти шярайхбуккултрангу  
Бакъар хъис луттирду сан!  
БивкІессания буккайсса,  
Пишкаш банссия гайннан!



МахІаммад ТТУПЧИЕВ

## ТТУЛ БУТТАЛ УЛЧАЙ

Бурав, ттул буттал улчай.  
УвкІра ѳал ттигу вичІан.  
Вихсса ччаврил ччучлай най,  
Къашай гъурбатрай аѳІан.

Чил аьрицарай чІалъаьрду,  
Бювчѳу-чІюлуну бувсса.  
ВичІа тІурча зунттурду,  
Къяпри ссавруннайн ѳусса.

Зунттал яхъай ѳараѳив,  
Мякънах ялугълагъисса.

Къума ратІаву нехру,  
Тархъанну къявхъа тІисса.

Зунттаву мюрици ѳархъив,  
Тарих хъинну хъунмасса,  
Эяллайн дуккарчагу,  
ДакІния къадуккайсса.

Лакку Ватан увкуну,  
Вин ѳІа ѳил дирзунавав?  
Ттун Заннал дуллу Ватан,  
Къашай вияту уѳан.

## ЗАНА ХЪУНТИССАР

Зунттавату бивзун,  
Шагърулийн лавгмий  
Зана бикІантІиссар  
Цалва зунттавун,

Хъхъируннал гъухъалтту  
Ххивну гъан дурсса,  
Зана шайсса кунна,  
Цалва кюрттавун.

*Цулавгун, цІакъ хьуну,  
Та бухьурчагу,  
Лаккуяту лавгмий,  
Лаккуй хьунтІиссар:*

*Цайн бюхттул ПнабакІу  
ОьвтІий буну тІий,  
Лакку кІану – лакрал  
Мина дуну тІий.*

### **БЮХТТУЛ БА БУТТАЛ УЛЧА**

*ХІалал бан ччай ухьурча,  
Ниттил буллуса ккукку,  
Бюхттулну балай уча,  
Бюхттул ба буттал улча.*

*Амма хьама битарча  
Лявхьусса буттал къатта,  
Хьама итаннав ина  
Каши хьуна Залуннан!*

**ХІадис ХІАДИСОВ**



### **УВЦУНА АРСНАЛ БУТТА ШАГЪРУЛИЙН...**

*Ца ххуллух шагърулий, паркраву гуресса,  
Ца къужа ххалхьуна тахлий сус хьусса.  
Гъан хьуну цяивкІра на къужлул чІарав,  
ТІиртІуна ттаттал дакІ, арснацал кунна.*

*Акъая рахІатну ва пакъир шилу,  
Пюрунтру хханссия пашмансса яру.  
Ттаттал хьхьичІ цар дия хьхьугу-къинигу,  
Букъавгьу къурдугу къувтІуну иттава.*

*Ва тагъар уссара, ттул арс, на духІлай,  
Шилусса даврангу ттул ня бур хІачІлай,  
Щалиххан зунттаваун учІан къахъанай,  
Уссара дакІ аьллай, шилува личІлай.*

*Ттаттал ттухь цІувххуна жулла лухччая,  
Лях дуккан къадуллай зунттал цІардая,  
Ба-бакІ дакІнин бичлай мацца-гъанная,  
Ччянива ливтІусса хьин вирттаврая.*

Мюрш ивКун урувгсса ттун ттаттал иттав,  
Зунттурду ххалхбуна ялгъузну ливчІсса,  
Мукъал бѣвххун найсса яругу мюршсса,  
Щаращив хханссия, ттаттай аьтІийсса.

### НА ЗУХЪ БУСАННА...

Гъалгъа тІий дуванна Дюкъллал аьрици,  
Я, Раппий, ца чансса дула ттун каши.  
ХъхъичІ бацІан буванна тивталсса нартътал,  
Тарихгу бусанна лув ливчІсса чарттал...

Сутай-Баг цІивикъан, Тино-юзбаши,  
ХІажи-Аьбдул-ХІалим, гужлув Атаси,  
ЯхІлувталгъя чинна лагма щархъаву,  
Дюкъллал ва лакрал сий дуллай бивкІсса.

Ялагу бусанна динийсса ишру,  
Лахъну бивкІссар куну буттал шяраву.  
Супиятрал щайхтал Аьли ва Мурад,  
Аллагънал валийтал бивкІссар увкуну.

Дин хІала дакъасса КІулиши хъхъичІ ларсгсса,  
Русттанхъал Баг Агъа дакІнийн утанна.  
Учкъула тІивтІуну, дарс дихълай ивкІсса,  
Жумайхъал Аьлия на зухъ бусанна.

Советирттал ишру сиптта цал бувсса,  
Паша ва Разугу жулар учинна.  
Жагъилтуврал пахру буллан лайкъ хъусса,  
Аьлихъал Оьмаргу дакІнин утанна.

Самурдул жяматру махІаттал бувну,  
«Кичи Къуба» жуйнма учин лайкъ хъусса,  
Жагухъал Жамалгу, АьбурахІмангу  
ЦІанихсса ишчитал бивкІсса бусанна.

Махъ ливчІнан хъуннав тІий эбратну лахъсса,  
КІулбанна на зуцал дарс ласун марцІсса,  
Милицанал къуллугъ дугърину бувсса,  
ХІажи МухІаммадгу, майор Бабагу.

Лакрая ябувцун, оьрму гъан бувсса,  
Оьмургу, хъинмургу лакрацал бавчІсса,  
Къалаккуй лаккуну яхІ буллай бивкІсса,  
АцІрагу щарния хавар бусанна.

Тарихрал таж хъусса Сияхъ ххяллуя,  
Оърму оьнийн лавгсса ХарицІ царния,  
Туннурдаву оьтту бацІан буллайсса,  
Леххаврил хаварду дакІнин бичинна.

Гъалаххан, Хъурттайми, Щарахъ, Ххяллухми,  
КІирагу ЧатІлухъи жулар учинна.  
Пуч-палачат хъуну хъхъичІра гъарчагу,  
Щархъив, лирчІмур зуя ххирар учинна.

Нартътуврал цар-мина, чарттал ХъачІара,  
Игитътал ляхъайсса Дюкъуллал дара,  
Ябувцун бунугу, Лаккузан, вия,  
ТтиликІ вил дуручлай бивкІссар учинна.

Ханнал тІар-леххаврий аьрайн гъаз шайсса,  
Бурттигъалтрал кьюкълул вирдакІ хъун бивкІсса,  
Дюкъуллал яхІлил ттугъ зунттаву лавхъсса,  
ХхюцІала бурттигъул хавар бусанна....

НукІугу, цІанагу, цІанихсса улчай,  
Цу-цІанпир личІаннав ччатІуй ва цинай!  
Вирттавраха ратІал тІутІисса балай,  
Вил оьрчІал оьрчІангу личІаннав баллай!

ЦурттачІан гъаз хъанай, эяллу ляхълай,  
Ттаттахъал гъунарду гъаз буллай ттугъну,  
ЯхІлувсса буттахъал дугърисса арсеру  
Чичлай буссар ттигу вил тарих цІурттай!

\* \* \*

Ци байссар кьуллугъирттал,  
Цардал, чиннал, тахирдал,  
Иш багъувкун, миллатран  
ТтарцІну бацІан къашайсса.

АьтІий бухъунссар хантал,  
Миллатрайн бувкмур чІалай,  
Жулва кислуяр цикІуй,  
Жуннагу дакъар чІалай.

Ци байссар аьлмтуврал,  
Аькълулугу бувчхусса,  
Ца хъисрагу кІулишилул,  
Миллатран харж къадайсса.

Элмийсса цІарду ласлай,  
ЦурттачІангу бур биллай,  
Ттаттахъал Ватангу дур,  
Эялайн дуклай, лиллай.

## ЦАРДАЯ ХЪУННИ ЦІУРТТИ...

Чагъ дайсса кунна мурчал  
Ссавнийх ттуруллив гьарал,  
Ппив бувунни аьсрурдал  
Дунъяллийх миллат лакрал.

Аьрира духларгесса цархьал  
Цардая хъунни ціуртти,  
Къатрая ціувицу чарттал -  
КьутІайсса мечІал къатІри.

Чуврив гьелисса ужагъ,  
Бавал кІач, буттал бартукъ,  
Гьаннил-суннил хъун гьайсса,  
Мурчащал хъумий уртакъ?!

Бакъархха, инсан, ляхълай  
Вил ризкъилул ша сунув,  
Я уртту ккуччу хъанай,  
Гьаннарав дакъар чІалай.

Пахъ багъунни зунтурду,  
КъатІу-шах халкъ бивицуну,  
Пашман хъунни кьурдугу,  
ОьрчІая махІрум хъуну.

АьтІий бур гьарца хъхъуну,  
Эяллав зурул чани,  
Кьурдарав кьюкІ-мурчІисса -  
Дя-дяхтта бургьил гьуни.

Чу-читІ бакъар... ссихІ дакъу...  
КъабивкІсса хханссар оьрму.

Аман, чара ци макІру  
Ккаклай бурвав барзунтту?!

Цукунсса шайвав тагьар  
Кьалухчай зунттал чувнал,  
Дарчуний хІайп хьиривну  
Итталух ссуру аврдал?!

ДақІнин багъувкун зилу,  
Хьурдай чайвав ларг шинну,  
ХІачІан чай дақІ къадиллай,  
ЛирчІуний бярнил щинну?!

Цуксса якъама шайвав,  
Ватан итталух ларгун,  
Аьйб-бювкьу цайра дайвав,  
Лаккуя лавгсса увккун?!

ТтиликІ руртнугу зунттан,  
Хъамакъаитай инсан,  
Пиш тІий, хъяй хъуна акьин,  
Хъазам тІитІай гьар мудан.

Къаххирассар барзунттан  
Цала чув бакІ кьус риртсса,  
Инсан, лахъхьи яхІ буллан,  
Зунттурдая рас бивкІсса.

Къалаккуйгу цу буну,  
Гьаннав зул оьрму яргну,  
Чан къахъуннав дақІниву  
Улкхусса ччаврил нургу.



**Къурбанпатимат  
ШТАНЧАЕВА**



*Нурмаханмадлул аьпалун  
Низам-аьралуннал хIакьсса командир -  
Вин Ватан оьвтIий дур,  
Бурж биттур буван.*

*"Чак бавцIусса хьуннав,  
дадал вил ссапар",  
- Вил нину лергь тIий дур,  
Арс мюхчан уван...*

*Дуньяллий дакъаву  
ЦIакьну личIаннав!  
Дяъвилул ххурххугу,  
Архну льякъиннав!*

*Оьттул майданналий,  
ХIучI къаувкуну,  
Жагьилсса оьрмулий  
хIайп къаувкуну...*

*Дагьусттан вирттаврал  
СияхI ххи дурсса,  
Ватанналул ххуллий,  
Жан къурбан дурсса:*

*Чивисса миллатрал  
ХIакьсса виричув,  
Лакьсса къириятрал  
Заллу-лаккучув.*

*Абадул абадлий  
ЛичIанссар вил цIа,  
Пахрулий наслурдал  
КIицI данссар вил цIа.*

*Дизанссар чIявучил,  
Арсавран вил цIа,  
Яданссар миллатрал  
Бусраврай вил цIа...*



# Таржума бусмийнгува



Коста ХЕТАГУРОВ


## АМАНАТ

*Бухьурча ттул байлай,  
Ссинкь хIала хьусса,  
Мадара ка галай -  
Дардри дакIнийсса.*

*Халкьуннан агана  
Бурж лахъан хьурча,  
Мув чIумал байлайгу  
Цамур хьуннавча!*

*Ттул талихI бакъая,  
Тархъанишиву на,  
Ккалли дувайссия  
Ттулва талихIран.*

*Дуниял щаллагу  
Ччаврил ахIрамри,  
Ттулмур тIурча ччаву*



\* \* \*

*Янил лянI къакуну,  
Ура хIадурну,  
Ттулла жангу дулун,  
На халкьуннахлу.*

\* \* \*

*Чаннасса нурди  
Щалва ил-аьламгу  
Буттал улчари!*

*АсатIин мазрая.  
Таржума - Хизри ИЛИЯСОВЛУЛ*

**Хіамзат БАТЫРБЕКОВ**



*Къума-џанну, бан-битан бакъа ливџесса џумал  
«Бодлердул сурат» тІисса къюмайлува*

\* \* \*

*Хъару бур ххиттуйх ришлай,  
Щаву дирсса лелуххи,  
Гъава бан бур къабюхълай,  
Къаритан ччай хъу-лухччи.  
(Дарссуну дур лагавай  
Ганил къюкъа ссавруннай).*

*Къадарданийн сси бизлай,  
Ура бангу къабюхълай,  
Къювулий ура нагу,  
Къинилул къабакІраву.  
(РахІму бакъасса ссавгу  
Рихиантрай дур дуруглай).*

\* \* \*

*Оъ бакъану кІяла къавкъесса марххала  
Дурну бурхха лухччи-ссавний чарххала,  
Ккаччи кунма, гъургъу тІутІисса марчгу,  
ХІадурну буссар џапІ учин ччаннаџун.*

*ХІаллих вана най дур џунгу хІурхІаџа,  
АьнтІикІал буџилул къанкъ дур кІюрхниџа,  
ЯбакІ бувтсса къахханссарив къинирдал,  
Ххарххунурхха дусса гайгу ва ттуџал.*

*Маятник кунма бавџунни ттул къадар,  
Къакъан бунни га дахханашивурттал,  
Нарив ахІмакъ ура хъяй, ссинкъ буллуно,  
ХІисав къахъун ттулла къюву кІучІ дурну.*

*КІинттул џумал къяриша тІий бикІай мурхъру,  
Замгъарданул хІурни лаххай къяртралгу,  
Къяриша тІий, къатІ хъуну най бур хияллу,  
џун ларгссарвав оърџинийсса оърџи макІру?*

*Ттул дакI къума-цIан ларгний,  
Чани къабай Аьрцарал,  
Цупар къаучай чаннал,  
Ссавнил ссурулккурттарив  
Ххалкъашай ттул яруннан.*

\* \* \*

*Ина руцара, Аьрций,  
Хьинну паимансса макъан,  
Хаварвагу бакъа на,  
Синттайн увккун ачара.  
Хьунни ттуя скрипка вил!*

\* \* \*

*Хьинну дакI гьаргьун уний,  
Ссав дурицусса цIурттава,  
Ттул дакI дигъа лаган дан,  
Пар къачай цаннилвагу.*

*Танмалгу хьуну ура,  
Танмалишиву – ттул дусри,  
Чун лерххуну нан дити,  
Журиг хIаллих бачинну.*

*Ура укун яхъанай,  
Къуману, якъаману,  
Шадишврун къакъамулну,  
Паиманишврел усуну.*

*Чумуву ура луглай,  
Цириг ура лякъин ччай,  
Шиннумий дур лирхъун най,  
КутIа-лахъи шаттирдай.*

### ДАГЪАНИ

*Къя-гъя тIутIисса хъатIрал  
Ххинил къабан марххала,  
Ттангъри дихълай лухIисса,  
Га дагъанттуй чаннасса!*

*Ура нагу уруглай,  
Дагъанттув ттухва нава,  
Хахливу цучIав акъар,  
Ци увссаривав нава?*

\* \* \*

*ОьрчIишиву кунма марцIисса  
Буссия ттул хияллу,  
Уттириг бур ссувсусса,  
Чумул бур бассан бувну.*

*Тавакъюьри хьунмасса,  
На чIумухъ буллалисса,  
Я битах арснах кунма,  
Акъана яла хьинма...*

### КЪАЗИМ

*Лархъун дур сурат чIирай,  
Уруглай ур ттух къужа,  
Ур га цирив учин ччай,  
Увкуну гъанба, къужай!*

*Агана ша баччарча,  
Аьй дуллай ур барчаман!*

*Ура ганах уруглай,  
СсигI-читI къадурккун нагу,  
ЧIявусса инсантуврал  
Ванаха лацин дикIай.*

*Агар ттуь дакI дакъирча,  
Га хIалимну уругуй,  
На чувнай лихъарчагу,  
Ганая лихъан къашай.*

*ЧIярусса шиннардий ур,  
Га Къазим ттух уругун,*

*Га ур тухумрал бакIчи,  
Къутта къяпа бивхъусса,  
Жу буру кIия илчи  
Ца миллатрал чIивисса.*

Чумул рахІму къабувссар,  
ЧЯвусса ккаккан бувссар,  
Ва къужлун, ва шаэрнан  
Ттун къаккавмургу ккаккссар.

Тай оьІалсса шиннардий,  
Тамансса бухІан багьссар,  
Амма буттал шяравун  
Зана икІан къавхьуссар.

ДакІнин ххира арния,  
БяличІан бувну балай,

Га къужлун гьавгу лирчІссар,  
Архсса кІанай гьурбатрай.

Агь, буркІунттув буттахъал!  
Дунияллийх ппив хьусса,  
Зун мийксса ккаккан бувнал  
БакІрайн лачІуннав чарттал!

Цивпа чув бухьурчагу,  
Буттал улча дакІнийну,  
Буссар халкъ ттул балкарнал,  
Къазим, бакъарив туну?!

\* \* \*

На макъаитару, ттул буруккинттув,  
Ци чулийгу зу на макъаитару,  
Тай буттахъал дардру ттуву дуссарча,  
Зу на, лажиннича, макъаитару!

На макъаитару, ттул буруккинттув,  
Марххала бассинссар, уртту ххяхханссар,  
Замгьарду къаккавкмий лавсуну гьанссар  
Заманалул гьаян чІумул нигьирттал!

На макъаитару, ттул буруккинттув,  
Жува буру хІатта цІурттачІан гьанну,  
КІивагу ххуллу бур бивзун най ахІал,  
Ца ххуллу аькълулул, гамур – гьавасрал!

На макъаитару, ттул буруккинттув,  
Къачча ттун цІардугу, хьунишивурттугу,  
Агана зу ттуя хиянат хьурча,  
Къадиртун гьарзатгу, хьирив ачинна!

На макъаитару, ттул буруккинттув...

**Балкарнал мазрая.**  
**Таржума – Хизри ИЛИЯСОВЛУЛ**





**Марина  
АХИМАДОВА-КОЛЮБАКИНА**

**МАХІАЧКЪАЛА**

*Архсса аърххилия  
Махъунмай найний,  
Ттул поезд бяянинн,  
МахІачкълалийн.*

*Ттун шану къабияй  
Къавих хъунссару,  
ХъхъиричІан левчун най,  
Ххал хъуннин Таргъу.*

*Ххал хъуннин ялагу,  
Маякрал чани,  
Мазурдил къала хъу  
Гъанжи аърккалий!*

*Мусатир кунма бура,  
На дуняллийх занай,  
Щаллара ва дунял  
Аьламатну дур чІалай.*

*ЛяличІийсса талихІгу  
Заннахъ чІа тІий бакъара,  
Гъари ттун ва къисматгу,  
ДакІ хъунишиву къадара.*

*Цимий шин дулурчагу,  
Къадар ци бухурчагу,*

*УрчІах тана чІалай  
Къатта чичултрал,  
Кияхату личай  
Хъхъири някІ щатІал!*

*Портирайсса краннал  
Дай «карду» галай,  
Хъхъирил лелуххантрал  
Учайссар балай!*

*Перронналийн бувкра,  
Лагма бурувгра,  
Хикмат бакъаривла,  
На мукІруссара.*

\* \* \*

*Заннаятури куну,  
Къамул бара мукІруну.*

*Буттахъал аьдатругу  
Дуруччинмур бувара,  
Гайннаяту нанимур  
Назмолувух бишара.*

*Аърххи-ххуллийн бувкара,  
Ттуйнува нава хушрай,  
Лагмасса хІикматирттал  
Бура на хІайран буллай.*

## ГЪУНИБ

Ссавруннай бур таж кунма,  
Баргъ гъаваллаву бигълай,  
Гъуниннал зунттал лагма,  
Барзулт бур гъава буллай.

Халлих бивгъуну най бур,  
Хъаругу тИтИин дурну,  
ДакIрурав муридтуврал  
Цив гъаз хъусса ссурулун?

Ххяллул лувату тIурча,  
Гъаз хъуну най бур лавай,  
БивкIу бакъа къурукъру,  
Хъару палца тIий дуллай.

Гъайкалланул къурукъру,  
ЧIумуву бяливчIун бур,

Къабюхълай бур гайннуца  
Лахъну ссурулун гъаз хъун.

Та дяъвилул цIараву,  
ЛивтIциривннан аьпану,  
Гъуниннал даралуву  
Къурукъирттал къюкъя дур!

Зунттая ливккун найни,  
Зунттайн лавхъуну найни,  
На ча я битарчагу,  
Га гъайкал дур къалану!

ЛухIимур кIяла хъуну  
Тти заманнай чIалай бур,  
Гъуниннайсса гъайкалмур  
Дур дариIуну къянкъану!

\* \* \*

### Жами «Расул ХIмазатов»

ЩатIайх къусив бусса,  
Хъхъирийх гъалаксса,  
Най бия бивгъуну  
Жами портравун.

Маяк дия ганин,  
Ишанну дуллай,  
Къирия цуригугу,  
Ка галай дуллай.

Ганил аьрххи бия  
Багъну Бакуя,  
Парснавун бияннин,  
Архсса шагърулийн.

«Расул ХIамзатоври»  
Га жамилун цIа,  
Га жула шаэрди  
Хъинну машгъурсса.

Га жами гъантIиссар  
ЦIунил аьрххилий,  
БацIаву дакъассар  
ЧувкIавугу ганин.

Буххаву къакIулну,  
Дунгъяллийх бигълай,  
Шаэртал, жамирду,  
Бурча ца лахълай!

## ЛЕРМОНТОВ

ЦпанI куну бивкIун бур  
КичIру курттуйсса,  
Гъурбатрайн къакIулну  
ТIайла уккансса!

КъакIулссархха ттигу  
Ялун бучIанмур,

Так «Шаэрнал бивкIу»  
Чичлай уссара.

КIива махъ бунугу,  
Цивтпа бувагу,  
ЯхI бутлай бур ттигу  
Чурххавун мийннул!

Гъунттий тГурча ина  
Гъан антИссара...  
Кавказ, эполетру  
БивкГулл дара.

Яла бучИантИссар  
КъурчИсса къадар,

Гъарца хха чивчусса  
Абад хъунтИссар.

Тава чГумал кунма,  
Чагъар кГялари,  
Хъунмари Аьрасат,  
ХГакъмургу цари.

**Лакку мазрайн таржума бувссар  
Хизри ИЛИЯСОВЛУЛ.**

\* \* \*

КичИравалу  
Тверска тИсса  
Лагмавагу бур  
Чувиннарал бару,  
Га барул чулухгу  
Жул Литинститут –  
Жул Иерусалим.  
Гивурихха лирчИсса  
Ттул жагъилишиву,  
Навагу лишанна  
Ссаверуннаясса,  
Га килиса кунма,  
Дустуврацалсса.  
Оьнма къабикГайссар  
Уздансса кГану:  
Ссагур дакъа буссар  
Адабиятирттал  
Чява хГажитал  
Цалла эбадатрал  
Къатлувун биян.  
Чявама, хъунама  
Къакуну буссар,  
СахГналийн бувккусса  
АьртИстат кунма,  
Шавкъирай шугълурдай  
Га ччянияцГара  
Хъамариртусса  
Тархъанишиврул къимат  
Бюхттул банмуних.  
Вай хГаятравусса  
Гъарца чариву  
Дур сагънур рухГру  
Декабристъуврал,

Тай декадентъуврал  
Мюхтажшивугу.  
Тай хъхъичГа заманнул  
Жагъи - жугълутрал  
Оьрмулухсса ва  
Ччаврихсса мякъгу  
Абадлийри личГан  
Ца глагольланий  
МахГрум дуллай никру  
Ялун нанисса.  
Ххаллилсса инсантал,  
Машигурсса цГарду...  
«Мара зунма гьунар,  
Машигур шияра!»  
ВитГянхъраву бивхъун  
Буллусса хханссар  
КГа Хъунасса Заннал  
Вайннан ва гьунар,  
Амма мув сияхГрай  
Дакъар диялну  
Цирив ца агъанмур.  
Чувиннарая дурсса  
Герценнул гъайкал  
ХГавилул зунпилуви  
Дахъ ларгуну дур.  
Аьжаивну дакГгу  
Дур дигъаларгун,  
Зунни кунма чурхгу  
Бурча бигъану.  
Ттухъхъунма навагу  
Суал булара:  
Оьрму хъхъичГ буманан  
Хъинавав куну?

**Лакку мазрайн таржума бувссар  
Сиянат ХГажиевал.**



75 шин

**Шейт-Ханум АБЛИШЕВА**



Ва дунял кьариртун  
Зана кьаикГай ххуллийх  
Лавгунни тти инсангу  
Абадлий мина дишин  
Тамур дуняллинай.  
Тти танайн кьащунтИссар  
Ва бургьил гьили тИнтту,

КьаккаккантИссар утти  
Зурул чанна симангу.  
Муниятурав ина.  
Аьриций, кьурчи ларгусса,  
Гьарца чувнал руртлу макь  
Инара цлупИ чайну тИий?

**ТТУЛ ТАРКИ**

Нину кунна пиш-пиш тИий,  
Хьхьу дуркIунни зунттавун,  
Ттюнгану хьазамравун  
Ттул Тарки чIувин буллай.  
Зунттул бакIрай цябивкIсса  
Ца цIуку бур гамунихь:  
«Ттун гьармур ашкарассар  
Вай зунттал бизанттаву», -  
ТИий, тяхьану цурицIлий.  
Хьхьунил чалагьайлуву  
Нахлу шанавун ларгсса  
Га ттулла Таркиллал цар  
ЧивитIул симанналуха  
Лащай бунагь бакьасса.  
Тти цIубарзгу ливккунни,  
Зунттул хьачIрай пперхха тИий,  
Хьхьунилгу ссорхь риричунни  
МикIиран тавтсса зунттуй.  
ХIалимишиву ва хьхьунил  
Ттул Таркиллал бизанттай!

Нахлу шанаву дур  
Щалла дунял,  
Так та чIирайн лархьсса  
Ссят дур тик-так тИий.

Зурул чаннал тIиму  
Дур чIирайн дагьну,  
ЛухИ-цIансса хьхьунил  
Океанналий  
Бур гьузуй кьаттагу.  
ХIаятгу лахьлай дур  
Ца жамилуха,  
Жамилул ттарцI хханссар  
Ттарлил мухьругу...  
Тик-так тИийнна дур ссят  
Та чIирайн лархьсса,  
Ссутнил гьаншиврва  
Ттун дакIнийн бутлай.

Гай ттул макь дакьар.  
Хаинишиву дурну,  
Ина лавгунна,  
Инт кунна парх учин  
ХIадурсса ттул дакI  
Обттун руцан дунни,  
ЦIими кьабувну.  
Юх на кьарутIинна  
Вил хьирив макьгу,  
Нава хьяврийн хьусса  
Ашкара кьахьун.

Щакгу цинчIав тачIав  
КъабагъантIиссар  
Хъхъу, къини къакуну  
Бушиву яру  
Къяхъа тIий, кIунтIа тIий  
Аьраттал бувксса  
ДакIнил бярувун.  
Агар ттул иттаву

Макъ хIасул хъурчан,  
Ява, вих машиара,  
Гай ттул макъри тIий.  
Архния увкусса  
Къув аьслил гужерал  
Зунттая бивчусса  
Хъхъемал кIунтIрур гай.

**Къумукъ мазрая.  
Таржума – Сиянат ХIажиевал.**



**Анвар-бег КУЛТАЕВ,  
Дагъусттаннал халкъуннал шаэр**

### **ТТУЛ ТТАТТА**

Ттаттал бакI бур кIяла хъуну,  
Занайгу ур лап кIуну,  
Аьсаврайн чул бивцуну.  
Амма цува кIюрххила  
КъатIув уккай гъар къини  
Ххяхха бургъил тIинттацал.

Ттул ттаттал кIялар чIири,  
Жуав дай жухъ ттIюнгану,

ХIалимсса пишгу куну.  
Кай-кай шай кIанал лагма  
МахIлалул мюрици оьрчIру,  
Магърах вичIи дишин ччай.

Буслай къуртал къахъунсса  
Магъри кIулли ттул ттаттан.

### **ИНТ**

Щюлли дарайдул къурух  
Най ура на тивталну,  
ХъхъичIгу тIутIив, махъгу тIутIив:  
Царай савнил ранг дусса,  
ЯтIулсса, марцI кIяласса.  
Тай кIяла тIутIив лацай

Ттул дус Ханумай лавхсса  
КIяла инттул гъухъуха.  
Дюхлулул сукку буллай,  
Къурух левххун нанисса.  
Ханума кунма циняр,  
ТIутIив дур ттухъ пиш-пиш тIий.

## БУСРАВССА ГЪАРАЛ

ЛачЛай дур цурицугу тлий,  
Анаварсса мюри гъарал,  
Ххари хъанай мурхъругу,  
Чанлив бур бишлай чанлайх.

Уртту-тлутлал чанлая  
Зизлай бур гъарал кунтлру,  
Гайннуву бур пар-пар тлий  
Зунзул чаннал жавгъарду.

Чантл кунни шярвалу,  
Бувккунни оърчлру къатлув,

Гайннал тяхъасса члурдал  
Чюлу дунни тлабиаьт.

ЛачЛачлу, мадацлара,  
Интнил бусравсса гъарал,  
Лухччинун барачатран  
Лиххан бува ганил мякъ.

Вил ца кунтллил баклрахсса  
Лачлал члаллу бюхъанссар,  
Сурду къалмул бувицлукун,  
Оърчлайгу аргъ дизанссар.

## ТТУХА ЛАХЪХЪУ

– Та цур лечлай нанисса  
Сунух багърал чулийнай?  
– Та ур Иса шавайн най,  
Мукъварду ва ххюварду  
Циняр дарсирдал лавсун.

– Та цур кару шюршуну,  
Ссупралух ширван дурма?  
– Та ур Иса – ххуйсса оърчл,  
Ахттайнсса канакисса.

– Та цуригъ гъапул лавгун,  
Луттирал ялун агъсса?  
– Яр, та ур жула Иса  
Шардайн дуллусса дарсру,  
Чун дуна, лахълахъисса.

Исял увкуна уссихъ:  
– Ина ттуяр чливира,  
Ява, хларачат бува,  
Ттуха лацан уттива.

**Нугъай мазрая.**  
**Таржума - Мирза Давыдовлул.**





Илияс КЕРИМОВ

### ЛИЧШИШАВУ

*(Романналувасса ца бутIа)*

### ЦАЛЧИНМУР БАКИ

Цусса шин дучIан хъхьичI кьини марххала бувна. Хъунисса ччапри да-гълай, кIюрххил буллай бивкIсса марххала, кьунниялай кьабагъуна. Так мюр-шсса марххалттул пиягъру гъавалуву лехлай, чаннал тIинттал мусил ранг хъа-най, гъанай, кIичIиравусса фонардай, щяв ликлай бия. МарцIсса, пахъ багъсса гъавалуву дякбил щихъ бия. Ччанналусса марххала тIааьнну гъурс-гъурс тIий бия. Аьрши, кьатри, мурхъру, скамейкарду кIяла ларххун бия.

Давуд, хъхьичIун уруглай, бявкъусса гъавагу иштахIрай бюкьлай, анаварсса бушилий кIичIиравух най ия. Лагма-ялтту хъанахъимур цIана ганал бакIравун бухлай бакъая. ЧIюлу бувсса ттучаннал чIавахъулттах ганал явагу кьабивтуна, хIатта ялун нанисса цIусса шинаятусса шадшивурагума ганаву дакъая. Ганал цалва пикри-зикри цIана так цалла диссертациялул цалчинмур бутIул хIакъ-иравусса рецензияртгахух лавгун бия. Гай рецензиярттава ца чирчуну дия эл-мулуха зузисса хъунама зузалал Мурадовлул, гамур тIурча институтрал дирек-торнал –Вагъабовлул. «Цусса шин ялун нанавриясса ттул шадшиву зия дан, хIакьинунин ялугълай бивкIун бур», – кусса пикри Давудлул бакIравун бувхху-на. Мув пикригу балглай, га элмулул чулуха цайва каялушиву дуллалиманачIан най ия.

Аспирантуралуву дуклан жапашиву Давудлун ялу-ялун кIул хъанан бивкIу-на. Хаснува ганан мув кIул хъуна яла агъаммурну ккалли хъанахъисса экза-мен цащара дулун кьабювхъувкун. Цува дакI гъаргъун унугу, цаймийннан кIул хъун кьаикIлай, цалла дакI цала дуллай га гай гъантрай цал ттигу экзамен ду-лун итияра тIий, дирекциялийн занай ия. Цалва гьалмахтувраяр махъун кьаа-гъаншиврул, га, экзаменналийн хIадур хъанахъаврищал, цалла диссертациялул цалчинмур бутIагу чичлан ивкIуна

Амма яларив гъарзад капливун багъуна. Цалчинмур бутІа чичин шанма барз ккаккан бувну буна, ганал га кІива зурул дянив чивчуну къуртал бувна. Мув бакъассагу, цашара дулун къархъусса экзамен цІунил дулунсса ихтиаргу ганахъхъун дуллауна... Давуд цІуницІа уттава увккуна, ххари хъуну, пиш тІун ивкІуна. Яла-яла цашара диссертация чичин хъунтІишиврий ганал дакІ дарцІуна. Диссертациялул цалчинмур бутІа чичлачини, ганан вари чинсса захІматвагу къавхъуна ва архивравусса лах-ххит бюкълангу муксса къабагъуна. Цаппара документру цайра элмулул чулуха каялушиву дуллалисса Къадиоровлул цалва архивравату ганахъхъун буллауна, цаппара тІурча газетирттаяту ва журналлаяту цала бавтІуна. Чирчусса гъарца чІапІи марксизма-ленинизмалияту лавсъсса мукъурттийну тасттикъ бангу ганан хъамакъабивтуна. Мустафа Хизроевичлул тІутІаврийн бувну, чивчумур бутІа лап ххуйну дузрайн бувккун бия.

Вай цимурцаннул хъирив лап махІатгал хъунсса иш хъуна. Га бутІуйн чирчусса рецензиялий, ай, агъамшиву дусса масъаларду диссертациялуву гъаз бувну бакъар, цирив диял хъанай дакъар, пикри куртІ бакъасса бур, тІий бия. Мукун тІий ия цалла рецензиялий Вагъабов, мува мув тасттикъ буллай ия Мурадowlулгу. Вайннал кІинналлагу махъ ца бувсса хханссия.

Ва банну тІий буллалисса ишвагу бакъарвав? Цал сектор бавтІсса чІумал ца агъамсса масъалалул хІакъираву Мустафа Хизроевич Мурадов куннайн кув багъсса иш дакІнийн багъуна Давудлун. Муния мукъах гай личІину дуснугу бакъая. Бюхъай гай утти куннайн кув хІусудну бикІан? «БикІийча, так на итича», – тІий, пикри буллай най ия Давуд Мустафа Хизроевич ялапар хъанахъисса мукъживулийсса къатрачІан.

Шамилчинсса зивулин лавхъун, Давудлул гюнгутІуй кІисса бивзуна. Къадиоровлул кулпатрал нузкъун тІиртІуна. Га бия оърмулул зувира шинавун бивсса, чурххал гъайбат дусса, ятІул дурсса мурччащалсса ва някІсса яру бусса хъамитайпа. Цувппа бувцІусса бунугу, га чурххава бювхъусса бия. Ганил дюрчІусса, ятІу-кІирисса симан ваца дахъа чагъиравун бивсса душнил симанналуха лархъхъуну дия.

– Давуд, ча украв, ци аьшрав? – куну, ганил суал бувна.

– ЦІусса шингу барча хъуннав, Аделаида Макъсудовнай, – Давудлул ганил дучсса ка дургъуна. – Хъиншивуртту, ххаришивуртту ялун дияннав.

– Аьйшат ва ина цІусса шинал ца ххуйсса арс увну ххари баннав, Давуд, – Аделаида Макъсудовна, пишгу куну, ца аьжаивну бурувгуна ганах.

– Зувагу мукунма ххари баннав, – куну, Давудгу хъян ивкІуна.

– Агъ, заннал буручча, – кусса жаваб дуллауна Аделаида Макъсудовнал. – ОърчІру оърмулул мурадри учай, амма... – Ганин учин ччай бия оърчІ баврийну хъаннил чурххал гъайбат зия шайссар куну, амма лапва аьщуйн щуну мукун учин лайкъ къабивзун, ганил чансса аглангу хъуну, ихтилат баххана бувна. – ЖанахІраву циссарув жува? Ачу, Давуд, ухху къатлувун.

– Мустафа Хизроевич шава акъахъунссар?

– Акъар. Чалкъавхъуну учІантІиссар. Ялату за ликки, щяикІу.

Ялату загу лирккун, Давуд хъинну ххуйну бакъин бувсса чаннасса тавххантувун увххуна. Сайки, барз хъуну бия Давуд шивун къаувкІун. Мунихлуну ганан къатта чІюлу бавриву хъусса дахханашивурду хІисав хъанай дия. Рояльланул ялун мрамар чария дурсса хъамитайпалул сурат дацІан дурну дия, хъун дагъани хъхъичІ диркІсса кІаная дуркъун цамур кІанай дирхъуну дия, дагъант-

тул хъхъичІсса лагъсса чІиви стол аьтри-духилул шушрал, мюрш-кьюршлил бувцІуну бия.

– ЩяикІу. АвцІуна икІаннав? – увкуна хозяйкал, хІурматрай кІанугу буллуну.

Давуд кІяласса сепра бутсса столланух щяивкІуна. Столланий оьрчІисса чагъардавусса ххирасса конфетру дия. Хъазамрава хъиннува аьч бувсса цІанну някІсса цилва гъухъа ккуччу къахъунсса сантирай Аделаида Макъсудовнагу диванналий ганал хъхъичІ щябивкІуна. Диванналул мурцІний, щунщуматІигу ччаннавух бавкъуну, дарвачрайх бант бавхІусса ттурусса чІиви ккаччи шанай бия.

– Диссертациялул иш чун бивну бурич?

– Оьккину бакъар. Цалчинмур бутІа чІалкъавхъуну секторданий ххал бигъинтІиссар, – куну жаваб дуллауна Давудлул, жиплувусса рецензиярдугу дакІнин дагъну. Мий цайва элмулул чулуха каялушиву дуллалисса Къадиоровлун ккаккан дан га анавар уклай ия.

– ЗучІа институтраву утти историялул секторданул хъунама цама икІантІиссар, – куна Аделаида Макъсудовнал, чІаравсса ккаччил бурхІайхгу ках тІий.

– Мунил хІакъираву бюхъай вин бавну бикІангу?

– Бавунни. Профессор Исламов учІантІисса хавар бунуккар.

– Мув увкІсархха.

– Та?

– Лахъхъукъунну. Мустафа щаллусса кьини ганалсса буллау ивкІунни. ЦІанагу ганайн жуннина хъамалу оьвчин лавгунни.

Давудлул ссихІ къадурккуна: Аделаида Макъсудовнал ялагу гъалгъа байбивхъуна:

– Гай лап цІакъсса дусталли. Вин мунияту хавар бурич?

– КІулли. Ттухъ Мустафа Хизриевичлул мунил хІакъираву бувсуна. Ца заманнай профессор элмулул чулуха ганай каялушиву дуллалиману ивкІун ур.

– ТІайлассар, – куну тасттикъ бувна Аделаида Макъсудовнал, гъазгу хъуну.

– Ина на багъишла ба, ца минутрай кухнялийн гъаннача.

Давуд столланух щяивкІуна ливчІуна. Супралихгу ках тІий, га пикрирдавун лавгуна. Ганаву профессор учІаву цилла чІумал хъунни тІисса пикри бия. Мув пикрилул тІааьншиврул Давудлул цавува цала пиш увкуна. «Исламов увкІувкун, институтравусса тагъар жунма хайрну даххана хъунтІиссар» кусса Мустафа Хизриевичлул махъругу мунал дакІнийн багъуна. Ганал бувсса насихІатрайн бувну, Давудлул цалла чичрурдаву бюхъайссаксса гъарзану профессорнал хъхъичІарасса давурттив ишла дуллау ия. Мукъва-ххюва кІанай Исламовлул давурттая мюнпат лавшиву кІицІ лавгун бия, ишла дурсса литературалул сияхІрай тІурча профессорналмур цІа классиктуврал хъирив цалчин дия. «Уттигу Вагъабовлул ва Мурадовлул хІарачат бача цалла рецензиярдай тІутІимур, секторданий бацІан бан!»

Пиджакрал жиплувусса рецензиярду дурккун, цал ттигу ябитан ччай, дахъа сукку хъусса Давуд, Аделаида Макъсудовна нанисса шаттирдал чІу хъувкун, паракъат хъуна. Цалла чІарах дурккун нанисса хозяйкал гъухъуцІа ганан ххуйсса аьтрилул кьанкъ риршуна.

– На ва цІана, Давуд, – куна ганил, буфетраву цирив ца за ххал дуллау. – Пирог ччукъаччин, нигъа буслай бура.

– За бакъар, Аделаида Макъсудовнай. На аглан хъунна.

Аделаида Макъсудовна, бивккун ххюра минут шайхту, гюнгутул члу хъуна. Къадилов, жанахIравун увххун, царссанишал ихтилат буллалисса Давудлун баллай бия. Га цувалу ушиву, ганацал профессор акъашивугу чIалай бия.

Мустафа Хизриевич, цалла царсса куна, увцIусса акъая. Чурххавату ил-тIа-кIюласса, лахъи-хъаласса ия. БакIрай ццунсса, лухIисса къанча бия. Ццунсса иттацIантгала мунал яру иминну чIалай бия. Гъарта гъарзану дурурххусса цIанну луххал рангсса кастюм ганал исвагъиса чурххай хъинну даркъуну дия.

Ццуну ялун нанисса шинаяту яхши-хашгу бивну, Мустафа Хизриевичлул чIалкъавхъуну цаннина учIантIисса профессорнал хIакъираву буслан ивкIуна:

– Га ттул хъхъичIавасса учительли, дусри, – куна ганал пахрулий, диванна-лийгу щяивкIун. – На вихъ бивснуккивахха ганал хIакъираву?

– Tпайлассар, бивсъссия, Мустафа Хизриевич.

Диванналул мулцIний шанай бивкIсса каччи, чантI куну, мюрщисса щюлли бивщусса яругу цIирх бикIан бивну, Давудлун бурувгуна. Яла, вичIилухун бияннин къацIгу абахъан бивну, рахIатну гъагъгу бивгъуну, щяв тIанкI куну, къатлувату бивккуна.

– Давуд, цIусса хавар ци бурив?

– Рецензиярду дуркIунни, – куну, Давудлул жиплувату дурккун, гай Мустафа Хизриевичлухъхъун дуллуна.

– Ци тIар, ци чивчуну бурив? Хула, ххал даннуча.

Мустафа Хизриевичлул, ялттува урувгун, анаварну рецензиярду ккалаккис-саксса хIаллай, Давуд ганах цIитI ивкIун ялугълай, ганал учинмуних ссавур дакъа вичIилий ия. Ца кIанавун ивсса чIумал, Къадиловлул уруглаву цакуну даххана хъуна, бакIгу кIугу дурну, цIуница личIлулну ккалан ивкIуна. Дурккуну къуртал хъуну махъ, рецензиярду столланийн палцI дурну гъан дуруна. Ца щяв дагъуна. Давудлул, къус ивкIун, га гъаз дуруна.

– Чивчумур ххал бара! – куна лахъну Къадиловлул. – Ттун кIулссия тайн-нал ттуйнма зид бушиву, мунихлунур тайннан ттул аспирантнал даву зия дан ччисса. БувчIунни ттун тайннан ччимур. Тайннан ччимур къахъунтIиссар ва тайннал тIимур къатIайлассар.

Давуд цува ганал тIимуний рязишиву чIалачIи буллай, бакI галай дуллай ия.

– Вагъабовлул чичлай ур, жула хъхъичIва махъун багъсса билатрай капиталист зумунусса хозяйство диркIссар тIий. Мув махIаттал хъунсса иш бур, – куна Къадиловлул. – Агар танайн вих хъурча, шикку хъудугъулт аваданмийн-найх ва мискинмийннайх кIи бачIлачIаву, хъуслил ва арцул отношениярду хъхъичIунмай хъанахъавугу, лухччи хъуслийн кIура даллалавугу хъанай бивкIун бур. Вай циняв къакурду бакъарив?

Къадилов, тIанк куну ивзун, этажеркалучIан лавгун, тикка цумурдив ца ган-зсса лу лавсуна. Яла, га столланий бивхъуну, сситтуй чIапIив дичлан ивкIуна.

– Мув масъалалул хIакъираву вана укун чичлай ур лап машгъурсса аьлим-чувнал, – куну, Мустафа Хизриевичлул чIугу лахъ бивну, аьшуйн шуну ккалан ивкIуна. «Ваниннин ттуршра шинал хъхъичI жулва халкъ лап махънин багъну бивкIссар. Капитализманийн биянния чари бияйсса, хIатта феодализмалул бай-бихъулийнвагу гай бивну къабивкIссар. Динналулгу бас бивну, личIи-личIийс-са тухумирттайхгу бавчIуну, ваца гъаттарал илхъи кунма, ялапар хъанай бив-кIссар». Вин баллай бурив?

Давуд хъинну хІисаврай вичІи дирхъуну ия. Ганал къянкъану ва дакІ дарцІуну тІутІисса мукъурттил Давуд рахІат уккан уллай ия. Къадировлул ккалаккимур щипацІуй щялмакъ бан къабюхъайсса, мийн-тийн бакъа тІайласса задну чІалай бия. Рецензиярду дурккуния шинмай Давудлул дакІниву диркІсса къумашиву чан-чанну тІий яла лаглан диркІуна. ДакІ мадара аьчух дурккуна. Рецензия чирчумийннал секторданий цитІурчагу, укунгу-тукунгу тайннал тІимур ссайнчІав къабуккантІишиврий дакІ дацІлай дия. Цалва чирчумунин вакссава тІайла бакъа къимат бившусса тайннал чулухунмайсса ситтул га виуцІлан ивкІуна.

– Вай цимурцаннул хъирив цукунни гайннашал рязи хъунтІисса? – куна, Къадировлул цала хъхъичІсса рецензиярдайн кІюла-лахъисса кІяласса кІиссагу щун бувну. – Шикку иш анжагъ гайннан на хас акъашивруву бакъар бусса. Иш шикку бусса элмулувусса кІива личІи-личІийсса ххуллул хІакъиравури. Миккар гъалгъа тІунгу аьркинсса

Мустафа Хизриевич ивзун, лугу цилва кІанай бивхъуну, гъалак увксса куна, къатлувух занан ивкІуна.

– Профессор икІанссархха даву ххал дигълагъини? – куну, цІувххуна Давудлул, сантирай дагъан нанисса тагъарданиятусса ххаришивугу ялун личин къадурну.

– Гъалбатта.

– Жува бакІрая ччаннайн бианнин ганал пикрилул тІинийру бусса, Мустафа Хириевич. Га жухлувар икІантІисса.

Къадировлул, гъаманки, мув мукун хъунтІишиврий дакІ дарцІуну цува ушиву канил ишанналийну кІул бувна. Яла, цІунил столлания рецензиярду ларсун, Давудлуйн тІайлану диванналий щяивкІуна. ЧапІивгу дичлай, ганал пиш увкуна.

– Гайннал тІутІимунийн вих хъурча, та чІумал жучІара хІадурсса социализма диркІун дур. Мув ласу-къасу бакъарив?

Давудлул, хъяngu ивкІун, даву ххал дигълагъини, цала цукун ихтилат бувну хъинни куну, цІувххуна.

– Цал жува гайннах вичІи дишинну. На ттулва ихтилат банна махъва-махъ. Инагу вилва хъирив мукъуву гайннал циняв хІуччарду бири-бат бувну, зия бан аьркинссар. ХъунмурчІин профессор Исламовлул статьярдайн чул бища. Диссертациялуву, ттул пикрилий, ганал давурттив кІицІ ларгун дунуккархха?

– Гъай-гъай, дуссар. ХІатта гъарзанугума дуссар.

– Хъина, хъина. Ганайнни жува чул бишунтІисса.

Яла Мустафа Хизриевичлул бувчІин буллан ивкІуна секторданий ихтилат бансса куц. Давуд хъинну вичІи дирхъуну ия. Мунищалва архІал чІалкъавхъуну профессор учІантІисса ххаришивугу мунал дакІнивату дуклай дакъая. Шадсса тагъарунний цува ганащал дус хъунтІисса пикри лап тІааьн бизлай ия.

Профессор Исламовлух хъунмасса хІаллай ялугълан къабагъуна. Къадиров ва Давуд жанахІравун ганал хъунин бувккуна, ганал ялату за ликкангу кумаг бувну, хІурматрай тавханттувунай увцуна. Къадировлул га кІул увна цала аспи-



рантнашал, хъинну гъунар бусса жагъилли куну цѳагу дурну. Давуд, чан-къансса ятѳулгу ивчуну, нач хъусса куна хъуна.

– Хъинну ххарира, – увкуна Исламовлул, кагу дуллуну. – Жагъилсса, гъунар бусса аьлимтуврашал кѳул хъун мудангу ххариссара.

Га бивхъусса яруннавах Давудлух, цѳитѳ ивкѳун, урувгуна. Ганал яруннал: «Бурганну, ина ци гъунарданул заллу урив» тѳисса хханссия.

Профессор ия оьрмулул угъарасса инсан. Чурххал лахъи-хъаласса, илтѳасса ушиврийн бувну, га чан-къанну, къуси бувкѳесса куна, чѳалай ия. Элмулул чулуха цайра каялушиву дуллалиманаяту бавну, Давудлул танийва кѳулну бия Исламов лякълул сагъ акъасса ушиву. Мунихлуну угти ганал хъахъимачѳасса сипат цанна ккарккукун, ганан мув дакѳинийн багъуна.

Давуд, Исламовлухгу урувгун, цавува цува балглай ия: «Га хѳакъсса аьлимчув кунасса ур, га журалийсса акъа гъич цамур журалийсса аьлимчув икѳан къаб-учѳир», – тѳий. Махъуннай дикѳан дурсса ца-ца дагъсса кѳяласса чѳарардащалсса пахрулий гъаз дурсса бакѳ, жиг бавтѳесса угтасса ненттабакѳ, бивхъусса яруннал ганзсса пюруннавах мюршну буруглагисса яру, куклусса зана-къялашин, – мий цимурцаннул, Давудлул пикрилий, га аькълулул тамсса инсанну чѳалачѳи уллай ия.

– Бурча ца гъава! – увкуна профессорнал, къатлувун увххукун. – Укунсса къини къатѳух занайнияр цѳарахгу щяивкѳун, хъунив хъусса ттаркѳру гъили дуллай, шава хъинни.

Профессорнал хъярч-махсара Давудлул ххуй бивзуна.

– Жул кѳинтний дакѳ къадакъайрив? – куну, цѳувххуна профессорнахъ Къадировлул.

– Юх, хъинну дакѳ дакъай, – куну, жаваб дуллауна профессорнал кѳукѳлусса кѳанттуйгу щяивкѳун. – Зул кѳи цила багъайсса куццуйсса марххаллануцалсса кѳи дур. Багъана бакъар.

– Ваппабай, ца ххирассияхха ттун оьрчѳиний кканккардай бигълан, – куртѳну ссихѳ бивгъуна Къадировлул. – Оьрму лавгун къаивкѳессания, дархѳуну кканккив-гу кучалийх ца сайр бан бучѳия, – куну, пиш увкуна.

– Шиннал цикѳуй иш бакъассар, Мустафа Хизриевич. Угъара шаву хѳисав дайсса хъусса шиннайну дакъарча, чурххал аргъирайур, – куну, манеъшиву дуруна профессорнал. – Учин мукъун, ина тѳийкун, ца-ца жагъил замана дакѳинийн бутангу бучѳия.

– Туну, ачу жува къатѳув букканнуча, жулва гъунар ххал бан.

– На хѳадурссара. Дула кканккив, – куну, хъян ивкѳуна профессор, щалла сипатгу жиг датѳин дурну.

Профессорнал махсаралул Мустафа Хизриевич ва Давуд хъяхъи бувна.

Чансса хѳаллай мий къабагъуна. Профессорнал, жиплува лухѳисса къалиян бувккун, га таммакулул буцѳлан ивкѳуна. Га, анавар къаувккун, хѳисаврай, таммаку щяв къатѳ къахъунну зий ия.

– Жу ва жагъилнал диссертациялул хѳакъираву гъалгъа тѳий буссия, Иман Султѳанович, – увкуна Къадировлул, профессорнал чѳарав гъан хъуну.

– Вил? – куну цѳувххуна Исламовлул, къалиянналия бакѳгу гъаз дурну, Давудлух мюрш ивкѳун урувгун.

– Тгул даврил хѳакъираву, – бюхъайссаксса хѳалимну жаваб дуллауна Давудлул. – Хѳакъину диссертациялул цалчинмур бутѳунсса рецензиярду дуллунни...

– Жу ина учІаннин лап ссавур духларгун ялугълай буссия, – увкуна Къадировлул профессорнахъ, цала аспирантгу аьличІан увну. – Институтраву тагъар лап ххуй дакъари дусса.

Мукусса ихтилатрах ялугъи къаивкІсса Исламов, къалиянгу къабивтун, ганах урувгуна.

– Цивхъуну бурив? – маІаттал хъуна га. – Элмулуха зузимийннал дянив къалмакъаллурагу дакъарив?

– Мунияр лацинсса дур, – кутІану жаваб дуллауна Къадировлул, дахъа чІири чартІи бувсса чІаврайхгу ках увкуну. – Историялул хъинну агъамсса масъалардал чулухунмай личІи-личІийсса буруглаваурду дур.

– Мув гъич, Мустафа Хизриевич, – раІат увкун, увкуна Исламовлул, къалиянгу цІуницІа буцІлай, – дакІний бурив хъхъичІазаманнул аькълукартуврал тІий бивкІмур: бясттирайри хІакъмур чІалан бивкІайсса.

– На мув тІий акъара, Иман СултІанович. Бяст баву, гъай-гъай, къаобккиссар. Вин винмагу кІулссар, ттунгу бяст буллан ччишиву. Иш так муниву бивкІссания, ци бия. Иш цамур бур.

Къадировлул кутІану гъарзад бувсуна: директорнашал, Мурадовлушал ва цаппара цаймийннашал бяст бан, цанма цувалу ушиврийн бувну, захІмат хъанай бушиву, мийннал цалва давурттаву бунияласса гъалатІру итабакълай бушиву ва мий цинярдагу диял дакъашивуртту щилкІуй къулагъас къадурну личІлай душиву. Ихтилат буллалени, Къадиров ца-ца чІумал Давудлухгу ургайва. Таналгу бакІрал гъимлийну цайра каялушиву дуллалиманал тІимур гъарзад тасттикъ буллай ия.

– Укусса дур институтравусса тагъар, – куну, къуртал бувна цалва ихтилат Къадировлул. Яла чансса хІаллава ххи бувна: – Жува, махъ ца бувну, талан багълай бур историялул элму даччан дуллалимийннайн къаршину, элмулул хІакъмур ччаннай бацІан баврил ялув.

НякІсса пуркІугу итабакълай, ях-карах лахбичулувун лахгу къатІ буллай, Исламов ганах хъинну вичІи дирхъуну ия. Къадировлул ихтилат къуртал бувну мукъах, ганал чан-къансса хІал бувна, бакІгу хъхъичІун дурган дурну, ссихІ-чІитІ дакъа.

– Агар талан багълай бухъурча, таланну, – куна ганал яла, бакІгу гъаз дурну. – Элмулул хІакъираву ихтилат нанисса чІумал дусшиву хъхъичІун дуккан къабюхъайссар.

– Вана винма мисала, – Къадировлул ка тІиртІуна столланух щяивкІсса Давудлул чулухуннай. – Чув дурив рецензиярду? Хула, мий шиннай дула.

Машилкалий рирщусса мукъ дархІусса чагъарданул чІапІив, Давудлул жиплува дурккун, анавархъиннарай Исламовлухъхъун дуллауна. Мий дуллалиний, элмулул чулуха цайра каялушиву дуллалиманайн я тІайла бавцІуну, цахъва бияла бакъа Давудлул пиш увкуна. Мюршну бурган бувсса Къадировлул яруннал тІурча мукъурттилнийр гужну бувчІин буллай бия гай рецензиярду чивчумийннал бакІрачІан утти бучІантІимур.

Вагъабовлул ва Мурадовлул чивчусса рецензиярду профессорнал ккалаккиссаксса хІаллай Мустафа Хизриевич ганах цитІи ивкІун уруглайна ия. Ганал ва цалва дянивсса хъхъичІаранияр шиннайсса дусшиву, ганаяту цанма бивсса чІявусса хъинбалартту мунах дакІнийн багълай бия. Ганан кІула Исламов цал-

ва язи бувгъусса элмулул иширал ялув ссайчлав мяш къавхъуну, дакІнихтуну зун икІайсса инсан ушиву ва мув иширан шалва оърму хас бувсса инсан ушиву. Ва журалул инсангуван хъунмурчІин цувалушиву, такшиву ччан дикІайссар. Мийннан цахуна цува машхул хъуну, такну цувалу ушиву цалва мурад барт бигъаврил шартІну чІалан бикІайссар. Инсаннал аьдатрайсса оърмулул пикрирду ва хияллу бугъара хъуну, оърмулул ряхцІаллахъул шинну хъуну мукъахния ча бикІави, хІатта оърмулул яла аргъиравусса чІумалгума мукунмийннан дакІнин къабагъайссар.

Цува муна мув журалул инсан ия Иман СултІанович Исламов. Институ-  
траву дуклакисса жагъилсса чІумал ганал хъинну эшкъи хъуну ца мискинсса душ бувцуну бия, амма га лахъи къалавгун бивкІуну бия. Муния мукъах га-  
нал бакІравун кулпат баврил хІакъиравусса пикри бувагу къабувххуна. Оър-  
мулул гъарца неъматраяту махІрун хъуну, га так ца элмулухун машхул хъуну  
ия. Цува такну ушиву, цалва оърмулуву цирив ца зад диял къахъанай душиву,  
къатлуву ялгъузну цувалу ливчІун ушиву, – вай цимурца мунан асар хъанай  
бакъая. Бюхъай цанна ххирасса шарсса чІун дакъа дунияллияту лагаврил га-  
найн абадлийсса хъинну хъунмасса асар биян бувну, ягу хъин къашайсса шаву  
диян дурну дикІангу. Уттирив цалва оърмулул щаллагу ххаришиву ва талихІ  
ганан так ца элмулуха зузавриву чІалай бия.

Яла мув Москвалийн зун увцуна. Гикку институтраву зий, муная хъунасса  
аьлимчув – историялул доктор хъуна. Гикку мув кІул хъуна аспирантуралувун  
дуклан увкІсса цалла шяраватусса Къадировлушал. Хасиятру лап дахханасса  
дунугу, гай куннашал кув цІакъсса дустал хъуна. КІиягу ца кІанай элмулуха къ-  
уллугъ буллалаврил гай кунначІан кув гъан буна, гай хъинсса дустал хъун бу-  
вна. Профессор Исламовлул цала чІавама дуснан цаманан багъишла къабайсса  
заругу багъишла байсса бия.

Цалла хасиятирттаву ва зана-къалашиннардаву лапра хъунисса тапаватши-  
вурду дусса гай кІиягу инсаннал дянивсса дусшиву мйжжанныгу аьжаивсса  
дия. Исламов ия иминсса, аьмал бавкъусса инсан. Къадиров тІурча мудангу  
бажар буну, ци дунугу дан хІарачат буллалисса, инсаннайн махъ учин анаварс-  
са, ссахчІав ургъил къабувну, улувкъуну цалва мурад барт бигъаврихун чялиш  
шайсса инсан ия.

Къадиров, ялун агъну ккалакисса профессорнал сипатрах цІитІ ивкІун ялу-  
гълай ия. Гужсса чани багълай, ганал лажиннаравусса жигдатІурду хъиннура  
куртІну чІалай дия, къабакІраву лирчІсса так-туксса кІяла чІарардугу арцул  
ххаллу хханссия. Мустафа Хизриевич профессорнал пикри кІул хъун ссавур  
дакъа ялугълай ия. Мув пикри цалва тІийкунсса бикІантІишиврийгу мунан  
цукункІуй щак бакъая. Цахунма бахчилачимийннайн къаршину секторданий  
унгу-унгу ихтилатгу бувну, гайннал къацІру бащан бантІисса къини дакІнин  
дагълай, ххари хъанай ия.

Бувккуну къуртал хъуну мукъах профессор, бакІгу гъаз дурну, къалиян кІи-  
ен дуллан ивкІуна. Ганал бунияласса ургаврийн бувну; ганал дакІниймур ва  
учин ччимур кІул бан захІматну бия.

– Ци чарав, Иман СултІанович? На тІайларив? – ссавур духларгун цІувхху-  
на Къадировлул.

– Цал га даву цурда дуккин аьркинни. Даву къадурккусаксса, бусан захІма-  
три, – куну, жаваб дуллауна профессорнал.

– Тгуша цІана бюхъанссар ина кутІану давришал дус ан, – куна Давудлул профессорнахъ. Яла гава цІана, цала хъунаманал ци чайрив ккаккан, Къадиоров-лукх урувгуна.

– Аьркин бакъар. На вичІайннияр яруннайн вих шайссара, – куна Исламов-лул, хъянгун ивкІун, Давудлукх урувгун.

– Хъинни туну, – куну, рязи хъуна Къадиоров. – Давуд, ина гъунттийва Иман СултІановичлукхъхъун вилла даву дула. Сектор батІиннин, мунал дуккин аьркиннихха.

– Хъинни, дулунна.

– Рецензиярдайн ци чарав, Иман СултІанович?

Исламовлул, анавар къаувккун, къалиянгу тІий, хІаллих увкуна:

– Рецензиярдал тІимунишал на рязира. Тгул хІисаврай мий тІайлану чивчуну бур.

Къадиоров, иттацІанттугу гъаз дурну, яругу пІякъ бикІан бувну, профессорнах уруглай авцІуна. Мунал сипат, жагъ хІайран хъанай, жагъгу хъярч-махсаралул журалийн лаглай дия. Гужрай махІатгалшиву къюлтІ дуллай, ци учинссарив къакІулну щяивкІсса Давудлукху ца я бивтуна.

– Цукун чав ина, Иман СултІанович? – куну, вас-вас тІисса чІуний кІилчингу цІувххуна Къадиоровлул. – Щишаллав ина рязисса?

Амма профессорнан жаваб дулун къабагъуна. ПиртІуну гъан дурну нузгу, Аделаида Макъсудовнашал архІал къатлувун Галя бувххуна. Хозяйка, пиш-пишгу тІий, Галя хъамаллуврашал кІул буллан бивкІуна.

## КІИЛЧИНМУР БАКІ

Щусса шинашал хъунабакъиншиврул нитти-бутташал Галяйн хъамалу оьвкуну бия. Гай чІявуну Къадиоровхъаннин бучІайва. Институтравун буххан къавхъуну, Москавлия зана хъуну мукъах, Галя дус хъуна Аделаида Макъсудовнашал. Утти мий чІявуну цачІу бикІайва. Галял ппу ХІамзат ва ганил нину Маржанат мукуна Къадиоровхъащала хІала-гъурттуну бия. Министруну зузисса ХІамзатлун чІявуну командировкардайн гъан багъайва, мунихлуну Къадиоровлул хъунаакъаву чанну шайва, амма цалва мажал шайхту, мий хъунабакъайва.

Ва базилукх тІурча, иш Мустафа Хизриевичлул тІийкун хъуна: командировкалийн лавгеса ХІамзатлул, марххаллануцІа ххуллурду аьч хъуннин, цащава районналия учІан къабюхълай бур куну, телефонналувух оьвкуна. Маржанатгу, инжит хъуну, шаппа ливчІун бия. Ва иш бусан бувкІун бия Галя. Профессорнащалу кІул хъуну, Давудлул кагу дургъуну мукъах, ганил цищава шикку личІан къахъунтІишиву бувсуна. Давудлун, цалла ка дугъайни, ганил бакІ ххаллилну гъаз дуршиву ва ганил ххуйсса симан ятІул дирчушиву хІисав хъуна.

Шадсса, тяхъасса Галя ва базилукх Давудлун ца аьжаивну гъав лавгун чІалай бия. Га хІакъину чанну гъалгъа тІий бия, пиш тІутІаву дурагу дакъая, ва ца гиккун цувппа бучІаврия пашмансса кунма бия. Давуд дакІнийн дутлай ия цува районналий гъинттул ганишал хъунаавкъусса чІун ва хъинну мюрш ивкІун уруглай ия Галял ххуйшиврух. Ца-кІива зурул хъьхичІ ганан Галя театрдануву ккаккун бия. Тиккугу га мунил ххуйшиврий, мунил исвагъисса зана-къала-

шиннарай, тѣааьнсса чѣуний махѣаттал хъанай ливчѣуна. Амма утти тѣурча ганил ххуйшиврул Давудлун ххаришиву ягу гъавас бутглай бакъаяча, цукуннива ца тѣааьнсса пашманшиву хъун дуллай бия. Галя цанма ххал хъувкун, ганан ва ца хъинну аьркинсса зад цащара дакъа хъусса ва тачѣав къалякъинсса кунмасса асар хъуна.

– Хѣайп, Галяй, къахъина гъаксса, – увкуна Мустафа Хизриевичлун, профессорнашал буллалисса цалва ихтилат бяличѣан бавриятугу рязи акъа. – Ниттин цивхъуну бурич?

– Инжитну дур. Бакѣ цѣий дур, кѣиришиву лархъун дур, – куну, жаваб дуллауна Галял, бакѣгу хъхъичѣун дуртун.

– Агар такселий щябивтун буцирча? – хъянгун бивкѣун, цѣувххуна Аделаида Макъсудовнал, Галял увкумунин вих къахъанай кунма.

– Юх, аьркин бакъар. Нагу цѣана шаппай гъанна. Зу на багъишла бувара.

Галя профессорнах бурувгуна, цувппа шаппай гъансса ихтияр ганахъ дула тѣисса кунма.

– Гъай-гъай, ина тѣайлара, – увкуна профессорнал. – Къашавайсса нину цурдалу къадитан къабучѣиссар. Цѣусса шин вацѣлуну къалихъантѣиссар. Мув барча дан гъунттигу къини дуссар.

Галя цахва къабуруглай, профессорнашал ва Мустафа Хизриевичлун гъалгъа тѣий бушиву Давудлун салахѣ бизлай бакъая. Ганал бакѣраву «Танин на ссан аьркиннав?» – тѣисса пикри бия. Гъинттул, цува ганишал щяраву кѣулшайний кунмасса цахва бургаву, утти ганичѣа дакъашивугу чѣалай бия.

Галя бивзун, бачин сукку хъуна. Давудлун хъан хъусса чѣумал, ганил цилва лухѣисса яру къутѣисса куццуй ганах бурган бувна. Давуд, ккиз лавгун, ваца гъанавиххи хъусса куна, ганих цѣитѣ ивкѣун уруглайна ливчѣуна. Тачѣав ттининту къавхъусса асар цанма га бургаврийну хъушиву гассят ганан чѣалан бивкѣуна. Мунан цѣана анжагъ ганил ххуйсса симан ва ятѣулсса кофта дакъа цамур цичѣав чѣалай дакъая. Щѣалла дуниял, ганил кофталуха лархъхъуну, ятѣул лархсса хханссия. Бакѣраву тѣурча. цѣана ганишал къатлува увккун, га тѣайла буккан гъан аьркинни тѣисса пикри гъанай бия.

Цаннинма хъамал бучѣантѣишивугу бувсун, ттинин паракъатсса Давуд, ивзун ачин хѣадур хъанан ивкѣуна. Мустафа Хизриевич ганах махѣатталну урувгуна. Элмулун чулуха цайра каялувшиву дуллалиманан профессорнашалсса ихтилатгу къуртал къавхъуну бунува, ачлай сукку шаву аьжаив бивзшиву, Давудлун гацѣана хѣисав хъуна. Амма утти га мунилсса буллай акъая. Ганаву «Гъунтти институтравун лавгун цимурца кѣул банна», – тѣисса пикри бия. Профессорнал ва Къадировлун кардугу дургъуну, Давуд къатлува увккун.

Жанахѣраву янна лахлахисса Давудлуну къулагъас дакъа, Аделаида Макъсудовнахъу хъхъурду хъинну куну, Галя нузкъунттучѣанай хъуна.

– Ссавур да. Давудгу най чѣалай акъарив? Ганал инава тѣайла букканссара, – увкуна хозьякал.

Давуд, ссихѣгу бувгъуну, ни гъа увсун, ялугълай ия «къачча, барчаллагъ, нава гъанна», – куну, Галял учавай бурхха, тѣий. Амма ганил мукуна къаувкуна. Нузкъунттул кияма дургъусса ганил ка киянттуйра лирчѣуна ва нуз ганил къатѣирчѣуна. Анавархъиннарай янна лахлахисса Давудлун га ялугълай бушиврий утти цукунчѣав щак бикѣан къабюхъайва. Аделаида Макъсудовнахъ барчаллагъу увкуну, Давуд къатлува увккун авчувкун, Галягу ганашал бувккун.

Вай Къадировхъанний буссаксса хІаллай, гъава баххана хъуну бия. Уттигу, хъуни-хъунисса ччапри багълай, марххала буллай бия.

Гай куннахъ кув зума къабахълай най бия. Бявкъусса гъаварашал архІал даКнивун тІааьнсса асаргу бухлай бия. Кучалул тийн лахълахъини, Галя, ччех бивкІун, багъавай ливчІуна, амма Давудлул бувгъуну, багъан къабивтуна. Ганил хІаллих «барчаллагъ»-гу куну, ялагу къабагъуна.

– Циван къабагъссарав ина, Галяй? – куну, цІувххуна Давудлул ахирданий, ацІан къавхъуну.

– Ци тІував, туну? – увкуна Галял, Давудлухгу бурувгун.

– Гъавалиятувагу гъалгъа бува, ци бунугу уча, – куну, Давудлул пиш увкуна.

Галя, хъянгу бивкІун, цилла бакІ тІааьнну чулиннай дикІан дуруна. Давудлун хъинну ххуй бизайва ганил мукун бакІ чулийннай дикІан даву. Ва базилахгу, мув ганих уруглайна ливчІуна, яла куртІну ссихІ бивгъуна.

– Гъаварай ттул даКІ дакълай дур, – куну, жаваб дуллауна Галял, хъянгу бивкІун. – Ттун укунсса гъава ххирассар. Вин?

– Ттун къаххирассар.

– Циваннивав? МахІатгалла!

Давуд зума къаавхъуна, так цал уттигу куртІну ссихІ бивгъуну, пІапирос тІун ивкІуна. ЧІарах, лахъсса чІугу буллай, марххала башайсса машина най бия. Га чІарах букканнингу бавцІуну, Галял цІувххуна:

– Ина ссая-унугу рязи акъа унуккара, – куну.

– Щалва ттулва оърмулия рязи акъа ура, – куну, жаваб дуллауна Давудлул. «Дахъва кІул хъусса душнихъ мукунсса ихтилат баву къаххуйри», – кусса пикригу мунал бакІравун бувххуна.

– Циваннивав? – Галя, шагу хІаллих бувну, ганах куртІну бурувгуна.

– Ца заманнай ттун нава талихІ бусса инсанну чІалан икІайссия, – куна Давудлул пашманну.

– Утти?

– Утти къабикІай.

Гъалгъа ва ца аъркин бакъасса, къюлтІсса чулинмай кІура баллай бачаврия Галя махІатгал хъуна. «Вил талихІ бушиву ва бакъашиву ттун аъркинсса зад бакъар ва мунил хІакъираву ттушал гъалгъа тІутІаву къаххуйссар» куну, учин багъайсса чІун дуркІун дия. Амма ганин чІалай бия цищава ганахъ мукун учин къахъунтІшиву, ганал гъалгъа къукъин бан цинма ччай бакъашиву. Ганил цаку-ну гъира багъуна, ганал цалва талихІ бакъар тІутІаврил мяъна ци дуссарив кІул бан.

– Ина вилва талихІ бакъар тІутІаву ттун бувчІлай бакъар. Ттун циваннив ххай бур, ина вилва оърмулия хъинну рязисса инсан ухъунссара, тІий, – куна Галял.

Ци жаваб дулунсарив къаКІулну, Давуд ца-кІира минутІрай хъинну пикри буллай ливчІуна. Ганил ци чинссарив? Балики, ганил буллалисса ихтилат тІааьн къабизлай бикІан? Амма ихтилатмур тІурча байбивхъуну бия ва мув утти бяличІан баву къаххуйя. ЦІана тІурча Галя цувпагу ганах, Къадировхъанний кунма, бйкъуну ялугълай бакъаяча, хІалимну, ва ца ххира уллалиний кунма, буруглай бия. ХІаллих багълагъисса марххала, инсан акъасса куча, даКнивун духлахисса тІааьнсса асар, Галял цахва бурган буллалисса хъунисса яру, – вай цимурцаннул Давуд даКнихтуну ихтилат бан кІункІу уллай ия.

– Инсаннах ялтту-туну урувгун га талихI бусса ягу бакъасса кIул ан бюхъ-айссарив? – куну цIувххуна Давудлул къаччан бивкIсса чIуний.

– Ина элмулул зузала хъанай ура, вил ххуйсса нину-ппу бур, кулпат бур, шагърулул дянив ххуйсса къатри дур, къатлул буза бур. Мий цимурца талихI бакъарив?

– КъабивкIун бур, – куну жаваб дуллауна Давудлул, пIапIиросу тIий.

Ва базилух Галял, зума къабавхъуну, так ца пиш увкуна. Буллалисса ихтилат ганин тIааьн бизлай бакъахъунссар кусса задгу дакIнин багъну, Давудлул гьалгъа баххана бансса къаст дуруна. Учин мукъун ганишал цалва талихIраяту, асардаяту гьалгъа тIун ссан аьркинссарив мунан цанма бувчIлай бакъая.

– Ина институтраву заочнайну дуклай бунуккара, – увкуну, Давудлул цIунил ихтилат байбивхъуна.

– Бура, – кусса жаваб дуллауна Галял, ганахгу бурувгун.

– ЗахIмат хъанайвагу бакъарив?

– Цалсса бакъар. Амма ялун нанисса сессиялия хъинну нигъа буслай бура, – Галял пишгу куну, катIагу лирккун, лачакрава лирчусса чIарарду дакъин дуллан бивкIуна.

Давуд ганил кIукIлусса, кIяласса канихгу уруглай, чансса хIаллава хъхурду хъиннугу увкуну, ганил ка цалла дугъанна тIисса пикрилий ххари хъанай ия.

– Ина исторический факультетраву бурав?

– Бакъара, литературныйлуву бура.

– Яла-яла ссая нигъа буслай бурав?

– Оьрус литературалия, мунияргу ххишалагу – марксизма-ленинизмалия.

Давуд хъян ивкIуна. Мунийну ганал бувчIин бувна цанма мунил тIисса мий дарсру хъинну бигъасса душиву.

– Мув личIину захIматсса дарс дакъархха, – увкуна ганал. – Так ялун багъну, пикри бувну лахъларчан, мув къазахIматссар.

– Вин, гъай-гъай, бигъар, ттуннив...

– Вин ччарча ттуца вин кумаг бан бюхъанссар.

– Цукуннивав?

– Хъинну ххуйну. Агар вин ччарча, дулунна вихъхъун ттулла конспектру, бюхъанссар, цачIу щябивкIун, лахъхълангу.

– Мийжанссарив? Мув гъаксса хъинни, – куну, Галя, ххари хъуну, ганах бурувгуна. – На вихъ хъунмасса барчаллагъ учивияв.

– ХIадурссара мудангу. Мув бигъасса затри.

Давуд ганихъ конспектру та дулувив куну цIуххин авчуна, амма мув минутраву ганил, кагу тIиртIуну, увкуна:

– Тана жул къатта.

Галя ялапар хъанахъисса къатрал лагмара лахъсса тIаннул чапар дия. Азварданувусса мурхъирдал кIачIасса къяртри марххалттил кIу дурну, хIаллих сукку тIий дия. ЧIавахъулттая яргсса чани багълай, хъюнил ца зума чанна дуллая бия. Дарвазалул ялув фонарь лархъун дия. Давуд, яру мюрш бикIан бувну урувгуна: къатрал номер 23 бушиву ххал хъуна, амма кучалул цIарив тIурча архния чIалай дакъая. Шагърулул ва чулунун къаувкIун, Давудлул тамансса хIал хъуну бия. Шикку цIусса кучарду, ххуйсса къатри хъуну бия. Утти, мий цанма ккаккувкун, Давуд махIаттал хъанай ия.

– Хъунмасса барчаллагъ, – уркуна, тIаннул чапарданучIан бивукун, Галял. – Агар чIалсса чIун дакъассания, къатлувун ухху чинтIиссия.

– Ина ци тиссарав, Галяй. Цана уххайсарив? Барчаллагъ, – куну, жаваб дуллауна Давудлул. – Конспектру та дулавив?

– Та ччарчагу.

– Бачу библиотекалий хьунабакьиннуча. На ттушалла конспектру ларсун учанна. Тиккува чан-къансса лагу лахъхьинну.

– Хьинни.

– Та?

– Инава уча тарив. На, марч кунма, тархъансса инсанна, – куну, хъянгу бивкун, Галя ганах бурувгуна.

– Уттисса итни кьини ряхра ссятраву. Хьиннив?

– Итни кьини кIусса кьинир тIун бикIайхха. АлхIат кьини къахьиннив?

– Ина мий ласу-къасурдайн вихссарав?

– Вихссара, – хъянгу бивкун, бакIгу чулиннай дикIан дурну, увкуна Галял.

Ганил чIуниву, тIуллаву цирив ца хIайран хьунсса, ччан хьунсса куцуйсса зад дия. Шяраву цува ганишал дус шайнийва, Давудлун га ххуй бивзуна. Уттирив, га хьун хьуну, Давудлун хьиннува ххуй бизлай бия.

– Хьинни, туну, алхIат кьини, – куну, рязи хьуна Давуд.

Гай чапарданул чIарав бавцIуну бия. Давуд Галях, бакIравусса пикрирду буклакисса куна, цитI ивкIун, уруглай ия. Галя тIурча, буллалисса марххалт-таниягу кьарчI бикIлай, Давудлул уттигу ци чайвав тIий, ялугълай бия. Мукун чансса хIал лавгуна, Давудлун бувчIуна, гагу шаппай гъан бивтун, цувагу ачлан чIун хьушиву.

– Тти вин барчаллагъ, – увкуну, Давудлул ка дуллауна. – Ина бьякьурав?

– Дяркъу дур, – куну, Галял анаварну урчIамур кания катIа лирккуна.

Давудлул ганил кIяласса, кIукIлусса ка чIувин дурну дургъусса чIумал ганал чурххавух тIаансса асар ппив хьуна. Галя, цихва га уруглай ушиврия начну, бакIгу хьхьичIун дуртун, бавцIуну бия. Яла ганил бакI гъаз дуруна ва дахъва сукку хьуну цилла ка итадакьин аьркиншиву Давудлун бувчIин бувна.

Давудлул цилла ка итадакьайхтту, Галя, анаварну нузгу тIиртIуну, цансса азварданувун бувххун лавгуна. Давуд, пашманну ганил шаттирдах уруглай, га унийва ливчIуна. Галя бахълавгсса цаннахгу ялугълай, га цалва оьрмулия пикри буллай авцIуну ия. БакIравун тIурча чIявусса задру бухлай бия. Цукун ххуйну бикIанссия, агар ва душ мудан цалва чIарав бивкIессания?

Цансса азварданух ялугълай цува шикку авцIуну цуксса хIал хьуссарив Давудлун кIул хъанай бакъая. Амма Галял шаттирду, кIутIу тIий буллалисса марххалтганил лув ливчIшиву муна хIисав хьуна. Ганал жиплува пIапIирос дурккуна, га кIиен дурна, яла, кIура авну, анаварсса шаттирдай цучIав акъасса кучалийх шавай авчуна.

Цусса марххалтганийх ачин тIаанну бия. Ци-дунугу дакъа хьуну, яла, га ляркъусса чIумал, инсаннан шайсса ххаришиврул асар цана ганаву бия. Мува чIумал ганаву цалла ххаришиву хIазранссар тIисса пикригу бия. Галя бюхъ-ай ганашал утти бувагу хьунакъабакьин, хьуна бакьирчагу, анжагъ конспектру ласун бучIан. Ганил цана ци пикри буллай бухьунссарив? Ци тIий бухьунссарив? Ва иш хьинну къавхьунни! ЦитI ивкIун уруглававу, талихIраятусса гьал-гьарду, чIувин дурну ка дугъаву, куртIну ссихI бигълагъаву... Ссан аьркинссияв вай цимурца?



Амма мий пикрирду цавува бухурчагу, ганаву ххаришиву дия. Галяшал цува ттигу хьунаакьинтИшиврия пикри буллан ганан тІааьнну бия. Ганишал утти цува хьунаакьаву хьинну кутІасса хІаллайсса хьурчагу зад бакьар. Цалла конспектру ганил дуклантІисса бакьарив? Гайннух цилва лухІисса яру бурган бантІисса бакьарив? Мув пикрилул Давуд хьинну шад уллай ия. Галяшал цува хьунаакьин ливчІсса гьантригу кІиссурттай буклай, га анаварну шавай най ия.

Шама жагьил, дякьия кьарчІ-кьарчІгу бикІлай, тяхьану гьалгьагу тІий, ганал чІарах бавчуна. Ганан бавуна гайннавасса цаннал тІутІимур:

– Уссурвал, цІусса шин дайдишин анжагь кІира ссят лирчІун дур. Жува анавар хьун аьркинни.

– Биянссару, нигьа маусара, – тІий ия ганахь лахьисса шинельланувусса, вичІивду кьяпа бакІрай бивхьусса гама.

Яла гайннал, ша лахьи бувну, кучалувух кІура бавну лавгуна.

«КІира ссят лирчІун дур, – тІисса пикри цакуну Давудлул бакІравун бувхуна. – Ци хьуннинни кІира ссят лирчІссарвав? Ссайннивав?» Ганан цакуну дакІнийн дагьуна ЦІусса шин ялун най душиву, шаппа ганах ялугьлай кулпат бушиву. Бюхьай буттауссу увкІун икІангу. Ялагу ганал дакІнийн багьуна цалла диссертация вай гьантрай секторданий ххал дигьин най бушиву. Яруннал хьхьичІ бавцІуна Вагьабов, Мурадов, Мустафа Хизриевич, дакІнин дагьуна лахьисса илтІасса профессорнал жиг-жиг дартІсса лажин, ваца гай циняв шиккун цалва хьхьичІун бувкІсса ххансся. БакІравун бувххуна рецензиярду дурккуну кьуртал хьуну мукьах, гьав ларгсса профессорнал симан. ВичІилувух бишлай бия: «Рецензиярду чивчумийннашал на рязиссара», – тІисса ганал махьру.

«Бюхьай профессор ттуйн кьаршину уккан, бюхьай директорнашал ва Мурадовлушал ганал махь ца бувну бикІангу!» – тІисса пикри бакІравун бувхуна. Мув тІааьнсса пикри бакьая. Амма мукун бухурча, га Кьадировхьаннин ЦІусса шин барча дан учІан кьабагьайва. Мунил буслай бур гай кІиягу цІакьсса дустал бушиву. Мув бакьассагу, ганал цалва хьхьичІсса статьсярдай гава га чичлай ур. Лажиннича, мув цала хьхьичІва чивчумунин цува кьаршину уккантІиссарив? Вай циняв пикрирду Давудлул бакІраву гьанай бия.

Га утти пашман хьанан ивкІуна, цува Кьадировхьанния, анавар увккун, лавгаврия. «Ахирданин шяивкІун, Исламовлул ци тІий урив кІул бан аьркинссия», – тІисса пикри хьуна ганан. Цалла даврил хІакьираву тІутІимургу кІул кьабувну, Галя цанма ккаккайхту, ганил хьирив лагаврия утти га пашман хьанан ивкІуна. «Профессор ва Мустафа Хизриевичгу хьинну махІаттал хьухьунссар ттул тІулуй. Циваннив на мукунсса кьел дурсса?»

Цакуну ганал ттинин бакІраву бивкІмур, ухчІин лавай кІура бавсса кунма хьуну, ххари хьанай ивкІмуния утти га пашман хьанан ивкІуна. Шадшиву хІасратрайсса шугьлурдайн кІура даллан диркІуна, цалла адаврая цанна нач хьанан диркІуна. Галял хІайран хьунсса ххуйшиву, цІуну ялун нанисса ччавулиятусса тІааьнсса хияллу, ганишал цува хьунаакьлансса пикрирду – вай цимурца цакуну бат хьуну, кьурчІисса ва хІакьсса цалла цІанасса тагьар хьхьичІ дарцІуна. Ганал тагьаргу цІана щалла хьинсса дакьая. Цаппара гьантрава диссертациялул цалчинмур бутІа секторданий ххалбигьин най бия, ва чивчумуниягу чІявумий рязину бакьая. Мув чув уссаривгу кьакІулну, шарда мунах ялугьлай шарсса дия. Ссаллив га обьккисса? Ци обьбала бувссарив ганил ганан?

Ссал тахсирлув хьуссар га мунал хьхьичІ? Циваннив, цІана шавай учІайхту, ганих щялмахьру буслан аьркинсса, цува Галящал хьунаавкъушиву къюлтІ бан аьркинсса?

Площадьгу бивтун, Давуд шагьрулул хьунмур кучалийн увккуна. Шиккалу чанна лавхьун бия. Чалсса чІун дунугу, ттучанну тІивтІунма бия ва гайннул хьуни чІавахьулттая ххуллийн кІукІлусса чани багьлай бия. Марххалттанухьхьун лавгсса кучардаих чІукІа-чІитІ бакъа машинарду занай бия. ДалухІиртгашал ана-анаварну кучалийх нанисса ххуллулсса цанма ххал хьувкун, Давудлул бакІравун гай циняв, щюллисса ёлкардугу бивхьуну, чІюлу бувсса, мачча-гъанмий, дустал бавтІсса цалва-цалва къатравун най бухьунссар куска пикри хьуна.

«Ттухгу шаппа ялугьлай буссархха», – куска задгу дакІнийн багьну, ганал ххарину пиш увкуна. Ххаришивумур тІурча цавура дахьра загьир хъанахьисса начсса ва ххуй бакъасса асар цашава бас бан бюхъаврийсса дия.

### ШАМУЛЧИНМУР БАКІ

Столланул ялун бикІан бувсса, хьунмасса сунттул абажурданул къатта тІааьнну чанна буллай бия. Къатта ххуйну бакьин бувну бия. МурцІув бивхьусса тахлил ялтту хьунмасса яТулсса бартбису бувгьуну бия. Чансса шинмай кІяласса къаттагу лавхсса лахьсса диван бия. Лагмава, щюллисса махмур ялтту бавкъусса, кІукІлусса кІантту бивхьуну бия. ЧІавахьулттичІа дирхьусса хьуннасса этажеркалул чІаравгу бавцІуну, Аьйшат къатІувсса хьхьунил цІаннах буруглай бия.

– Хула, вин тийх ци чІалай дурив? – куну цІувххуна, къатлувун бувхсса Аминатлул, каругу хьхьичІухдахІулух лихьлай.

– ДикІух бурувграв? Шархь-хьунссара– увкуна Аьйшатлул, танил буллусса суалланухьхьун жаваб къадуллуну.

– Цимурца хІадурссар. Утти иш къатлул заллунахь ва хьамаллурахьри бусса.

– Ца хьамаллив, Аминат?

– Инава бакъарав Сулайман ва Валя бучІантІиссар, тІий?

– Гай утти къабучІантІи бухьунссар. Ссят ацІния цара шавай дур, – увкуна Аьйшатлул, чІавахьулттих ялугьлайнма. – Давуд циваннив къанай ур.

Аминат, цила дуснахгу бурувгун, ссихІгу бивгьуну, диванналий щябивкІуна.

Га, Аьйшатлушал дус хьуния шинмай, чІярусса шинну ларгун дия. Гайннал дусшиву дурну дия ххюлчинмурдив-ряххулчинмурдив классраву дуклакисса чІумалла. Га шинал Аминат, нинугу диркІуну, шяравун амудадачІан бувкІун бия. Ппугу фронтрай ивкІуну ия. Гай захІматсса шиннардий Аьйшат хьуна ганил цІасса дус. Цилла ххаришиву ва пашманшиву, аьлттумур ва къюлтІмур ганил ца Аьйшатлухь бакъа цаманухь къабусайва. Аьйшат ва ганил нину Ххадижат Аминатлул яла гъанмий ва яла бусравмийну хьуна. Гайннащал ганин бигьану бия.

Гай шиннардий ганин хьинну гъанну кІул хьуна Аьйшат, ххира хьуна ганил кІюласса ва кІукІлусса хасият. Ганин бакІрайва бувчІуна Аьйшат личІину ххуйсса инсан бушиву, ганил жагьилсса дакІнин ца чІивисса задралгу хьунмасса асар биян байшиву. Зунттул ялув хьяхьа тІисса чаннал, ххяллул лувату, жарт хьуну, лирчуну нанисса пюрун кунма, марцІсса щинал, маркІачІан чІумал

дахъва баллалисса хІухчил щютІуххул чІунил, арх бакъа урттуву тІанкІа тІисса щюллисса оърватІал, – вай цимурцаннул Аьйшатлул дакІ парх учин дурну, гъа-лак дуккан дайва. Цаманан хІисав къашаймур ганин ххал шайва, квавкмуния га хІайран шайва, ххари шайва. Лагмарасса дунял ганин, ваца алжан кунна, чІалан дикІайва.

Цийнма цувппанияргу хьинну Аминатлун цилва дус Аьйшат кІулну я. Цуп-парив ганин кІула личІину ххуйсса бакъашиву ва личІисса аькьлулул ягу гьу-нарданул заллу бакъашиву. КІула цилла хасият тяхъасса ва тІайласса душиву. Цувппа хьювсулсса чІумал ганища къабюхъайва цилла тагъар къюлтІ дан, амма чІявуну хьювсул буклангу муни ччан къабикІайва. Ганин хьювсулнунияр хха-рини, хъяй ччан бикІайва. Ца-ца чІумал ганил дакІнин багъайва цувппа ххуйсса бакъашиву, цилва май манхъ бивкІсса бушиву. Мий пикрирду мунивун хьинну-ва буххайва дагъанттувух бурулагисса чІумал. Яла га байбишайва кІиссуртгах цилва май тІайла булла. ЧІувин буллалавил, май ятІул лавгукун, цилла дул-лалимуний цувппа гъар-гъар тІий хъян бикІайва. Хъяхъаву дакъайва Аминат-лун, га хъяхъиний, чІаврдай мюрщисса кюнтІулливгу багъну, ганил ятІу-ки-рисса симан ххуй хьуну чІалан дикІайва.

– Хъхъунил ххуйшиву! – увкуна Аьйшатлул, чІавахъултичІатугу бувкъуну. – Давуд ккашил хъухъунсар.

– Пикри мабара, ккашил шайхту, левчуна цува учІантІиссар, Цусса щина-щал хьунабакъай хъхъуну мув цувагу чуннив акъахъусса?

– Мув лавгунни элмулул чулуха цайра каялувшиву дуллалиманачІан. Ами-нат, бюхъай тикку ливчІун бикІан.

Аминат зума къабавхъуна, амма цувппамур тІурча, Давуд чув - унугу ду-стувращал хІачІлай ухъунсар, тІий бия.

– Цанма къаччарча, маучІарача. ЖучІара гъар цимурца дур: ччарча хІачІан-мур, ччарчагу дуканмур. Га акъана, жува барча данну Цусса шин, – куну, Аминат лахъну хъян бивкІуна.

– Вана най, – увкуна Аьйшатлул, нузайн къутІ тІисса чІу бавну.

Амма ялугълагисса Давудлун кІанай къатлувун ганал буттауссил шарсса, Валентина Михайловна, дурххуна. Ганил анаварсса мазрай бувсуна цаннийнма Сулейманнушал архІал зузисса ганал дустан бувкІун, цивппа шаппа ливчІши-ву ва шиккун цацава бучІан къахъунтІишиву. Ганил ссавнил рангсса яруннал буслай бия мукун бучІан къашаврия цивппа пашманну бушиву, амма бансса цамургу бакъашиву.

– Ина, Аьйшат, ттухъхъун цаппара куртІ бушкъапру дула ва зувагу бачияра жуннин, – увкуна ганил, нузкъунттухва бавцІуну. – Давуд чуричІ?

– Цала хьунаманачІан лавгунни. ВацІана учІан аьркинсар.

– УчІайхту, жуннин бачияра. Хъиннив? Инагу бухъхъу, Аминат, – куну, бувчІин бувна Валентина Михайловнал, Аминатлул, кухнялия ларсун бувкІун, цихъхъунна дуллусса бушкъапругу чагъардануву дахІлай.

– Къақулли, Валентина Михайловнай, – сикъавсуну увкуна Аьйшатлул. – Учинна, Давуд увкІувкун.

– Ганахъ тІун циваннив? КІинниллагу, ца-ца чулухун ца-ца лавчІуну, ххюрх-ху увара. Ттун кІулли Давуд мукун акъа учин къашайшиву.

– Хъинни. Ина тІисса куццуй банну.

– Жу ялугълантИссару. Явара, бухъхьяра, – увкуна цал ялагу Валентина Михайловнал.

– ЩябивкИния, чансса бигъалаган.

– Къачча, Аминат, чИун дакъар. Ттух ялугълай хъамал буссар.

– Хъинсса шарсса дур, – увкуна Аьйшатлул, Валентина Михайловна лавгун махъ. – ХъхьичИ, оьрус шарсса дурцуну тИий, Сулейманнуй хъяй бикИайсса бивкИун бур.

– Оьрусра ягу цамурда, ци личИшиву дуссарив, цувппа инсан бухьурча? – куну, рязи хъуна Аминат. – Хъинсса хИакин бусса бур мув.

– Хъинну. Газетрайгума муния бивщуну буссия. Давуд ца газет буклайсса дакИний бур.

– Ттул хИсаврай Нуржагъаннун мув шалва къаххирануккар.

– Ттунгу мукун ххан бикИай, – Аьйшатлун ччай бия цилла ласнал нину вай гьантрай шиккун хъин хъун дучИантИссар учин, амма нузайн къутИ тИисса чИу бавну, къаувкунма бивтуна.

Аминат левчунма лавгуна, нуз тИитИин. Давуд жанахИраву марххала къатИ буллалисса чИу баллай бия.

– Вин Валентина Михайловна хъуна къабавкъурич? – куну, цИувххуна Аьйшатлул ласнахъ, жанахИравунгу бувккун.

– Къахъунабавкъунни. Жуннива буссияч?

– Буссия. Гайннаща бучИан къабюхълай бур. Гайннаннин хъамал бувкИун бур.

– Цукунсса хъамал?

– КъакИулли. Сулейманнушал трестъраву зузисса гьалмахтал бухьунсар. Жуйнмагу тиккун оьвтИий бия.

– ЧИун чИалсса дур, – увкуна Давудлул, ссятрахгу урувгун. – Жува шиккува шаппа щябикИанну. Къахъиннив, Аминат?

– Нагу мукун тИий бура.

– Дукра дуву цумурдив зуву? – куну, цИувххуна Давудлул, къатлувун увххувкун.

– Нара, – куну, Аминат хъян бивкИуна.

– На, цИана лавгун, лажин-ка шюшинна, ина вилла дукрарду хИадур дува.

– Давуд, чансса ссавур да. ЦИана дахъра ацИния цара дур. Цал ина вила хъунаманашал ци гьалгъа бувсарив буси.

– Цимурцагу хъинну хъанай бур. Дагу секторданий ххал дигъайний, ганал ихтилат бантИссар. Гайннанний на профессор Исламовлушалгу кИул хъура. Хъинсса инсан ухъунсар.

Давудлул кутИану бувсуна цИуну увкИсса секторданул заведующий профессор Исламовлуя, ганал давурттая, Мустафа Хизриевичлул цалла даврил хИакъираву тИутИмуния, амма цува Галящал хъунаакъаврия зума къаавхъуна. Цал га мунил хИакъиравугу бусан сукку хъуссия, амма,

ваца цаманал къацИливу ка дирхъуну, бусан къаивтсса кунмасса иш хъуна. Га урувгуна шарссаних, яла Аминатлук. Ганан цакуну ххан бивкИуна, ваца гай цайва хъяйсса кунма, гайннан цалва Галящал бувсса ихтилат кИулсса кунма.

– Гьанттайсса чув дуканнув? Шиккурив, юхссагу кухнялий?

– Шиккува хъинни, – куну, куртИну ссихИ бивгъуна Давудлул. Ганан утти кИул хъуна гай гьанттайссаннулсса бакъа, цамунилсса буллаий бакъашиву.

Дукралучѣ Давуд цѹсса хаварду буслай, хъяй, хъярч махссара буллай ия. Утти га Галяяту цувпа ца зад цалва къабусаврий ххарину ия. Галяятусса пикри тѹрча ганавун муксса куртѹну бувххун бия, цѣана ганан ца га бакъа, цамур цичѣав дакѹний бакъая. Къабанна тѹий унува, цува ганияту пикрирду буллай лякъайва. Махъмий хияллу: профессорнал цалла диссертациялия ци учин чѣай ивкѹсарив, цѹсса шин барча дан буттауссил хъамалу оьвчаву, шагърулийн хъин хъун дучѣантѹисса къашавайсса нину, – вай циняв хияллумий тѹрча, цѣаннай къатѹв лавхъсса, марч бищайхту, лещан хѣадурсса майлул чирахъ кунма, липѹ-липѹ тѹий бия бакѹраву.

Шавай нанини, Давуд ххарину уссия Галял хѣакъираву цалва ххишала пикри къабанна ва га ххишала дакѹнийн къабутанна, тѹий. Амма, шавай увххун, щарсса ккаккайхту, мудар хъяйнмасса Аминатлушал ихтилат байбищайхту, конъякрал ца-кѹива рюмка хѣачѣайхту, Галя бувкѹн, мунал яруннал хъхъичѹ бав-цѹна. Щарссанихгу уруглай, бакѹраву га Галящал архѣал бацѣан буллай, цачѹ бихълан ивкѹна. Яру кѹинниллагу лавхъхъусса бия, хъунисса ва лухѹисса, амма иттацѣантту тѹрча Галялмий кѹюласса ва исвагъисса дия. Галял кагу щарссанил канияр кѹукѹлусса ва тѣаансса дия. Чурххал гъайватрив? Бакѹ чулиннай дикѣан дурну, хъян бикѣавурив? Янна лаххан кѹулшивурив? Цѹ буну гъалгъа тѹн кѹулшивурив? Юх, вай иширттаву Аьйшат Галящал архѣал бацѣан бан ягу цачѹ бишин цукунчѣав бюхълай бакъая. Вай пикрирду буллалиссаксса, ганавун ххариссарив, пашманссарив кѹул бан къашайсса ца асар хъанан бивкѹна. Мув асар, гъарца базу-базулувун лаглай, мунил цува, ваца ссихѣирал ттуп бу-цѣин байсса куна, уцѣлай чѣалай ия.

– Аминат, лажиннича, ца балай учала. Мандолинагу бищунна, – увкуна Давудлул, дуркуну къуртал къадурсса къавурмалул бушкъапгу, цалла хъхъичѣа тийннай дурну.

– Аьйшатлушал архѣал учинна.

– Хъинни, Аьйшат, ласи мандолина.

Щарсса мандолиналул хъирив, жанахѣрал тия чулийсса къатлувун наниний, Давуд ганих куртѹну урувгуна. Гъартасса гъухъа бавкъуну бакъая, хъачѹнттайн дагъсса цѣансса сунттул лачак цукуннив дия, кѹукѹлусса исвагъину бувсса махѣсив шяраву хъатѹйн бувкѹсса душаврал кунмасса бия.

Аминатлул балай оьккину къаучайва. Аьйшатлулгу, муницѹн бавхѹвкун, мийннал хъиннува ххуйну хъуна. Балайлиягу рязину, Давуд хъунмасса хѣаллай хъат ришлан ивкѹна.

– Агар вин кѹулссания, Галял балай учайсса куц, ина махѣаттал хъунссия, – увкуна Аминатлул.

Давуд, ци учинссарив къакѹлну, ваца маз хъамабивтсса куна, щяивкѹн ливчѹна.

– Цумур Галял? – куну цѹвххуна ганал, ганихъ къулагъас къадуллалисса чѹний.

– Театрданий жунма хъунабавкъусса, дакѹнийрив? – бувчѣин буллан бивкѹна щарссанил.

– Дакѹнийри, – куну, хѣаллих увкуна Давудлул. – Мув дуклай буссарив?

– Буссар, жул институтраву. Заочныйну.

Щарссанил ва ганил дуснал, кувнишал кувниил буллалисса ихтилатрах-

гу вичїи кїюла дурну, Давуд лагьну мандолина бишлай ия. Галял хІакъираву бусласисса зару цанма ссанчІав аьркин бакъасса куна, га ия цува дуцлацисса макъанналуху лавгмунил дуллай. Яла, ганал ссятрахгу урувгун, мандолинагу бувкьуну, увкуна:

– Гьар тти зун. Ацїния кїира хьун, ххюра минутІ лирчїун дур.

Лавсун рюмкарду, коньякрал буцїлан ивкїуна.

– Циссарав, Давуд? – махІатгал хьуна Аьйшат, Давудлул цилва ва Аминатлул хьхьичї коньякрал бувцїусса рюмкарду бихьлай ххал хьувкун.

– Жущал хІачІантїиссар инагу.

– Авлия хьуну урав! Ттуща шайсарив?

– Лажиннича, Аьйшат, хІачїи. Дахьва ца рюмка.

– Ттуща къабюхъанссар. Ява, на бити.

– Аьйшат, чїявусса гьалгъа мабулларда. КъабивчІантїиссара ина, ва ца рюмка хІачІарчан.

Давуд цакуну лухїи-цїан лавгуна. Циваннив шарссанил цалва увкумур къабуллалисса?

– Цїана мунил къабучїиссар, Давуд, – Аминат цилва дуснахлу буклан бивкїуна.

– Циваннив къабучїисса?

– Къабучїиссар. ДикІайхха мукунсса чїун, хІачІан къабучїисса?

– Вин бучїиссарив? – куну, цїувххуна Давудлул.

– Хьинну бучїиссар. Ина буцїирча, на укунсса ца уттигу хІачІанна, – куну, жаваб дуллауна Аминатлул, хьянгу бивкїун.

Давуд ссятрах урувгуна:

– Кїира минутІ лирчїун дур. Гьаз бара, – увкуна ганал лахьсса чїуний.

– Давуд...

– Гьаз ба! – Давуд, ябакї бувтун, сситтуйну шарссаних урувгуна.

– Ххуйсса арс аннав зун, – увкуна Аминатлул, яла Давудлух ва Аьйшатлухгу бурувгун, ххи бувна: – Ина, Давуд, вилла диссертация хьинну ххуйну кьуртал дурну ккакканнав.

– Вин, Аминат, ххуйсса гьалмагъай лякьиннав. Амма чанну хьяхьисса ва чїявуну пикри буллалисса, – куна Давудлул.

– Мукунма ттун къачча. Ттун оьрмулувух хьяй бачин ччай бур. ЗахІматсса, пашмансса ва аьтїун ччисса чїумалгума, ттун хьяйнма ччай бур. Агар мукунсса гьалмагъай бакїрайн къаагьарча, на шар къахьунна, – куну, хьян бивкїуна Аминат.

– Хьинни туну, ина тїийкун бикїувча. Гьаз банну хьяхьяврихлу ва мудан хьяйнасса гьалмагъайнахлу!

Давудлул ва Аминатлул цакуну хІарчїун гьан дуруна. Мув ккавккун, Аьйшатлул зурзу тїисса каних бокал мурччачІан гьан бувна ва ххув увкуна. Гацїана хІарчїумур къакьарттуйн шуноу, гьава биял къахьанан бивкїуна. Къацїливу лирчїумур эки кьарутїиншиврул, ганил анаварну столлания салфетка ларсун, къацїлил ялув дирхьуну, чїувин дурна. Ганил иттату макъ лирчуна.

– Хула, ва ссан аьркинссияв, Давуд? – куну, дуснахгу бурувгун, къаччан бивкїисса чїуний цїувххуна Аминатлул.

– За бакъассар! Аьдат хьун аьркиннихха муниноу.

– Ссайннив аьдат шайсса? ХІачІавриннив?

– Аминат, аьркин бакъамур мабусларда, – сситтуйну увкуна Давудлул ва хьхьичІ бивхьусса бокал, щуну, тийнмай бувна. – Ттул шарссаница бюхълай бакъар мажлисрахлу ца рюмка коньякрал хІачІан, инарив танихлу буклай бура. ТІайлассарав ина?

Аьйшат ятІул ларгсса лажиннаращал ва атилсса яруннащал цилва дуснах бурувгун, Давудлун ссибизан мабара тІутІисса лишан дурна. Ганил вивалу ччучлай, кІарчІ биллай бия, амма цувппамур тІурча, ласнан сси къабизан-шиврул, уттигу хІачІан рязину бия. Давудлун, сси бивзун, лахъну вев тІутІисса чІумал, ганин хьинну къутІайва.

Аминат, чяйник ласун, кухнялийн бувккуна. Га бакъассаксса хІаллай, сси мабизларда тІий, Аьйшат ласнахъ миннат буллан бивкІуна.

– Анавар мауккара, ссавур дува, Давуд, ттул вихъ миннатри.

– На гьаксса ссавур дурну ура. Так ттун дакІ дакълай дакъар на тІутІимур ина къабуллалаврий ва чил инсантал цайнма къабагъайсса иширттавух хІала бухлахаврий.

– Мукун циван тІий урав, Давуд? – нахІуну увкуна Аьйшатлул, – Аминат чил инсан бакъар, ялагу ганил тІимур тІайлар.

Щарссанил увкусса махъру ганал дакІнийн щуна. Цува ссанчІав ккалли къауллай ура тІисса пикри бакІравун бувххуна. «Вай цимурца Аминатлул цІаний-ри хъанахъисса, танилли цалла шарссагу зия дуллалисса», – тІий, пикри буллай ия Давуд.

– Циваннив та тІайласса? – куну, лахъну цІувххуна ганал. – Юхсса зу кувнил кувнинн адвокатшиву дуллай бурув?

– Мукун бакъар, Давуд. На вихъ яла бусанна та циван тІайлассарив.

– Хьиннича, къабити. Тана най бур, та вил цІакъсса дус, – увкуна Давудлул рихшантрай.

Ласнал дурсса рихшант, цичІав къавхъуну бунува ссибизлазаву, къатлувун бувхсса Аминатлух сситтуйну га уруглагаву, Аьйшатлун къурчІи бизлай бия. Утти га, чІавахъулттичІагу авцІуну, жагъ Аминатлух, жагъ шарссаних хьинну сситтуйну, ваца гай ссанчІав ккалли къабуллай куна, уруглай ия.

– Давуд, чяй хІачІаннав? – куну, цІувххуна Аминатлул, ганал къачча учинтІи-шиву цинма кІулну бунува.

– КъахІачІанна. На увххун ура, игъалаган гъанна, – куну, Давуд, къатлува увккун, цува зун икІайсса къатлувунай лавгуна.

– Мув захІматсса даврилли мукун зия уллалисса. Мукун шайссар, за бакъ-ассар, – тІий, Аминатлул цилва дус паракъат буллан бивкІуна. – БакІрал даву хьинну захІматссархха, за бакъассар, пикри мабулларда.

– Нагу мукун бухъунсар тІий бура, – Аьйшат, хъахъи-мачІагу лавгун, пикридай столланул ялун къус бивкІуна.

Давудлул цинма диян дуллалисса гьарца ТІааьндакъашиву, ганал захІматсса даврия ккаклай ххай бикІайва Аьйшат. Амма гава чІумал Давуд циваннив гакс-сава аххана хьусса, цихва ургъил къабуллалисса тІисса пикригу мунил дакІни-ва буклай бакъая. Ганан цувппа циван оькки бизлай буривав, циятува ганан ци къаччан бивкІривав тІий, га мудан пикри буллай бикІайва.

Ганин дакІнин дагьуна уттигьанну ларгесса чІун. Цувппа хьун хьусса ва ду-  
клай бивкІсса шяравалу дуркІун хьхьичІ дарцІуна. Тикку, цилла шяраву, цувп-  
па Давудлун шар хьусса куц пикрилувун бувххуна.

## МУКЪУЛЧИНМУР БАКІ

Аьйшат, мурчай кІутІу тІисса гьухьул ухчІингу бувгьуну, зунттул бакІрай  
бавцІуну бия. Яругу мюрш бикІан бувну, га буруглай бия банавшалул ранги-  
райн лавгесса архсса барзунтта. Лагмара ттуруллаяругу лахьсса, ваца вирттал  
кунма бавцІусса, хьунисса зунтурду бия. Июнь зурул ссав муксса ххуйсса ди-  
яхха, Аьйшатлуца бацІан кьавхьуну, га цилва дуснайн лахьну оьвтІун бивкІу-  
на:

– Аминат! Аминат! Шиккун нану.

Аминат гилу ххяллучІа, тІутІивгу ритлай, балай тІий бия. Ганил балай кь-  
ума ратІнил ялтту левххун най бия. Дуснал цинма оьвтІисса чІу бавну, га кьа-  
багьуна, яла чарттал ялтту ххарххугу ласлай, левчунма АьйшатлучІан бувкІун,  
ганил чІарав бавцІуна.

– Буругула лагмасса ххуйшиврух! – куна Аьйшатлул, кагу тІиртІуну.

– Мьяйжаннугу, ххуйшиву ххал да! – куну, рязи хьуна Аминат, куртІну ссихІ-  
гу бигьлай. – Муз за учин оьчав ттуйн?

Га, ялагу левчунма лавгун, тІутІив ритлай, гайннуя хьунмасса кацІ буллан  
бивкІуна.

Аьйшат, вичІи кІюла дуллай, цукунчІавссавагу чІу баяйвав тІий, бавцІуну  
бия, амма лагмара пахь дагьну дия. Так цилва бигьлагьисса ссихІирал чІу бакь-  
асса, цамур чІукІа-чІитІ бакьая.

Лавгунни школалий дуклаки замана. Архсса горизонт цІусса оьрмулийн  
оьвтІий дур. ХІакьину ганихьхьун булунтІиссар аттестат, ва, кюрттаравусса  
чІемуллул оьрчІру кунма, левххун гьантІиссар дустал личІи-личІийсса чулу-  
хунмай. Вана Аьйшат цилва яла ххирамур дуснашал архІал бувкІун бур шик-  
кун, ва зунттул бакІрайн, шикка цилва ялун бучІантІимур ххал бансса пикри-  
лий кунма:

– Гьархьхьунусса вечерданий ци учивив на? – куну, цІувххуна ганил, дус-  
начІанмайгу гьан хьуну. – Завучнал, ттуйн оьвкуну, ихтилат бан аьркинссар,  
увкунни. Амма нигьа буслай бура. Тикку чІявусса халкь бикІанссар, Аминат.

– Гьай-гьай, бикІанссар.

– Туну, на ци бавив? Мукунсса кІанай на цалагу ихтилат кьабувссар.

– Цукун кьабувссарив?

– Та буврияр туну?

– Комсомольский билет ласласини. ДакІний бакьарив?

– КьабикІула, ци тІий буссарав? Та чІумал циняв жулвасса бия. Тиккугу на,  
цІарай бавцІусса кунма, буссия.

Аминат хьян бивкІуна.

– ЦІарай циванав, ина бия полланий бавцІуну.

– Кьабагьула, лажиннича, Аминат.

Баргь зунттул хьачІнихун бахьлаглай бия. Ссав, ца чулуха ятІу-парх дикІлай,  
гамур чулуха тІурча някІ лаглай дия. Пахь дагьсса дуниял хІалли-хІаллих цІан  
лаглан диркІуна.



– Бачу гъаннуча, Аминат, – увкуна Аьйшатлул, дуснах цилва хъунисса ва ххуйсса, яшмилул рангсса яругу бурган бувну. – Цан хъанай дур. На бурцур-дия хъинну ниъга бусайссара.

Аминат хъян бивкIуна. Ганил хъяхъаву лахъсса, инсаннан ххуй дизансса дия. Аьйшатлун цилва дус хъяхъисса чIумал, ганил чIаврдай шайсса кюнIуллах бурган ччан бикIайва.

– Гъинттул бурцурдил за къабайссар.

– Вин ча кIуллив?

– Зоологиялия лахъхъав.

Душру лахъну хъян бивкIуна.

Цан хъанай, някI лаглагисса архсса зунттул лув цIурду лахълан диркIуна.

– Хъхъу, зунттурду, цIурду! – увкуна лахъну Аьйшатлул, лагмасса ххуйшив-рия махIаттал хъанай.

– Ина хъхъичIун бурувгун бачу, акъахъурча, муруллийх багъайссара, – куну, дюъ дирхъуна Аминатлул.

Аьйшатлун дакIнин дагъуна цилла амудада. Зунттаву щяйтIантрал цIурду лахъайссар тIий, ганил чIявуну бусайссия. «Утти ччива, га дурцуну, шиккун дурган дан», – тIисса пикри Аьйшатлуну бувххуна. Электричестволул чанна дурсса шяравалу ххал хъувкун, га ци махIаттал хъунавав? Гьалбатта, ххишала щяйтIантрайтуса хаварду ганил къабусанссия.

– Жулла шяравалу шагърулуха лархъхъусса дур. Дакъарив, Аминат? – увкуна Аьйшатлул.

– Ттигу ца зуруйсса яхI ба, ккакканссар вин шагъру, яла гьалгъа тIунссарача, – куну, хъхъичI шагърулий ялапар хъанай бивкIсса Аминатлул жаваб дуллауна.

– Агар конкурсрай жува къамул къабарча?

– БантIиссару. Бансса куццуй жува хIадур хъун аьркинссару.

– На яла-яла сочинениялия ниъга буслай бура. Ина?

– Нагу, – куну, жаваб дуллауна Аминатлул, яла ххи бувна: – Амма литерату-рагу къабигъар. КъатIайларив?

– История бигъасса ххай бурав?

– Гъай-гъай, бигъар. Бургу: литературалуву цимий автор, герой, образ дурив ххал дува.

– Историялуву ххал ба циксса фактру, циксса личIи-личIийсса ишру бушив! Иван Грозная байбивхъуну, цимий паччахI аххана хъуну ушив букки.

– ПаччахIтал! Мувгу дирив? – куну, пиш куна Аминатлул. – Так ца ацI-ния урчIулчинсса векрай цимий писатель ушив ххал ба: Пушкин, Лермонтов, Толстой, Турген... – га, чарихун бахчуну, багъавай ливчIуна ва ссибивзун увкуна: – Бачу къаританнуча. Жувания хъакъину дуккаврия ихтилат къаданну куну, икърал дурссия.

Душру чансса хIаллайсса къабагъуна. Аьйшатлул дакIнин дагъуна дукIу вава зунттуйн цивпша бувкIсса чIун. Га чIумал шагърулий аспирантуралуву дуклакисса, ганин чансса гъансса Давудгу вайнашчал ивкIун ия. Га отпуск-лий увкIун ия. Зунттуйн наниний, ганин Давуд цихва уруглай ушиву бувчIлай, ятIул бичлай, нач хъанай бия. Уттиватти та чIумал хъусса зару, цалва бувсса гьалгъарду Аьйшатлул хъхъичI бацIлай, дакIнин багълай бия. Гания махъ, Да-вудлул гъан бувну, цичIанма бувкIсса чагъардугу пикрилуву шашлай бия.

- Ссая пикри буллай бурав? – куну, цѳувххуна Аминатлул.
- ЛичИ-личИийсса зару бакІравун бухлай бура.
- КІулли ттун ина ссая пикри буллай буссарив.
- КІулхърча, туну къабикІу.

Куя чулинмай кІура бавну, зунттул хъачІгу риргун, душру щолли урттул майданнив бувккуна. Ца-ца кІану гъай куну бия, лухІисса аьрщи каса-каса-кру хьуну дагъну дия. Гъай кумур чулий кІяласса чятир бивщуну бия. Ганил чІаравгу къавтІи бивчуну бия. Дахъвасса мурчал цІарал лама тиху-шихунмай буллай, чятирданул лагмасса кІану чанна буллай бия. ЦІарал чІарав бавцІусса арамталгу чІалай бия. Гайнная арх дакъа кІира трактор дарцІуну дия. Комбинезонгу лархсса тракторист гайннул чІарав щутІ-къутІ тІий ия. Зунттал ва муруллал дянив тракторду ца аьжаивну чІалай дия.

- Шикку ттул нину дикІан аьркинссар, – увкуна Аьйшатлул.

Грузовая машиналул чІарав инсантал бия. Аьйшатлул нину гайннашал ссаллив хІакъираву лахъну гъалгъа тІий дия. Гъан хъанахъиссаксса, Аьйшатлун гай инсантал бувчІлан бивкІуна. Укунагу чурххал лагъсса колхозрал бригадир Юсуп лахъисса плащраву хъиннува лагъну чІалай ия. Ганал канихъ мархърив, юхсса ттархърив ца загу дия. Тийнмай ца колхозник ва Аьйшатлун къакІулсса ца тракторист бавцІуну бия.

Аьйшат ва Аминат гъан хъусса чІумал, гайннан чятирданува увксса колхозрал председатель МахІмуд ккавккуна. Аьйшат, цилва дусгу кІункІу бувну, чулинмай ливхъуна.

- МахІмуд! – куну, щуршу бувна ганил, машиналул махъун лабикІлай.

Ганин МахІмудлуя хъинну нач шайва, амма мукун циваннивгу цинма къакІула. Буслан бикІайва, МахІмуд хъинну къянкъасса адаминар, тІий. Бюхъай мунихтуну ганая нач хъанай дикІангу. Бюхъай МахІмуд, Давудлул ппу уну тІий, нач шайсса дикІангу. КъавтІилул чанна дуллалисса МахІмудлул сипат ххал хъанай, Аьйшат ятІул бичлай бия. Давудлул цичІанма бувкІсса чагъарду ганан кІулсса ххай бия.

– Ссая гъалгъа тІий бурув? Цивхъуну бурув? – куну, цѳувххуна МахІмудлул, циняннахгу урувгун. – Циван дяьвайссарав, Ххадижат?

– Оьккину гъай тІий ур. Укун гъайкусса аьрщарай на цичІар къадугъантІиссар, вана на зун баян буллай – сситтуйну увкуна Ххадижатлул.

- Ци тІиссарив ванил, Камил? – цѳувххуна МахІмудлул трактористнахъ.

– КъакІулли. Аьркин бакъа гъалгъа тІий бур. Бусича бригадирнал.

– Бригадир ттун аьркин акъар, – куна Ххадижатлул – Аллагънайн щукру, яру ттулвагу бур.

– Ванияр куртІну гъай учин къашайссар. Ва хансса аьрщир, шагънал лачІал ккурч дакъар. БувчІайрив вин? Аькълу вил вищалва бурув, юхсса шаппа хъамабивтрив?

– Аькълулул хІакъираву ина хаварду мабусларда. Винссагу лякъинна. Ваппабай, аькълукар ккавкрив зун?

МахІмуд ца чансса хІаллай зумакъаавхъуну авцІуну ия. Яла, га къус ивкІун, щяту щяпа лавсун, гъай кусса аьрщаравун къувтІуна.

– Циксса духъунссар шикку? – куну, цѳувххуна ганал, кІиссурттал щяпа бувгъусса кІанугу ккаккан буллай.

- АцІния ххюра сантиметралияр ххишала дакъахъунссар.

– Махъмий кІанттурдай цукун бурув?

– Мукунма, шикку кунма. На ххал дав, – куну, жаваб дуллауна бригадирнал.

– КъабучІир. Пайда бакъассар. Ина циксса гъай учав хІакъину?

– Ряхра гектар, – председателна, циван цѳухлахиссаривгу къакѳулну, жа-  
ваб дуллауна трактористна. – Тти ттухъ ци ба тѳиссарув?

– Куртѳиву диялсса дакъар. Цѳунил гъай учин багъанссар, дус.

– Ци? Ряхрагу гектар? Ина хъярч буллау урав, Махѳимуд?

– Бан ччайвагу акъара. Даврий хъярч бикѳайссарив? – увкуна къанкъану  
председателна. Яла га, кѳура авну, чятирданучѳан авчуна. Ганал хъирив бри-  
гадиргу лавгуна. Ххадижат трактористна чѳарав дарцѳуну лирчѳуна.

– Ина циссарав шикку? – куну, махѳатталгу хъуну, цѳувххуна ганил, цилва  
душ ккавккувкун. – Аминатгу бушив?

– Тѳутѳив дан лавгссия.

– Цукунсса тѳутѳиври ва чѳумал?

– Гъархъхъуну жул вечер дуссархха. Мув вин хъамабивтрив?

– Амма, мийжаннугу. Бакѳраву зад къаличѳай хъуну бур. Тѳайлассархха, ина  
ттухъ бувсъссия. Туну, ваксса чѳал циван хъурув?

– Къавхъурувхха, дадай. Тѳутѳивгу ратлай, жулва оърчѳи заманагу дакѳини  
бутлай буссия, – Аѳйшатлул ниттил канилун ка руртуна. – Дачу, ххуллийх бан-  
ну гъалгъа.

– Дадай, шардания ина чѳу лахъ къабара, шиккусса вил вев-шев цияв? –  
куна Аѳйшатлул, цаппара хѳаллай къабагънугу бивкѳун.

– Цукуннивав?

– Та трактористнахун циван дяъвай дуссияв?

– Гъа, ина мурав тѳисса? Вин танай язугъ хъанайвагу бакъаяв?

– Гъай-гъай, бия. Мискиннал гъай куну бур, утти тѳурча танан цѳунил ци-  
мурца гъай учин багълай бур.

Ххадижат хъан бивкѳуна.

– На махъ буллуссар, гектардания къура центнер ласун. Цувпагу собрания-  
лий – халкъуннал хъъичѳи. Укун гъай кусса аьрщарая Аллагънахъ чѳа тѳурчагу,  
ацѳарагу ласун къашайссар. Халкъуннал ттуйра бювкъу-аѳи дуллау ччай бур  
тѳарив ттун?

Цаппара хѳаллава цѳаннай колхозрал багърал лагмасса чарил чапар ххал  
хъуна. Урчѳа чулух хъун бакъасса бяр бия. Цѳаннай ганил щин лухѳину, ваца  
бавцѳан бувсса къир кунна, чѳалай дия. Тталлуй лархъсса фонарьданул чани  
щинавун багъну дия. Мюрщисса щатѳал га чани, цащалва лавсун, ливхъун на-  
нисса хханссия. Бярнил тамур чулух, чанна лавхъун, школа чѳалай бия.

Душваврал ша кутѳа бувна.

– Инава школалийн дучѳанна увкушиву дакѳиний бушив? Юхсса мувгу хъама-  
бивтрив? – куну, Аѳйшатлул ниттихъ цѳувххуна.

– Къабивтунни, къабивтунни, ттул душ. Утти цимурца дакѳиний бур, – куна  
Ххадижатлул ва цѳувххуна: – Агар на къадучѳарча, ци буссарив? На дакъахъур-  
ча, зунгу хъиннува тяхъану бикѳанссар.

– Духъхъу, духъхъу, дадай. Инания дучѳан махъ буллунни. Ваймийнналссагу  
нину-ппу бучѳантѳиссар, инагу духъхъу.

– Хъинни, туну. Зу насияра, на ца шаппайгу бувххун, янна-кагу цѳу дурну,  
вацѳана дучѳанна, – куна Ххадижатлул. – Укун на тиккун дучѳарча, на ккавкма  
зул вечердания лихъанссар.

– Хъинни. Так чѳал машара, – куну, дюъ дирхъуна Аѳйшатлул.

Душру школалул чулинмай бавчуна.

## XXIОЛЧИНССА БАКИ

Собраниялий Аьйшат, нину ххал дуллай, лагавава буруглай бия. Нинумур тIурча школалува дакъая. «Цивхьуссарвав? Циваннивав къадуркIсса?» – тIий, Аьйшат пикрирдавун лавгуна. Мув чIумуву ганичIан левчунма, пионертал бувкIун, аттестат ласавришал барчагу бувну, тIутIал кацI буллауна. Пионертуврал тIутIимунил Аьйшатлун асар хьун буллай бия ва га гайначIа бавцIунма ливчIуна. Яла пионертал лавгуна. БувкIуна Аминат, ганил хьирив – дустал. Циняв гай гьавасравун лавгун, ххарину хьая бия. Гайннан гьарцаннан ци-бунугу учин, ссай-бунугу хьян, ххари хьанан, хьярч буллан ччай бия. Ца бия оьрчIан вальсрай къавтIун ххуйну къакIулли тIий аьрзирай, гамур тIурча – ганил тIутIимунихгу къулагъас къадуллай, вечерданул хьирив хьуннасса банкет дикIантIиссар тIий буслай бия, шамулчинмунил тIурча, цинявннарругу чIу лахь буллай, медицинский институтравуннир педагогическийлувун буххарча хьинссар, тIий бия.

– Арх баннав, жаназарду къукьлан! Ццах учинссия! ТачIав къагъанна, – тIий, вев тIий бия ца, лажиннараву дакI оьзаннугу дуллай. – Университетравун хьина! Мув хьинсса иш хьунссия.

– КъабикIяра душрив, лажинни, – куна Галял сситтуйну. – Дуккаву ва ялагу дуккаву, бизар хьунна на муния. Бачияра, душрив, балай учиннуча.

– Бачияра, – куну, циняв рязи хьуна.

Цинявннал бахIлай, «Широка страна моя родная» тIисса балай тIун бивкIуна. Аьйшатлун, балай тIий бунува, дазу-зума дакъасса хьуру, пуркIу тIисса заводрал турбарду, бишлашисса хьхьирил щатIив, мусил талатисса къалмул хьуру хьхьичI дацIлай чIалай дия. Мий цинявннул ялтту гъаз хьуну, бюхттулсса зунттурду чIалай бия. Цинма гай ххирасса бунутIийрив, юхссагу зунттаву цувппа хьун хьуну бунутIийрив, гай ганин цимурцаннуярругу ххуйну чIалай бия.

– Цукуннив къакIулли, дакIмур къуману дур, – увкуна Аминатлул, балай увкуну, къуртал хьуну махь.

– Мийжанссар. Ттуву цукунсса асар бурив кIуллив? – куну, цIувххуна Аьйшатлул. – Ва ца гьархьхьунусса вечерданийну, жулва оьрмуллул ахир хьунтIисса кунма, чIалай бур.

Аминат хьян бивкIуна.

– ХIакьинусса кьининия тихунмай жулва оьрму дахьвархха байбихьлахьисса.

Мукун тIий, гьалгъа тIий бунува, гайначIан бувкIуна Аьйшатлул чIаххувдуш.

– Вин шаппайн нину оьвтIий дия, – куну, лахьну увкуна ганил.

Мукунгу увкуну, га гьан сукку хьуна, амма Аьйшатлул буллусса суалланул бацIан бувна.

– Циван оьвтIиссарив къабувсрив?

– Къабувсунни.

– Хьинни, на цIана бучIанна.

Аьйшат ва Аминат кувнних кув махIатталну бурувгуна.

– Ина ччяни зана хьуннав?

– Гъай-гъай. Шаппа ци дуллавав?

Чурттуй Галя ганил хъирив лавуна.

– Вин циван овтГий бияв? – кагу дуртун, цѳувххуна ганил Аьйшатлухъ.

– Ттунмавагу къакѳулли, – куну, жаваб дуллуну Аьйшатлул, пудра бивчуну дакъин дурсса Галял лажиннаравунгу буруглай. – Ина чуннав?

– Нагу шаппайн. Буттан аттестат ккаккан бан най бура. На вацѳана зана хьунтѳиссара, ина?

– Нагу, – увкуна Аьйшатлул. – Гъархъхьуну вечерданий ина балай учиннав? Галял ххуйну балай учайва ва рояль бищайва.

– Къаучинна. Директорнахъ на ци банна увкусарив кѳуллив? «Евгений Онегин»-ннуятусса ца парча буккинна учав.

«Гъар, изу. Ттун ччай бур

Вихъ тѳайланма бусан...»

Галял шавкъирай бувккуна вай махъру, цилва гай сценалия булакисса хханссия. Яла, нач хьусса кунма хьуну, цаппара хѳаллай бакѳ хъхъичѳун дуртун бавчуна. Ганил мусил вичѳилуссайн чѳавахъулттия чани багъну, гай ппирх-ппирх тѳун диркѳуна.

– Ттун хъамабитавай ливчѳунни вихъ цѳуххин: собраниялий аттестат ласласиний, на цукун гьалгъа тѳий бияв? – куну, цѳувххуна Галял.

– Хъинну ххуйну.

– Мьяжаннугу, тѳий бурав? На хъинну нигъа буслай, гъалак булаклай бивкѳра, – ганил бакѳгу гъаз дурну, дахъва пиш увкуна.

– Ина хъинну паракъатну бия. На вих буруглай, вий махѳаттал хъанай бивкѳра.

– Буси ина, буси! Махѳатталгума хъура учав?

Аьйшатлун, цувппа хѳадур хъанайгу бивкѳун, нигъа бусаврил ва гъалак булаквил аттестат ласайни, цищава цикѳуй учин къавхъушиврия бусан ччан бивкѳуна, амма яла, къабувсунма къабивтуна.

– Бургу, буттал кабинетраву чани бур, – куна Галял махѳатталну. Гай мув чѳумал райисполкомрал чѳарах най бия. – Лажинни, га ваксса хѳаллай даврий-рив? Ганал машинагу шиккува бур. На буттачѳан лахъаннача. Аьйшат, ина ччяни бучѳанссарав?

– Вацѳана бучѳанна. Шаппа ци дуллавав? Циван оввкуну бурил кѳул бувну, вассят зана хъунна.

– Нагу. Гъу, на лавгссара.

Райисполкомрал къатрал чѳарав «Победа» бавцѳуну бия. Га Галял буттах ялугълай бухъунссия. Аьйшат чѳарах бувккун най бунува, хѳаллий машиналул вив бурувгуна. Га уттиннин гукунсса машиналий щябивкѳун бакъая. Ххуйшиву ххал ба! Укунсса машиналий занан цукун ххуйну бикѳанссар?! Талихѳ бусса Галочкай! Га чѳявуну буттачал шагърулийн лагай. Укунсса машинартту шагърулий чѳявусса бурвав?

Аьйшатлун цакуну дяввилий ивкѳусса ппу дакѳнийн агъуна. Га сагъну ивкѳесания, цувппагу талихѳ бусса бикѳанссия кусса пикригу хъуна. Ганин дакѳнийн багъуна, фронтрайн наниний, буттал цихъва увкусса махъру: «Оърмулува яла агъаммур – ахирданин бияннин оърмулийн вихну бикѳавур, ттул душ. Ххуйну дуклаку ва вихну бикѳу жулва ххуймур оърму бучѳантѳимур бушиврий». Яла,



мулуя буслан иклайва ва мунал бусласисса хавардал Аьйшатлунгу историялул элму лахьлансса, цувппагу историк хьунсса гьира бувтуна.

Давудлул Калимат тисса ссу бия. Га арулчинмур классраву дуклай бия. Уссу шагьрулийн ачин хьхьичI кьини, ганил бувкIун, Аьйшатлуйн цаннинма оьвкунa. Давудлул ниттин ца Нуржагьан дия. Га дия лажиннараву гьайбат дусса, амма азаруннил хьахьимачIасса, хасиятрал кIюласса хьамитайпа. Аьйшатлухь гьарца мукьул хьирив «ттул душ» бакьа кьаучайва. Ппума шава акья, районналий хьхьичIунсса колхозрал председатель уну тIий, муv чуннив ца совещаниялийн гьан увну ия.

Аьйшат ва Калимат лувчIиннийсса хьун бакьасса дукра дукай кьатлуву шьябивкIун бия. Чирттай личIи-личIийсса суратру лархьун дия. Яла гайнначIан Давуд увххуна. Москвалий аспирантуралуv дуклакисса цала дус Рашидлул гьан дурсса суратру душваvран ккаккан дуллан ивкIуна. Ниттил Калимат чуннив ца аьркинсса кIанайн гьан бувкун, Давуд ва Аьйшат цивппалу ливчIуна. Суратру ккаккан даймунил дурну, Давуд гьан хьуна. ХIатта ганал бигьлагьисса ссихIиралва ганин цирив ца асар биян буллай бия. Яла, кия каних Аьйшат бувгьуну, хIаллих цIачIанма кIункIу бувна. Давудлул чIири бивчусса, дюрчIусса ва аьтрилул кьанкь дусса лажин цакуну Аьйшатлул лажиннарайн ларуна. Га начлил ччувчуну лавгуна. Хьит увкуну, Давудгу тинай увну, га анаварну кьатлува бувккун лавгуна.

Муv иш хьуну махь, ганиву Давудлуя ххуй бакьасса пикри ливчIун бия. Амма цаппара гьантрава ганичIан Давудлул чагьар бувкIуна. Чагьарданий цимийгу кIанай, цува багьишла ити тIий, миннат буллай ия. Цува гания чIявуну пикри буллай ушивугу чивчуну бия. Чагьар бувкIувкун, Аьйшат чансса кIукIу лавгуна, кIира нюжмар ларгун махь, ца чагьар ялагу бувкIувкун, ганачIан жаваб гьан дурна. Мукун байбивхьуна гайннал кувнначIан кувннал чагьарду чичлачаву.

Майсарат, ниттишал буллалисса ихтилатгу кьуртал бувну, цилва ххирасса ссил арсан буцлацисса душних, мюрш диркIун, дуруглай дия. Хьунисса цIансса яру, лахьисса иттархьенну, хьачIунттайн багьсса хьунисса ганзсса хIаллурду, жагьилшиву ва чурххал тазашиву, – вай цимурцаннуй ганил дакI дакьлай дия ва ссил арсенал бан ччисса ташулийгу га хьинну рязину дия. Майжанну, Аьйшат ва ганил цинья мачча-ляхьин личIину ца дусса тухунналул инсантал бакьашиву ганин кIула, амма утти заманнай муних личIину кьабургайшивугу дакIний бия. Ду-дакьашиврул чулуха тIурча нину ва душ личIину дусса инсантал бакья, ва мукун сававгу кьатлул заллу акьашиву хьанай дия. Майсаратлун муv мукун бушиву кIулуна бия. Щар дуцайни, хьуслих маургарача, душних ургу, тIисса учалагу муних дакIний бия. Цумур чулуха пикри барчагу, Давудлул буттал МахIмудлул цувппа шиккун Аьйшат була учин гьан баврин цичIав учин бюхьайсса иш бакья – душ оьрчIан лайкьсса бия.

– На вил жавабрах ялугьлай дура, ттул душ, – увкуна Майсаратлул, ка дуртун, Аьйшатгу ххира-ххуй буллай.

– Ттун кьакIулли, – дахьва баянну жуав дуллауна Аьйшатлул. – Ттун уттигу дуклан ччай бур.

Цилва тIутIимуния цинма нач хьанай, цилла кару чу лаританссарив кьакIулу, гайннух ялугьлай ливчIуна. Лажин ятIул дирчуна, яру цIай-цIай тIий бия.

– Майжаннугу, муних дуклан аьркинссархха. Ттун муv хьамархха бивтсса, – душнин кумаг бан ччай увкуна ниттил.

– Дуклан! Ци хьунниннив дуккайсса? АцІра шинай дурккуннихха, къагъасарив? – ссибивзун увкуна Майсаратлул. – Гъархха лас дурккусса ушиву.

– Къагъассарар, ххирамур. Тти заманнай дуккаву цинявннан аркинссар, – увкуна ниттил. – Вана жува, дукъаклай бивкІун тІий, цІаннува ливчІун буру. Жунма ца зад къакІулли.

– ЦІансса, за къакІулсса инсаннан на нава ккалли къабайссара, Ххадижат. Буккин-чичин ттунма къакІулнугу, хьиншиву ва оышиву ттун хьинну кІулссар. Хьинну дурккусса, амма авлиясса инсанталгу бикІайссар. БувчІурив? – къаччан бивкІсса чІуний цІувххуна Майсаратлул. Ххадижатлул увкумур ганин ччан къабивкІшиву чІалай бия.

– На мукун тІий бакъара, Майсарат...

– Ттух вичІи диша, – куну, га бяличІан бувна Майсаратлул. – Агар вил душнин дуклан ччарча, дуккича. Аллагънал ка бакъиннав. Цува Давудгу мунин къаршину къауккантІиссар. Вин бувчІа, га хьинну акъклу бусса, дурккусса инсанни. Ганал цалла шарссанин ци бантІиссарив жунманияр ххуйну цанма кІулссар.

– Ина тІимур тІайлар, Майсарат, – куна хІаллих Ххадижатлул. – Ганан мий цимурца цанма ххуйну кІулхьунссар.

– Жува, цалийн бувкІсса кунма, хьуссия. Утти тІурча, Ххадижат, ина цирив къакІулсса зару буслан бивкІунна, – увкуна Майсаратлул, яругу мюрш бикІан бувну, ганих буруглай. – ДакІния буккан мабара: на шиккун МахІмудлулла тІайла бувксса.

– Гъай, Аллагъ! – куну, куртІну ссихІ бивгъуна Ххадижатлул. – Ца бакъа бакъасса душния личІи хьун къабигъассарар, Майсарат.

– Туну, ина мув вилва душ гъаржлуву бишиннав? ЧІун дирувкун, душ цилва ххуллийх гъан къабуллалаву хьисгу къатІайлассар. Аллагънал чивчумуния махьунмай хъанахъаврил цимурца зия дайссар, – Майсаратлул, полланих щурущисса гъухъл ухчІингу гъаз бувну, цилва кІану Аьйшатлул чІаравппай гъан бувна.

– КъакІулли, ттул ссу, ци учинссариввагу къакІулли...

– Гъу, Аьйшат, буси инава ци тІий буссарав, – куну, Майсарат ганих дурургуна. – Тайннаннин ина цимийлгу лавгунна, вин тай цукунсса халкъ буссаривгу кІулли.

Аьйшат ци учинссарив къакІулну, цихьва цувппа, циваннив ттун цІана шар хьун, тІий пикридаву бия. «Яла, махъатугу шар хьун чІалкъахьунссархха? Оьрмуния дахьва байбихълай бур. Аминат мукун тІий бакъаяв хІакьину?»

БакІ гъаз дурну бурувгсса чІумал, нину цихра ялугълай ххал хьуна. Ниттил дуруглагаву цукунссарив дурчІин къабюхъайсса пашмансса дия. «На цибавив, ттул душ, иш укун багъну бур», – тІисса хханссия ниттил яруннал. Аьйшатлун цилла ниттий язугъ хьуна, ва мув язугъ шаврил га цинма цувппа кІура баян бувсса кунма, кІулшилийн бувцуна. Цинма къаччайнугу, укун лавайсса хІурмат бусса инсантуврал тавакъюв биттур къабувну, бачІва зана бан ниттин ччай бакъашиву Аьйшатлун бувчІуна. БачІва зана барча, щалла шар ниттий хъанссар тІисса пикри дакІнивун багъуна.

– МахІмуд хьинсса инсанни, – тІий, буслайнна дия Майсарат. – ХІазран акъар ганая колхозрал председатель увсса. Укунсса инсантал дунияллий чІявус-



са къабиклайссар. Ттулва ссил хлакъираву ттурча, зума къабахъанна. Мазрал байлсса бур, иширачла анавар буккайсса бур, амма зарал, зиян бусса бакъар. Цукунсса бухъурчагу душиву ва аваданлугъ дусса клану бур. Ччатгума цахъис ганзмур, клуклумур хъинссар. Ина пашман къахъунтиссара, ттул душ.

Аьйшатлун ссибизлай бия нахлу махъру бусласисса Майсаратлуйн. Ганил лахъсса чу, цилва ссил арсная ттутисса чъявуклул махъру дакнищлун щилай бия. Майсарат цихва буруглай ккавккун, Аьйшат хъиннува ятлул бивчуна ва гужрай увкуна:

– Ттун къаклулли, – мукунгу увкуну, бивзун, къатлува бивккун лавгуна.

– Гьу, Ххадижат, бачу жува хъямала багъаннуча. Ккавкрив, вил душ рязину бур? Уттирив ина махъунмай къабанссар, ттий бура.

Майсарат бивзун, Ххадижатлучлан гъан хъуну, ганин шамийла ппай увкуна.

– Цибанссар, Майсарат, ина ттийкун биклувча, туну. На яла ци учивив? Аллагънал талихл булуннав, дузрайн букканнав. Чивчумуния буккан къашайхха.

– Вил душнил чичру хъиннура хъинсса диркун дур. Укун ххуй клант-тая махъунмай шайссарив? Барчаллагъ, Ххадижат, ттул махъ зия къабаврин. Дачла-кчаланна дуркун ххуйсса душгу лявкъуну най дура. Аллагънал вил оьрму лахъи баннав, вил душ талихл бусса лякъиннав, душнил оьрчлан була ттий, буцлай ккакканнав.

Ктирагу хъамитайпалул, лачакирттал мурцурдах яругу ливхъуну, цал ялагу хъямала багъуна. Яла, Ххадижатлул нуз ттиртлуну, душнин оьвтлун дирклуна, амма га чун лавгссарив бакъая.

– Чул дирувкун, душ бацлан буллай пайда бакъассар. Хъунклултутти ххуйс-сар, дахъра къуплива хъя увкусса чумал. Вай цимурца вин клулу лякъаврий, на хъинну ххариссара. Ина цулу баннав, Ххадижат, вил оьрму лахъи баннав, хъиншиву, ххаришиву дакъа, ялун къадияннав.

Ххадижат, цихъва ттутимунихгу вичли дихълай, шкаф ттивтлуну, гива буш-къапру, къусри ласлай бия.

– Махлмуд, ттун цинявннаяр ххирассар, – куна ганил. – Хъхъичл жуннин увхсса къауккайссия. Ттирив туну ци банссар.

– Клулли, ттул ссу, клулли. Зунния га циван укканссия, вил Абакар ганал яла хъинма дус унува. Мий клиягуния кувначла кув бакъа къабацлайва. Бунагьирт-тал аьпа баннав цал, хъинсса арамувннал цая вил Абакар.

– Цаманан бувкиссания, Майсарат, гъан къахъунтиссия, амма Махлмудхъан ттурча къабулунна чин къахъунссар.

– Хъинну тлайлара ина, Ххадижат, – куну, рязи хъуна Майсарат. – Махл-мудлун хъинну къаччан биклантиссия, агар ина ци-бунугу куну, махъунмай хъуссания. Заннал ина талихлрайн биян баннав.

Цилва иш къуртал хъувкун, Майсарат бачлан сукку хъуна, амма Ххадижат-лул цукунчлав гъан къабитанна ттий, га бацлан бувна.

– Къабучиссар, ттул ссуй, бачла буккан, къабучиссар, талихлрайн къабук-кайссар, – куна, ганил столланий чъя хладур дуллай.

Майсаратлул, нацу бувсса стакан чъялулгу хлавчун, чансса бакъухъ бувку-на, ницлая къуса дирхъуна. Яла, чансса хлаллай щядиркунгу диркун, дачлан сукку хъуна.

– Барчаллагъ вин, Ххадижат. Ина на ххари дунна, – ттий дия га, ккалушру лахлай дунува. – Хлакъину клюрххил Давудгу увкиссар. Цанма бавувкун, гагу

хъинну ххари хъунтИссар. Сарану, базар къини, була учин ва кИсса лаххан бучИанну. Тти вин хъхъурду хъинну, ттул ссуЙ.

Цаппара хИаллава ххарисса Майсарат, чансса аьрчагу тИий, бавкку-шавккусса утта-кЮласса шяраваллил кучардавух анаварну ссийчИан дарчуна. Ганихъ цилва бусантИмуния хъиннува ххари хъанай, ша дири буллаЙ най дия.

Аьйшат тIурча мув чIумал ларзулу бавцIуну бия. Къума ратИнил чулуха неххал чIу хъхъунил паракъатшивруву хъинну ххуйну баллай бия. Чуврив архну радиолува тIааьнсса музыкалул чIу неххал чIунивух хИала хъанай, дахъва вичИилувух бишлай бия. БакIравусса шугълурду цилва-цилва кИанайн багъсса кунма хъуну, уттива тти га бия цийнма хъанакъимуния пикрирду буллаЙ бавцIуну. Цилва оьрмулуву хъуннасса дахханашин хъушиву ганин чИалаЙ дия. Щар шаву! Чурххавун цукуннивсса вас-ццах бувххун, ганил къума буллаЙ бия. Махъсса ппурттуву ялу-ялун ххира хъанай нанисса Давудлул сурат цакуну рахИму бакъасса ва сситтуйсса ласнал суратрайн кIура дарну, хъхъичI дацIлан диркIуна. Циятува гуж чан хъанай, хИал ласлай багъну нанисса кунмасса асар бухлан бивкIуна. «Лажинни, Давуд мукунсса икIантИссарив? Гъич мукун бикIан къабюхъай. Га хъинну ххуйсса ур, адав дусса, хIурмат бусса, хъинну дуркусса ур. Ганашал цувппа бухъурча, талихI бусса бикIанссара. Институтран ци бантИссарив? Шярал хъаннил мукъурттин ци бантИссарив? Дустуврал, яхI бан къавхъуну, шар хъунни учинссар, цувппагу колхозрал председателналарснан. Учителътуврал ци учинссарив? Ци бантИссарив? Циваннив нину рязи хъусса? Къабулунна учин аьркинссия. Ссан аьркинсса шар шавур цIана? Щар шаву зуруйсса ххаришивур, оьрмулухунсса буруккинни, тIун бикIайхха».

Ци банссарив къакIулу, цахханнарал банд лавгун ливчИсса Аьйшат, цийнма щиллив ца инсаннал ка щусса хавар хъуну, ццах увкуна. ЧIарав дарцIуну нину дия. Га цилва душнил пашмансса симанналух дуруглайгу диркIун, паракъат буллан диркIуна.

– Бачу, ттул душ, къатлувунмай. Шикку дюхлу дур. Цимурца ххуйну хъунтИссар. На мудан Аллагнахъ чIа тIунна, вин талихI булуннав, тИий. Ина нанисса инсантал хъинсса инсанталли. Мийннал ппу хъиннува хъинсса уссар. Бачу, ттул душ, бачу.

Аьйшатлул, ниттил хъачIрай бакI дирхъуну, лажин кIучI дуруна.

– ЦитИссарав, ттул душ? Ина ххари хъун аьркинссара. МахIмуд вил буттан цала уссунияргу ххирассия. Муv кIуллив вин? Заннал цалва талихI булуннав.

Яла Ххадижат душнийн хъямала дагълан диркIуна.

– Бачу къатлувун бухху, гъанттайсса дуканнуча.

– ЦIана бучИанна, дадай.

Ххадижат, хъювун дурчIун, цихъра цурда гъалгъа тИий най дия. «ХъхъичI укун къабикIайссия. Уттирив цIуххай, рязишиву кIул бай, яла ташу бай. Ттул заманнай тIурча, душнин цила буцаЙ оьрчI тавхханттувуя ккаккайсса. Гъай, оьрмуЙ, оьрмуЙ».

Аьйшат цакуну бяхълан бивкIуна. «Ва ци оьккисса дяркъурвав? Юхсса ва ттуннив укунсса?» Ганил яру хъинну тIивтIуну буруглан бивкIуна. Ганил яруннил туранну ялу-ялун хъуни хъанай дарчуна, ахирданий кIива хъунисса кIунтI хъуну, чIаврдайх ккуру лавгуна. «Ттигу гъарал лачIлан диркIрив?» – куну, ганил бакI гъаз дуруна. Ссав пар-пар тИсса цIуртгал дурцIуну дия.

## РЯХХИЛЧИНМУР БАКИ

Аьйшатлун оьрму хьинну ххирая. Утти тIурча, цувппа Давудлун хьуну махь, оьрму ганин хьиннува ххира хьуна, ваца ялуввасса алжан кунма, чIалан бивкIуна. Ганил цищава шайкун Давудлух ччаву дурна, цилва циняв асарду ласнахсса ччаврил чулинмай кIура баян бувна. Лас ганил оьрмулун мяьна хьуна, яла аьзизма ва ххирама хьуна.

Давудгу хьумуния рязину ия: цалчин, цанна ххуйсса шарсса дуцаврия, кIилчингу, бутгал цахьва увкумур биттур баврия. Утти, шар дурцуну барз лавгун махь, ганан исватну чIалан бивкIуна бутгал тIутИмур тIайласса бивкIшиву. Аьйшат хьинну ххуйсса ва нахIусса лякьаврия га хьиннува ххари хьуна, мув бакьассагу циняв гания ва ганил ххуйшиврия ва хьиншиврия цIарду дуллай бия.

Шагьрулийн ачин цаппара гьантри ливчIсса чIумал, Давуд дакIний-мазрай бакьа буна, Галяшал кIул хьуна. Мув кIул шавугу школалучIа хьуна. Галя, историялул учитель Саидовлул чIарав бавцIуну, ганащал гьалгьа тIий бия. Ганал вай кIиягу дус бувна.

Галя хьинну ххуйсса бия. Ганил ххуйшиву хьунисса яруннаву, ххуйсса чурххаву, мрамар чария цIурцIуну дурсса куннасса сипатраву душиврий дакьасса, мюршсса исвагьисса сукку тIутIавриву, пиш учавриву, анаварну ва кьутIинну инсаннах бургавривугу дия. Галял яру, луртгучIин Давудлухгу бурувгун, ганал яру цийнма тIайла бацIайхту, анаварну историялул учительнал чулухунмай кIура бавуна. Яла, чансса хIаллайгу бавцIуну, ссаннив дахьа пишгу увкуну, барчаллагь куну, лавгуна.

Давудлул бакIраву Галял сурат лирчIуна. Ганан Галя хьхьичIгу ккавккун бия, амма циваннив ганил ххуйшиврул ттининнин ганайн муксса асар бувну бакьая. Утти тIурча ганил ххуйшиву ванал дакIнива дуклай дакьая.

Мунияр махь, кулпатрал ва лас-шар шаврил хIакьираву пикри буллалиний, Давудлун Галя дакIнин багьайва ва га пикрилуву цалла шарссанищал цацIу бивхьуну, гай кIинниллагу лацин дуллан икIайва. Ва мув дакIнийсса гьарца чIумалгу Галя цалла шарссанияр ялттусса бушиву мунал пикрилул гацIана кьукьайва. Гьай-гьай, Аьйшат оьккисса бакьая, асар хьунсса, ччаву дусса, иминсса бия. Ганил начсса хьяхьаву, тIааьнсса, кIукIлусса чIу, хьунисса ххуйсса яру ва симанналувун ххуйшиву рутлатисса кIюла-лахьисса иттацIантту Давудлун хьинну ххирая. Вана укунсса шарсса ччай дия ганан ва укун цала тIийкунсса шарсса мунал лягу-ляркьунни.

Лаглай дия чIун ва чIун лаглагиссаксса ганал бакIравусса Галял суратгу гьав лаглай, хIалли-хIаллих хьамаритлан диркIуна, гания буллай ивкIсса пикриду ппив хьанан бивкIуна. ЦIунилва цIунил ганан ххуй дизлан ва ххира хьанан диркIуна цалла хьинсса шарсса, гужлан хьуна мунил чулухуннайсса ганал ччаву. Га ялув авцIуну шарссаний ххуйсса янна лаххан дуллан ивкIуна, пудра, помада ларсуна, чIюлу дуллай авчуна. Гьинтнил хьхьурдай шарссанищал гайз буллалиний, га ганихь шагьрулувусса хьаннил лахху-ликкулуя, чIюлушиннарая ихтилат буллан икIайва. Ганал бусласимуния тамансса цийнма кIулну бухьурчагу, Аьйшатлул ганах хьинну вичIи дишайва.

Ахиргу дуркѳуна Давуд ачай кѳини. Ххуллийн увккун наниний, Давудлул чѳувин бувну Аѳйшат, ганин чѳявусса ппайрду увкуна. Яхѳ бан кѳавхѳуну, Аѳйшат ганал хѳачѳрайгу бакѳ дирхѳуну, аѳѳун бивѳуна. Ласнаяр цувппа личѳину бикѳантѳишиврия, ганил дакѳ кѳума лаглай дия. Давуд тамансса хѳаллай ганил бакѳрайхгу ках тѳий, га паракѳат буллай ивѳуна.

– Аѳматѳра, Аѳйшат. На ца зурува учѳантѳиссара. Квартира булайхту, ина буцин учѳантѳиссара, тгул ххирамур. Ина буххантѳиссара институтравун, шагѳрулуву ялапар хѳанантѳиссара. Гикку хѳинну ххуйссар! Баѳѳу, ккакканссар винма.

Аѳйшат ласнах вичѳилий бия. Ганин дакѳнин багѳуна цувппа институтравун бувххун, хѳаралу луттирдащал шаппай зана хѳанай, кѳинттул лахѳисса хѳхѳурдай Давудлушал архѳал шаппа дарсру хѳадур дуллалисса чѳунну.

– Ца зурува институтравун кѳачѳалссарив? – куну, цѳувххуна Аѳйшатлул, ласнал хѳазамраву лажингу кѳучѳ дуллай.

– Цирив чѳалесса! – хѳянгу ивѳун, жаваб дуллауна Давудлул. – Институтрал директор ттун хѳинну кѳулсса инсанни, циняв преподавательталгу кѳулли. Нигѳа мабусара, на ина институтравун бакѳинна. Ина махѳмийннал хѳирив бигѳану лаянтѳиссара. На вин кумаг банна.

Давудгу шагѳрулийн тѳайла увккун, Аѳйшат бизар хѳанан бивѳуна. Дай-дирхѳуна утти хѳуни кѳатравусса баѳѳан чѳун дакѳасса хозяйкал давурттив. Бигѳалагавугу хѳамариртун, га шюшлай, лакълай, марѳѳишиву дуллай булувкѳуна. Давуд цилва хѳирив увѳувкун, кѳатрал вив хѳусса вай дахханашивурттая махѳатгал хѳунссар тѳисса пикрилул га ххари буллай бия. Ганин кѳула Давудлун за лази-ларкѳуну ччишиву ва марѳѳишиву ххирашиву. Мунихлуну, лас рязи аншиврул, га хѳиннува цѳакѳну булувкѳуну зий бия. Давудлул ссу Калиматлушал ганил кѳяла бувна циняв кѳатри, эки дирчуна аѳркин дакѳасса апур-чапур, кѳатѳ бувна бартбисуртту ва гѳарца утѳубивхѳутари пикри буллай, хѳадур дайва гѳунтѳийгу дансса даву. Дуллалисса даврил га аѳчух буккан байва, ва мув бакѳасса, давривух чѳунгу кѳул кѳархѳуну лаглай дия.

Калимат ганияр кѳира шинал чѳивисса, сипатрава чѳюлу бакѳасса, луххал рангсса яругу бусса душ бия. Амма хасиятмур тѳурча ганил дугѳрисса, тѳайласса дия. Аѳйшат гайннаннин бучѳайхту, гай кѳивагу хѳинсса дустал хѳуна ва гайннал кувннил кувнних бургаву ласнал ссил ва уссил щарнил кунмасса дакѳаяча, хѳа цачѳусса ссурваврал куннасса дия. Мукун бушаврия Аѳйшат ххарину бикѳайва ва оѳсса ласнал ниттил хасият дуруччингу мунил кумаг буллай бия. Ласнал ниттил тѳурча, гѳантта бувккун, ссибизлазаву гѳарза хѳанай, цѳуру-кѳуру тѳутѳаву ххишала хѳанай дия. Мув бакѳасса, ласнал нину дакѳнил азаруннил кѳашавай дия ва мунихлуну ганих ляличѳину буруглан багѳлай бия, ганин сси кѳабизанмур буллай бия. Ца-ца чѳумал ласнал нину лапра авлия шайва. Мукунсса чѳумал Аѳйшат ганиха хѳиннува ххишала хѳурмат буллан бикѳайва.

Ласнал ппу тѳурча Аѳйшатлун нажагѳ акѳа ххал кѳашайва. Га хѳхѳугу-кѳинигу авлахѳрай ягу собраниярттай личѳайва. Амма Махѳмуд шава усса чѳумал Аѳйшат неѳматрай бикѳайва. Махѳмуд ивѳусса цила буттаха лавхѳхѳусса ия ва, ппу куна, ганищал хѳяй, хѳярч-махсара буллай икѳайва.

Аѳйшатлун цалчинсса тѳааьндакѳашиву, Давудлул чагѳар бувѳувкун хѳуна. Цалва чагѳарданий га ттигу цанма кѳатта кѳабуллушиву буслай ия ва щарсса-

нихъгу дуккаврин анавар машара тий тавакъюв буллай ия. Чагъарду бивккуну, Аьйшат аьтун бивклуна, ганин хьинну ччай бия дуклан. Къатта циваннив? Къатта бакъанмагуния, хьунссия ганища дуклан? Цува ялапар хъанакъисса кланай ттушагу яхьун хьунссия. Бюханссия цалсса общежитиялувугума ялапар хьун. Амма ганил мув цилла дард ца Калиматлукъ бакъасса, щихьчав къабувсуна.

– За бакъассар, Аьйшат, пикри мабара, – увкуна ласнал ссил. – Ялунчин ина чара бакъа институтравун буххантиссара. Цалсса вилла дарсру тикрал дуллалу, экзаменну ххуйну дулуншиврул.

– Хьинни, Калимат, – куну, Аьйшат ганищал рязи хьуна. Яла ганил пйакъ бивксса, луххал рангсса яруннахгу бурувгун увкуна: – Жува кливагу чачлу дарсру дулланну. Мукун ххуйну биклантиссар. Къахьиннив?

– Гъай-гъай, хьинни. Вана Галя энергетическийлувун буххан Москавлиингу лавгун, буххангу къавхьуну, зана хьуну бур.

– Лажинни? – махаттал хьуна Аьйшат. – Гания отличница. Утти га ци дуллан биклайав?

– Шагърулуву чун-бунугу бухханссар. Ттун бавунни ганил ппу ттигу шагърулийн зун уцлай ур, тий.

Ца-ца нажагъ бакъасса Аьйшат къатлува къатлувагу къабуккайва. Буккарчагу, так ца ниттичан бивну, анаварну махъунмай зана шайва. Ласнал ниттин га чунчав лавгун ччан къабиклайва. Инжитсса Нуржагъаннун сси къабизаншиврул, ганил увкумуния мабукларда, рязину бити тий Ххадиджатгу, цилва душний дюъ дихьлан диклайва. Къатлув хьумур, шярал хаварду Аьйшатлукъ ласнал ссил бусайва. Вайннаннин Аминатгу чявуну бучлайва. Га бивксса чумал шанмагу лувчиннийсса къатлувунгу бивххун щябиклайва. Я балайрду буклан биклайва, я патефон бишлан биклайва, ягу, укунма ихтилат буллай щябивкун биклайва.

Яла Аминат лавгуна дуклан. Дайдирхьуна школалий дарсру ва ласнал ссу школалий махьнин личлан бивклуна. Аьйшат цилла дардирдащал цувпалу ливчуна.

Зунттал хъачрайсса шяраву ссутнил къанкъ ришлан дирклуна. Щюллисса бартбису бавкуну бивксса зунтурду чан-чанну тий хъахь лаглай бавчуна ва гайннул мицру чявуну ттурулавун бахьлаглан бивклуна. Ссав цан лаглай, дашлай дарчуна, къадагъаву къаклулсса мюрш гъарал лачлан дирклуна. Ххуллурду къаркъаравун бахьлавгуна, къума ратлукъ нанисса неххал чу гужлан хьуна. Багъирдавусса мурхьру, щинал клу бивну, сукку къатлий ливчуна, парх тутлив, цалва къяпригу къус бивтун, щяв дуруглан дирклуна.

Пахъ дагъсса гъавалуву ххялцул чухъагу лехлай, мурхьирдая багъсса хъахьсса чанливгу ччанналу шурщур тисса ссуттил чун Аьйшатлун хьинну ххирая. Ххирая муни дарусса ссутнил гъантрай цилла ларзула хьунисса зунтурдах буруглан. Бургъил чанна дурсса зунттал мицру ххал хъанай, цувпагу кий бишайссания тисса пикрирду мунил бакравун бухлан биклайва. Памалуха лархьхьусса клуклулсса ва кяласса ттурулавун зунтурду бахьлавгсса, бавщусса гъантрай, лагмара дирзсса мачру кунна мюршсса бярадахьун аьрщи ларгсса ва хьуру ттирхуну къуртал хьусса чумал, ганин ххирая, члавахьултичагу щябивкун, Давудлуягу пикри буллай, лагьну балай тун.

Ца хъхъуну МахІмуд шавай махъ увкІуна. Нуржагъан тІурча лахъхъуяцІа къашавай цилва къатлуву утту дирхъуну дия. Калимат ттигу школалия бучІан бувая. Ласнал буттан гъанттайсса дихълай бунува, Аьйшатлул ганахъ цувппагу ниттишал архІал колхозраву зун ччива кусса ца гъим дурна.

МахІмуд, канакисса дукрагу къадиртун, бакІ гъаз дурну, махІатталну ганих урувгуна.

– Ина мьйжаннугурав тІисса?

– Ди, мяммай, мьйжаннугура. Цивхъури?

Жавабрах ялугълай, цала хъхъичІ бавцІусса жалиннлук тамансса хІаллай МахІмуд уруглай ливчІуна.

– Хъинни, душ. Пикри вил ххуйсса бур. ЗахІмат – цимурцаннул бакІри учайссия жулва буттахъал. Амма ина Давудлушал телефонналувух гъалгъа, маслихІат ккакки. Ягу чагъар чича. Агар ганан къатта булун чІалхъанахъисса иш бухъурча, на ина даврин бакъинна.

– Ттуша шардамур давугу дан бюхъанссар, – куну, ххари хъуна Аьйшат.

– КІулли, душ, кІулли, – куну, жаваб дуллауна ласнал буттал. – Жулва кулпат хъунмасса бакъар, кІия хъунив хъумийннан кІия жагъил бур. Ттул пикрилийгу бюхъанссар зуша, жулва кулпат щаллу бан.

Гъанттайнсагу дуркуну, пІапІирусгу тІий, МахІмуд къатлувух тиху-шихунай занан ивкІуна. Аьйшат, столланийсса бузагу букълай, ганах буруглай бия. Чурххал бюхттулсса акъахъурчагу, МахІмуд хъинну гъайват дусса ия. Ганал оърмулул ххюцІалла шин хъуну дия, амма цува тІурча, къучагъ куна, дирисса ия. Утгасса хъачІру, хъунмасса бакІ, кІяла лаглагисса чІарардал вив лавсъсса лахъсса ненттабакІ, хъхъичІун ливчусса лунттубакІ, – вай цимурцаннул буслай бия га хъинну гуж бусса ушиву.

Шанма гъантлува Давудлул телефонналувух оьвкуна. Цалла щарсса колхозраву зун ччай бушиву кІулхъувкун, га хъинну махІаттал хъуна.

– Колхозраву? – куну, кІилчингу цІувххуна ганал. – Ина ци тІиссарар, Аьйшат, авлия хъуну бурав? Лажиннича, ппугу рязину урив?

Ганал чІу муксса хъинну баллай бияхха, хІатта Аьйшатлун га телефон дусса къатлул тия чулийсса къатлува гъалгъа тІисса хханессия.

– Чалкъавхъуну ттун къатта булунтІиссар. Булайхту, вин баян банна, инагу гацІана шиккун бучІантІиссара.

ХІаллих трубкагу бивхъуну, Аьйшат бувккуна. Ласнал нину, хІакинначІату дучІаннин, хъюгу дархъуну, ахттайнсагу хІадур дан багълай бия. Ганил яруннил хъхъичІ Давуд авцІуна ия.

Октябрьданул дайдихъулий телеграмма дуркІуна: «Къатта буллунни. Гъунттий най ура. ХІадур хъу. Давуд». КІилчинмур къини га цува увкІуна, ва гай шагърулийн бивзуна.

## АРИЛЧИНМУР БАКИ

Шагърулул Аьйшатлун хъунмасса асар биян бувна. КІилчинсса зувилейсса цилла ларзула га чІявуну шагърулух, кучардайх заназі ххуллулссаннах буруглай бикІайва, къатІув бувккувкун, га хІайранну ялугълай бацІайва заводирттал хъуни бургъурдах, театрданул афишардах. Хъинну ччан бикІайва ганин, Давудлушал архІал багъравун буккан, хъхъиричІан гъан, чІявусса халкъ заназисса кучардайх занан, хъуни ттучаннавун буххан. ЧІарах нанисса поездрал ххурх-

хулул, горизонтрай бахълаглагисса пароходрал пуркѳурал, ссутнил някѳсса ссавних лехлахисса самолетрал, цилва буттал шяравусса бюхттулсса зунттал кунма, га хѳайран хъун байва. Цинма шикку ккаклакимуния га муксса махѳатталну бия, мукъурттийну бувѳин бан къашайсса куццуй, ваца оърмулул гъарца ххуйшиву цила хъхьичѳ тѳиртѳусса хханссия.

Давуд лирѳѳсса махъра-махъсса экзамен дулун хѳадур хъанай ия ва мунищала архѳал цалла диссертациялийн аъркинсса материаллугу датѳлай ия. Къинибархан га библиотекарттаву икѳайва, хъхъувай шавайн увкѳувкун буклан, чичлан икѳайва, ягу шарссанищал кинорайн лагайва. Нажагъ гай Сулейманхъачѳангу лагайва. Га ия Давудлул буттауссу. Сулейман зий ия трестрал хъунама бухгалтерну, ганал кулпат Валентина Михайловна, някѳсса яругу бусса оърус шарсса хѳакин дия. Оърѳѳру тѳурча гайннал бакъая. Ца акъа акъасса арс кѳира шинал хъхьичѳ ивкѳуну ия.

Аѳйшатлун хасиятрангу бавкъусса Валентина Михайловна ххира хъуна. Ганил, интту ссав кунма някѳсса яру, Аѳйшат ккакккувкун, ххаришиврул пар тѳун бикѳайва. Сулейман, цала хъунама уссу Махѳмуд куна, увѳѳу-къувѳѳусса акъаяча, илтѳа-кѳюласса, чурххал лахъсса, исвагъисса ия. Амма, цала уссу куна хъинсса, хѳал бавкъусса ия. Га Давудлѳа чѳявуну цѳарду дуллан икѳайва, ганал дуккаввивусса гъунардания пахрулий икѳайва. Аѳйшатрив ганан ляличѳинува ххирая.

– Ина шикку ххуй хъунна, – увкуна ганал ца къини Аѳйшатлухъ. – Вин шиккусса гъава бакълай бикѳантѳиссар.

Мяйжаннугу, шагърулуву Аѳйшат баххана хъуна, ххуй хъуна. Ганил чѳявуну шаппайн ниттичѳан чагъар чичайва ва гъарца чагъарданий шагърулийсса цилва оърмулия, цѳуну хъусса дустуврая, цийнма ккаккмуния бишайва. Ца чагъарданий ганил ниттичѳан чивчуна: «Вин утти на къабувѳинссара. На шикку буч хъунна ва, Аминат кунма, хъяй бакъа къабикѳара. Хъяй хъинни, пикрирду буллаинияр».

Цалла шарсса даххана хъаняхъаву Давудлун чѳалай бия. Га муний рязину ия, ялу-ялун цалла шарсса ххуй дизлай ия. Амма ца-ца нажагъ дустуврачѳан лавгсса чѳумал ягу гай цалла хъаннищал кучалий хъунабавкъувкун, Давуд цалла шарссания пикри буллан икѳайва, дустуврал хъаннищал га архѳал дацѳан дуллан ачайва. Мукун архѳал дацѳан дуллалаввивугу цалла шарсса гайннуяр лувсса дур тѳисса пикрилийнгу га чѳявуну учѳайва. «Янна лаххай ганил цукуннив, гъухъри ганий бавкъуну къабикѳай, нач хъанай, гъалгъа тѳутѳаву чанну дуллан бикѳай, цаймий хъаннища кунма, ганища цилва асарду ялун буккан бувну, чѳалачѳи бан къашай», – тѳисса пикрирду ганал бакѳравун буххайва. Мукунсса чѳумал цалла шарсса цанна лайкъ дакъа чѳалан дикѳайва. Мяйжаннугу, аспирантура къуртал баннин, ссан аъркинсса хъатѳияв? Лагмава вайксса ххуйсса душру бур, циксса мий хъунабакъинссарив тѳигу? Мув бакъасса, цѳана ганан агъаммур кулпат хъанай бакъарча, дуккаву хъанай дур.

Ца къини Давуд, Аѳйшатгу бувцуну, театрדанийн лавгун ия. Тикку мийннан хъунабавкъуна Галя ва ганил гъанчув Къасум. Давудлул дакѳнивун, цанма хъамабивтссар тѳий ивкѳѳа асар цѳунил бувххуна. Цѳий диркѳун, яла хъин хъусса щаву цѳунилва-цѳунил цѳун дайдирхъуна.

Ца Аѳйшатлун личѳаннин, пѳеса яла щинчѳав ххуй къабивзуна.

– Бизарсса бур, – куна, ссихІгу бивгъуну Галял, антрактрай фойелих сайр буллай заназисса чІумал.

– Ина ци тІиссарав, Галяй! Хъинну ххуйсса бур, – куну, Аьйшат ганишчал рязи къавхъуна.

– Ва пьеса Москавлий Вахтанговлул цІанийсса театрданув бихълай ттун ккавкссия. Тикку хъина вин ккаккан. Вагу цирича?

– Цирив кьакІулсса зад бур, – куну, Давуд Галяшчал рязи хъуна. – Гьаксса оьккину бихълай бур, декорациярду ва яннарду хъис ххуйсса дакар.

– КьакІулли, амма ттуннив хъинну ххуй бизлай бур, – увкуна Аьйшатлул.

Галя, ганихгу бурувгун, хъян бивкІуна. Аьйшатлун ганил хъяхъаву цал бакІрай кьадурчІуна, яларив га цийва хъяй бушиву кІул хъувкун, яТул бивчуна ва яру шъв бурган бувна.

– Оьккину бакъар, бурган бучІир, – куна Кьасумлул, Аьйшатлун кумаг бан ччисса куна. – Гъай-гъай, Москавлийсса артистувращал вай архІал бацІан бан кьабучІир, амма мукун бухъурчагу, оьккину хъанай бакъар.

Давуд зума кьаавхъуна, так цалла шарссаних сситтуйну урувгуна. Га гукун ургайхту, Аьйшатлун хъиннува нач хъуна.

Яламур антрактрай, мува куццуй фойелих сайр буллай заназиний, кино-рал артистуврал хІакъираву гьалгъа багъуна. Галян гай циняв дакІних кІулу бия ва цумур картиналий цума уссаривгу ганин кІула. Яла байбивхъуна опера ва балетрая бьаст буллан. Яла Галя цилва ттигъанну бувккусса, цумурдив ца ххуйсса луттирал мяъна буслан бивкІуна.

Давуд мютІийну уруглай, Галях хъунмасса гьирарашал вичІи дирхъуну ия. Вана Галя! Укунсса бикІан аьркини душ. Ччарча бакІрал ххуйсса, ччарча цимурца кІулсса, гьарзарая хавар бусса! Ганил хъинну ххуйсса лажин, иштахІну чурххайн багъсса гъухъа, тІааьнну бакІ тиху-шихуннай дуллалаву, каруннил сукку тІутІаву, – вай цимурцаннул Давуд хІайран уллай ия. Шяраву ккавксса чІумалниярду цІана ганан хъиннува га ххуй бизлай бия.

Аьйшат Давудлул чІарах най бия, га щинчІав хІисав хъанай бакъая, ганих щилчІав кьулагъас дуллай бакъая. Шиккун наниний, ганиву диркІсса ххариву утти пашманшивруйн кІура даллан диркІуна. Давуд, цихвагу кьауруглай, Галяшчал гьалгъа тІий ушиврул, га кьума лаган буллай бия.

Театрданува шаппай наниний, Давуд цаятува цува уккан ансса куццуйсса ца ишгу хъуна. ЧІун чІалсса дия, кучарду бачІва бия. Кучалул тия-шия лахълахъиний, гайннан мурцІния ливчуну анаварну нанисса машина ххал хъуна. Циняв бавцІуна. Кьасумлушчал гьалгъа тІутІисса Давудлун хІисав къавхъуна кучалул тийн лахъан нанисса Аьйшат, гъанавиххи шаврил ссахуннив бахчуну, багъсса. Машина, тормоз дулуну, кучалих тІитІи бавкъусса Аьйшатлул чІарав бавцІуна. Давуд, ганал хъирив Кьасум ва Галя цичІанма бияннин, Аьйшат бивзун, циятува лах кьатІ буллан бивкІуна.

– Цивхъурив, Аьйшат? ЦунцІиярагу кьархъурив? – куну, нигъа увсун, цІувххуна Давудлул, лах кьатІ бан ганин кумаггу буллай.

– ЦичІавгу къавхъунни, – куну, хІаллих Аьйшатлул жаваб дуллуна.

Аьйшатлун ца зад къавхъушиву кІул хъукун, Галя хъян бивкІуна.

– Мукун бучІиссарив, Аьйшат? Ина машиналухъхъун бириявай ливчІунна, – увкуна Галял, хъягу хъяй.

– Мукун кьабучІиссар, Аьйшат, – куну, Кьасумлулгу хъяхъаву мурчавура лариртуна.



Хархавар бакъа инсаннаца хъусса къелуй хъяхъисса Къасумлуйн, хІатта Галяйн Давуд сситтулну ия. Амма гайннар ххишалану муна ссибизлай бия цалла шарссанийн.

– Ина цукунни ца аъжаивсса бура, Аъшат, – увкуна ганал, шаппайн зана хъувкун.

– Цивхъуррив, Давуд? – куну, Аъшат махІаттал хъуна.

– КъабувчІлай бури? – ссибизуна Давудлун. – Машиналул лувн бухлай, халкъ вийва хъяхъи буллай бура. Утти бувчІури?

Аъшатлул, цицара гъанавиххи хъуну, ххуй бакъасса иш хъунни учин ччан бивкІуна, амма мурччив зурзу тІун диркІун, учин къавхъуна. Яла га кІура бавуна.

Давудлун, ганин къаччан бивкІшиву бувчІуну, чансса кІукІлу хъуна.

– Вин къаччан мабикІара, ххирамур, – куна ганал, шарсса цачІанна гъан дурну, нахІуну итгав уруглай: – На вихъ так мугъаятну билукІу куну учинъя ччисса. Цамур цикІуй на вихъ тІий акъара.

– Хъинни, Давуд, уттинияр тихунмай на мугъаятну бикІанна, – куну, гужрай жаваб дуллуна Аъшатлул.

Ва гъалгъа хъуния махъ, Давудлун бувчІуна цалла дакІниву аъжаивсса ца цукунсарив дахханашиву хъанай дайдирхъушиву. Утти ганан исватну кІулну бия: Аъшат ххуйсса инсан ва хъинсса къатлул хозайка бушиву, амма... Ганин цува ххирар ва цанма гагу ххирар, амма иш муниву бакъар. Гайннал кІинналлагу кувннал кувннах буруглагавриву цирив ца зад чанну дур. Бюхъай гай кувннан кув бувчІлай къабикІан.

– Мукунту бакъар! – куна цахъва цалва Давудлул институтрал библиотекалуву щяивкІсса кІанай, луттирал чІапІигу рутлай. Гайннал кІинналлагу цашиву дакъарив? Гъай-гъай, дур. Оърмулх буруглагавугу, чялиш буклакавугу, цимурцагу цасса дур. Туну, цирив мийннал дахханасса? КІулшиву душивруву, дуккавриву, за кІулшиврий цаннаяр ца хъхъичІунну ушивури? Мув гъарцаннаца бюхъайссар, хъирив лаян дан. Так га институтравун буххан бан аъркинни. Дуклакуча, цийнмгу дуклан ччай бур.

Шавай увкІувкун, ганал шарссанихъ увкуна:

– ЯлунчІин ина чара бакъа институтраву дуклантІиссара. Хъинни, Аъшат?

– Гъаксса хъинни! – куну, Аъшат хъинну ххари хъуна.

– Гъунттий жулва библиотекалува учебникру лавсун учІанна. ЩябивкІун лахълахъу.

– Хъинни, лахъланна!

Гания махъ Давудлул, анавар къаувккун, цІунил пикри буллан ивкІуна. Амма, цимийл пикри барчагу, цалва бувсса хІукму хъинну тІайлашиврий мукІру хъанай ия. Аъшатлуя за кІулсса, культуралул чулуха лавайсса инсан баву хъинну тІайласса иш хъанай бия. Мукун бан ганал буржри. Мукун баврийну цалла шарсса ххари шаву дакъасса, обществалулгу ганахъ барчаллагъ учинтІиссар. Мукунсса пикрилийн увкІувкун, хъхъичІва цалла шарссания буллай ивкІсса пикрирдал га вивату къуцІу уллан ивкІуна, циванавав на ганияту мукунсса пикрирду буллай ивкІсса тІий, нач хъанан диркІуна. «Утти на ганин цимурца банна», – тІисса пикрилул га игъалаган уллан ивкІуна.

Айшат, учебникирдахун ва ласнал цува студент заманнай чивчусса конспектирдахун багъну, лахълай бавчуна. Хъхъувай Давудлулгу ганин кумаг буллан иклайва. Айшат исторический факультетравун буххан маслихат хъуна. Айшатлун оърму байбивхъуна. Ганил даки тирх увкуна, га шад хъуна, ххари хъуна, пиш тун бивкуна.

Амма хар-хавар бакъа ялун бала бивуна – кандидатский экзамен Давудлуца дулун къархъуна. Мув ялун бивсса, хъинну ххуй бакъасса иш бия. Айшат цува Давудлуяр ххишала буруккинттаравун багъуна. Ганин мув цувпа учётрай бавцусса лас зуисса институтрал комсомол организациялул собраниелий бавну бия. Собрание дайдишиннин, жагьилтал Давудлуя гьалгъа тий бия. Цаппара бия Давудлун захиатсса суаллу бакрайн багъну бия тий, цаппара турча га цува экзаменналин ххуйну хадур хъуну акъая, тий бия.

Цанма хъумур шарссанин бавшиву кулхъувкун, Давудлун хъинну ссивзуна.

– Циван лавграв ина тиккун? – куну, сситтулну цувххуна ганал.

– Собраниелийн. Ттул хъирив инсан гъан увну ия. Ци бан аьркинссияв на? – Айшат ганах, нигъа бувсун, бурувгуна.

– На вихъ тавакьюв буллай ура, Айшат, ххишала тиккун манарда, – увкуна Давудлул сситтулну. – Агар ва базилух ттуца экзамен дулун къархъухъурча, тти базилух на дулунна. Ххал хъунссар винма. Иш муниву бакъар. На чай акъара, ина тиккун занай. Ина чуклуи зий бакъара, ва мунийн бувну, вища бюхъайссар собраниелийн къалавгун биклангу. Цилла чумал взносругу дула, инавагу институтравун хадур хъанай бура куну, щябиклу шаппа. Вияту мувгу гъассар.

– Хъинни, Давуд, – куну, Айшат ласнах нигъачий бурувгуна. – Ттун муния цуклуи къабиклантиссарив?

– Къабиклантиссар. На учинна ина къашавай буссар куну, ва гайннал гъарца дулалимуния вища ва дякхий занан къашайссар, куну. Мув бакъасса, на тлайланма учинна: вин кул хъун ччарча, мий вил шарда лахълахъисса дарсру гайннал собраниелуяр хъинссар.

Бувххуна Аминат. Ганил дучсса чаврду, дякбил ятул дичин дурну, ххуйну чалай дия.

– Давуд, вин цивхъурив? – куну, цувххуна ганил. – Ина, лухи-цан лавгун ураха.

– Цичавгу къавхъунни, – куну, гьалгъа тун къаччай, жаваб дуллуна Давудлул. Яла папиросу кийан дурну, тамур къатлувунай лавгуна.

Грековлул «Киевская Русь» тисса лугу канил бувгуну, столланух щяивкун, цащара дулун къархъусса экзаменналия пикри буллан ивкуна. Цукуннив цащара дулун къархъусса? Шанмагу суал кул бакъасса багъунни. Гъарца чумалгу оърмулува ганан гукунсса иш шай – хар-хавар бакъана кул бакъа бала ялун бий! «Нава талих бакъу ура,» – куну, лугу тивтуну, буклан ивкуна. Нузал тихсса Аминатлул хъяхъаврил чунил га цаятува цува уккан уллай ия. Яла ивзун, папиросу лещан дурну, сситтуйну лу столланийн бувтун гъан бувна. Яла анаварсса шаттирдай къатлувух занан ивкуна. Га, Аминат гъаннин, гукун занай ливкуна.

– Гъарца кьини циваннив га шиккун заназисса? – куну, ганал шарссанихъ цувххуна. Амма цалва суалланул шарссанин къаччан биклан бувшиву хисав

хъуну, кIукIлуну ххи бувна: – Лахъну хъянвагу къабикIайссания. Зун къабюхъ-ай, га шиккун бувкIувкун.

Айшат, ци учинссарив къакIулну, гъав лавгсса яруннашал, ласнах буруглай, ливчIуна. Ганан цийнма къаччан бивкIшиву кIул къабан, къатлува бувккун, кухнялин лавгун, тикку аьтIун бивкIуна.

Давуд ганил хъирив къалавгуна. Ганал, столлания цалва эки бувтсса лугу лавсун, буклан ивкIуна. Амма гава цIана ганан бувчIуна цикIуй къабухлай бушиву. Яла, кухнялин лавгун, щарсса паракъат дуллан ивкIуна.

– Ина на багъишла ува, Айшат. ХIакъину на аьркин бакъа ссибизлай ура. Винния чIалай ура.

Яла, къус ивкIун, щарссанин хъямала агъуна.

Ласнал ххираххуй буллалаврил, цувппа рахIат буккан буллай бухъурчагу, Айшат чIявуну цилва ва ганал дянив хъанахъимуния пикрирду буллан бикIайва. Кувннан кув бувчIуну, кувннал хасият кувннал ласуннин, тамансса чIун аьркиншиву ганин кIула. Гъарзат ххуймуни буккантIиссар тIий, ганил цилла дакI цилла дуллан бикIайва.

ЦIусса шин дуркIун махъ, Айшатлул хъиннува кIул хъанан бивкIуна Давуд аххана хъанай, цихва ца аьжаивну уруглай авчушиву. ХъхъичI диркIсса нахIу-нацIушивурив тти дакъасса, юхсса ганал циятува цичIав къюлтIиссарив бусса къакIулну, Айшат чIявуну ци банссарив ягу ци учинссарив къакIулну личIлай бия...



ЖАГЪИЛССА ВА ГЪУНАР БУССА ПОЛИТИК



Авгъуст зурул 2-ний оърмулул 50 шин бартларгуннин Дагъустаннал Халкъуннал Мажлисрал председателънал хъиривчу, республикалул политикийсса ва жяматийсса ишккакку, жагъилсса ва гъунар ххисса политик, миллатрал хІакъсса патриот, МахІаммадул арс Камил Давдиевлун. Юбилейрацун бавхІуну, инсаннал бувтсса оърмулул хІасиллу дуллан бивкІун, цума-цанналгу оърмулул хъунмур мяънагу, мурадгу муниннин дан бювхъусса мюнпатса давурттайну исват шайхъунссар.

ПаччахІлугърал жаваблувсса къуллугърай зий Камил Давдиев лайкъ хъуну ур республикалул хъуниймийннал ва агъалинал чулухасса вихшалларан, къадрулий ва къиматрай ур жяматрал дянивгу. Мукунсса даражалийнгу ва ивну ур цалва хІарачатрайну, бюхъу-бажарданийну.

Юбилейрал гъантрай жу ххарину хъунабавкъуру «Илчи» кказитралгу дакІ тІайласса дус ва бусравсса хъамаличув Камил Давдиевлущал.

– Камил МахІаммадович, ина ура илланул дянив иялну машгъур хъусса инсан. Буси вилва оърмулулгу, захІматралгу ххуллия, ци савав хъуна хІукуматрал, политикалул иширттавух хІала уххансса? Гиккава политик хъунна тІий нажагъсса акъа къаикІайхъунссархха?

– На хъуна хъуну ура чІявусса оърчІру бусса кулпатраву. Чъяни оърмулува лавгуна жул ппу. Ппу ивкІусса чІумал ттул хъунама уссу Исмяил уссия

армиялий, чІанма-чІивимур ссин 8 барз бия. ХІакьинусса кьинигу барчал-лагърай буру нитгийн, жува мюрщину бунува, захІматрал кьадру буну тарбия баврихлу. Жул нину, Халун, бия оьмулул ххуллий хьунадаркьусса захІматшивурттал сасан бувсса хьамитайпа. ЦукунчІав ниттил я дяьви кьабайва, я ца кьадайва. Кулпатраву бия арулва оьрчІ. Нину бусса оьрмулий колхозраву зий дия. БувчІлан бикІайва, жу ччаннай бацІан баншиврул, ниттин буттахлуссагу хьар лахъан багълай бушиву. Школалий дуклаксса чІумал, давуртту дуллай, азурда шаврил икІайссия, каникуллу кьуртал шайссания, дарсирдайн зананшивурул, тІий. Ци чулийгу ниттий цІими бусса бивкІру. Жулвасса жува бувну, лавгссару шагърурдайн, дуклан буххангу.

Политикалувух ва жяматийсса иширттаву хІала уххансса гъирагу ттуву хатІалийсса бакъахьунссар тІун икІара. Цанчирчан, ттул буттал ппу, Давдил Аьли, ивкІун ур 20-хьул шиннардий Хъусрациял шяраваллил советрал председателъну, буттауссу АхІмагу уссия 40-хьул шиннардий мува шяраваллил советрал председателъшиву дуллай. МийнайхчІинсса бухьунссар тІун икІара ттувувасса чІивихьунсса бюхьулул бутІагу.

Ттул ттатагу, буттауссугу шяраваллил каялувшиву дуллалисса чІумал, Хъусрациял шяраваллил советрал кІийлва лавсун бивкІссар Занази ЯтІул Ттугъ. Тай бия совет заманнул тарбия ларсъсса, хІукуматрал, партиялул лавсун нанисса ххуллий кьанкъану бавцІусса инсантал. Буслан бикІайва, буттал ппу Аьлил кьатрай, махънин шиферданул магъи кьадикІайва тІий. Мунахъ цан кьадишара магъи куну цІувххукун, цал кьатрай магъи гьарнал дирхьуну махъри дикІан аьркинсса, тІий ивкІун ур. Ва, буниялагу, жяматрай цІами бусса, хьинну тІайлашиву ххирасса инсан ивкІун ур.

**– Ци ккалли бара вилва захІматрал ххуллий дарснун ва насихІатну хьуссаннун?**

– Дуклан уххан лавгсса чІумал бувчІуна, цаймийннал ххуллурду тІитІиннин кьаялугълай, ттулва хІарачатрайну нава кьуццу тІун аьркиншиву. Мунищалва архІал бувчІлай бия гихунмайсса оьрмулуву кІулшивурттал бияла хьунмасса бушиву. Шяраву школагу кьуртал бувну, на увхра дукланДагъусттаннал паччахІлугърал Политехнический институтравун. КІилчинмур курсирай дуклакисса чІумал, ивтуна студентътуврал профкомрал председателъну. Миккар хьусса ттул жяматрал, политикалул иширттал ххуллийн уккансса дайдихьу.

**– Оьрмулул ххуллий бартдиргьусса, инава рязийну личІансса давурттуну цумий ккалли дарав?**

– Ттухьва цІуххирчан, нава хьинну кьаччан бикІан бувссар учинсса инсан усса ххай акъара. Иш багъсса чІумал, ттущава шайсса кумаг инсантувран нава бувссар, тІийгу ура. Муния дур хьунмур рязийшивугу. КІицІ лаганна ялагу хІажлийн лагаву.

– **Цукунсса бур цІана инава хъхьичІ бивхъусса агъамсса масъалартту ва ци захІматшивуртту хъунадакълай дурив?**

– ХъунмурчІин на зузисса масъалартту бур миллатирттал дянивсса, динналул иширттал, законодательстволул, аграрданул, спортрал, культуралул, туризмалул ва жагъилтуврал иширттал хІакъиравусса. Жува аьдат хъуну буру цимурца хІукуматрал дан аьркинссар, тІий. Гъарца инсан, цува зузисса кІанттай цалва къуллугъралгу, инсаншиврулгу буржру лажин кІялану бартбигълай, халкъуннан мюнпатну зун аьркинну бур. Инсантувран гъарзат хІадурну ччай дур. Мукун къабикІайссар.

Дуклан уххан лавгсса чІумал, бувучІуна, цаймийннал ххуллурду тІитІиннин къаялугълай, ттулва хІарачатрайну нава къуццу тІун аьркиншиву. Мунищалва архІал бувчІлай бия, гихунмайсса оьрмулуву кІулшивурттал бияла хъунмасса бушиву.

– **Буси инара каялувшиву дуллалисса «Справедливая Россия» партиялул лавсун нанисса ххуллия чанну-ххину.**

– 1998 шиная шихунмайсса ттул оьрмулул ххуллу цІакъну бавхІуну бур ва партиялул ххуллуцІун. Жул партиялул агъаммур мурад – агъалинал оьрму бигъа-рахІат бавур. Мув мурадрай жу пенсиялул реформаттайнгу къарци бувккун буссия. Жул сипталийн бувну, сукку бувну буссар, агъалинал налогру харжираха лавхъхъуну дулаврил масъала. КъатІайлассар хъуннасса доход дусса инсанналгу, чІивисса харж буманалгу цара ца налог дуллалаву. Лагъсса харж бусса инсантуврал налог дурагу дуллан къааьркинссар. Укунсса ишартгал хІакъираву, тІайламур бацІан бан хІарачат буллай, жу Аьрасатнал Президентнайн буккару. Мукунма жу гъаз буллалисса масъаларттавух буссар ниттихъал оьрмурду бигъа-куклу баврицІун бавхІусса масъала.

– **Ххирарив вин байранну, чув кІицІ лаганнав инава увсса къини?**

– Уттинин вардиш хъусса куццуй, ичІува, ниттищал, кулпатращал ва уссур-ссуннащал.

– **Ци кІицІ лаганссия вилла хасиятраву винна дакІ къадакъайсса затну?**

– Аллагънал дуллусса куццуйсса дур ттул хасият, мунийнгу щукрулий ура. Утти ва даххана дуллангу пайда чІалай бакъар.

– **Цукунсса гьурттушинна дара вилла буттал шяраву дуллалисса давурттавух?**

– Махъсса шиннардай Хъусращиял шяраву школалул къатри, ФАП цІу буккан баврил, асфальт бутІаврил ва цаймийгу давурттацІун кабакъу бав. Шяраваллил бакІчинащал маслихІат ккаккун, жяматран мюнпат бусса масъаларттаха зунсса пикрилий буру. ЦІанагу паччахІлугърал программалул лагрулий ремонт буллай буссар школа. ЧІалкъавхъуну байбишинтІиссар

оърчал багъгу, мура программалул лагрулий цѳу буккан бантѳиссар шяравусса цаймигу идарартту.

– **Цукун дизай вин хѳакъинусса къинисса вилла буттал шяраваллил иш – тагъар?**

– Махъсса ппурттуву дакѳ ххари хъунсса иш бур инсантуврал, кувнна-цѳух кув бувккун, шяраву ялапар хъанай бакъахъурчангума, бювхъусса куц-цуй, цалла минарду цѳу дуккан дуллай, цѳу-цѳусса къатри дулай, шяраваллил диц-куц даххана дуллалаву. Хѳукуматрал чулуха бикѳу, ттулва чулуха бикѳу шайсса кумаг бан хѳадурссара, ттулла буттал миналуцѳун бавхѳусса гъарцагу иширацѳун, Аллагъналгу кабавкъуну.

– **Ци учаннав цѳана Украиннавусса цѳурувкъюсса дяъвилул операциялул хѳакъираву?**

– Цукунсса бухъурачангу, дяъви бур дяъви. Цуксса къурчѳинугу, чѳявусса жагъилтуврал оьгу экъи лаглай бур. Бувчѳлай бур жула бакѳчинангу ва тагъардануву къуццу тѳун хъинну захѳматну бушиву. Цинявннан бувчѳлачѳисса зат бур хъуннасса нигъачѳаву дусса тагъар тикку хѳасул хъуну диркѳшиву. Ва ишираву Аьрасатнал Президентнан, хасъсса дяъвилул операция байбишаву бакъасса, цамур ххуллу ливчѳун бакъая. Кѳицѳ лаганна, жула Президентнал гуж-къувватрайну гъаз хъушиву Аьрасатнал цѳагу, сийгу. Аьрасатнал цѳанасса Президентнал каялувшиву дуллалисса шиннардай тасттикъ бувссар царагу паччахѳлугъраяр ялавайсса бакъашиву жулла паччахѳлугърал цѳакъгу, бюхъугу, кутакгу. Мунийн шалла дуниялгу мукѳруну дусса ххай ура.

– **Барча, Камил Махѳаммадович, вил мусил юбилей!**

– Барчаллагъ!

*Ихтилат бувссар  
Имара САИДОВАЛ*



## ТУРИСТЪТАЛ МАХІАЧКЪАЛАЛИЙ ХЪУНМАССА ХІАЛЛАЙ БАЦІАВАНШИВРУЛ

*Шагърулул собраниялул бакІчинацалсса ихтилат*



Махъсса шиннардий жулла республикалийн букІлакІсса туристътал цалнияр цал чІяву хъанай бур. Вайксса туристътал букІлай, вай къамул буллай къааьдатсса жулла республикалий ва ишираву дуванмур, щаллу дакъ-амур цикссагу дур, ваницалла архІал къачанни итталун дагълагъисса дах-ханашивуртту ва цІушиннардугу. МахІачкъала шагърулул Депутатътуврал мажлисрал хъунама Марис Илиясовлуцалсса ва ххуллухсса жул ихтилатгу хъунни туризмалул хІакъиравусса.

**– Марис Сиражугтинович, хІакъинусса къини жулла республикалул хъуншагърулул туризм ци тагъарданий дурив?**

– Аьмну шалва Дагъусттаннайгу, жулва хъун шагърулийгу махъсса шиннардий туризм хъхъичІуннай хъуну най дур, муниципалла архІал дан-дигтанмунил сияхІгу хъунна хъуну най дур. ЛичІи-личІийсса кІантурдаяту бувкІсса туристътувран МахІачкъала хъанай бур, оьрусрай учин, «перевалочный пунктну». ЧІалай бур чІявумий туристътал, МахІачкъалалийн бувкІун, гостиницалий ликказан дурну, рестораннывун, мивун-тивунгу бивну, республикалул цаймий кІантурдайн лаглай бушиву. Вайннан шагърулий бавцІунунияр, зунттавунмай ччай бур, нехру, жюружантту, цайми-цаймийгу караматру ккаккан. Мукумма Дарбантливгу най бур. Жуннив, МахІачкъала шагърулул каялувшиву дуллалинан, ччива туристътал шайссаксса шиккува, шагърулийва, бацІан буван. Ва мурадрай, шагърулул туризм хъхъичІуннай дувансса чаранну ляхълай, жу батІайссару личІи-личІийсса ккуркки стол-лайн.



Уттигъаннугу, республикалул агъанмий туроператортуйрайн, театрдал, музейрдал директортуврайн, шагърулул культуралул, спортрал ва туризмалул управлениярттал вакилтуврайн ва туризмацун бавхусса цайми-цаймий къуллугъчитуврайнгу оьвкуну, хъуссия батлаву. Микку ххалгу бигълай буссия туризм, ацфра-къура шинавун дакъача, хлакьину-гъунттий, гъашину, ялунчил хъхьичуннай дувансса ххуллу-хха. На тавакью бувссия бавтмий-ннахь, бусаймур дакI тиртуну, аьчухну бусан. Гъарцаннал цалва-цалва пикри бусласисса лахъисса хIаллайсса ихтилатру хъуна. Щаллу буван багълай бур, шагъру машинарттал буцIаврицун бавхусса транспортрал масъала – тихава туристътуврал бувцуну бувкIсса автобусру бацIан бувансса кIану бакъар, автобусругу ца-кIира километралул архну парковкалий къабивтун, бахътта бачин багълай бур. Цаймий регионнай, хIукуматирттай тIурча, автобусру, най бунава туризмалул объектиртгачIа бацIан буван бюхълай бур. Гостиницарду ччиссаксса ва ччимур классрал бакъар. Чан-чанну тIий, вайгу ва чIявусса цаймийгу масъалартту щаллу хъунсар тIий бур.

Цалссарив, МахIачкъала туризмалул чулуха цалнияр цал хъхьичунмай хъанай бур, кIичIиртту бакьин буллай (Къоркъмасова, Университетрал майдан), цIу-цIусса объектру, паркру бакьин буллай. Фазу Аьлиевал цIанийсса ва «Борцов- революционероь» скверду бакьин бувссар. Ф. Аьлиевал цIаниймур скверданий тIивтIуссар оьрчIансса уквасса майдану, укунсса кIанттурдайн арцух занансса каша цинявнначIа къадикIайхха, хаснува кулпатраву кIива-шамма оьрчI буний. Вания тийнмайгу ливчIимий кIичIирттугу, паркругу, шагърулул пляж ва цаймийгу объектру бакьин буллантIиссар. «Борцов-революционероь» скверданий чIал къархъуну фонтан зузи дантIиссар.

Шагърулий чIярусса шадлугъру дуллалиссар, вайннух туристъталгу хъунмасса гъирарай буругай. Вай гъантрай, масалларан, шагърулул хъун майданний хъуссар Кофелул фестиваль, шикку хъуссар щалвагу Ухссавнил Кавказнавасса баристътуврал дянивсса чемпионат. Ванийннин ОьрчIру бурччаврил кьинилун хасну щаллагу шагърулуву хъуссар чIярусса шадлугъру. Туристътувран жулла авадансса культура, аьдатру, багъу-бизу хьинну хIаз бизлан бикIай.

Хьинну машгъурну дур жучIара спортрал туризм, культуралул туризм, гастрономиялул туризм ва цаймийгу журадду. Туризм хъхьичуннай давриву цалва чулухасса бутIа бихълай бур миллатирттал яннардаха зузисса модельерталгу.

– **Уттигъанну хъусса шагърулул бакIчинал Кубокрайнсса КВН-налий цуну бакьин бувсса Къоркъмасовлул цIанийсса кIичIиравалли-цун бавхусса чIявусса хъярчру бия...**

– ТIайлассар, нагу уссия микку, хъяхъаву дав жагъилтуврал хъярчирдайгу. Ци учивив, на рязира жучIава укунсса, шагърулул, республикалул каялувшиннарацун, вайннал дуллалимуницун ва дуван ка хьирив къалалимуницун, лях лавгмуницун бавхусса хъярчру буллалаврия. Цал-цал

укунма хІсав къашаймуних, къулагъас дакъа ливчІмуних сахІналия бувсса хъярчирдал яру тІитІин бувай. Уку-укунсса кІанттурдай, дагъанттуву кун-ма, чІалан бикІайссар оърму. КВН – ва анжагъ тІуркІу бакъар, ва жулла обществалул оърмур.

– **Гидтуврал щаллушиннаралмур масъала цукун бур?**

– Пишакарсса гидтал биял хъанай бакъар. Ларай кІицІ ларгсса совещаниялий гъуртту хъусса туроператортуврал бувсмунийн бувну, МахІачкъала шагърулул тарих бикІайкун, багъайсса куццуй куртІну кІулсса гидтал чанну бур. Шагърулул администрациялул Спортрал, туризмалул ва жагъилтуврал иширттал комитетрал гъанулий тІивтІуссар гидтал хІадур бавриха зунсса хасъсса отдел.

Шагърулул каялувшиннарал хъхъичІсса ца агъаммур масъала – думур дурурччуну, гихуннайгу дачин давур, шагърулул чІалачІин ялу-ялун ххуй дуллалавур. Шагърулул инсантувран ва ялун бувкІсса туристътувран хІаз дизансса, республикалул ва хъун шагърулул хъамаллувран жулва багъу-бизу, культура ккаккан дувансса, гай цІунилгу жучІанма бучІан гъуз учин буллалисса давуртту дуллалавур.

Жулва шагърулул бухмур бутІа, шиккусса тарихийсса кІанттурду, лази-лакъи бувну, низамрайн буцин багълай бур, Бакуй, Ттуплислив, Ереваннай, Самаркъандрай, Ташкантив кунма, жучІавагу «Бухмур шагъру» бикІаншиврул.

– **МахІачкъалалийн бувкІсса туристътуврахъ, цаймий кІанттурдаясса вилва дустуврахъ, шикку хъхъичІва-хъхъичІ чун гъансса маслихІат бувантІиссияв ина?**

– Ттухъва цІуххавай, маслихІат бантІиссия шагърулийсса музейрдавун гъан, чарабакъа. МузейрдайхчІин Дагъусттаннал халкъуннал багъу-бизу, лавгмур ва хІакъинумур, флора ва фауна – цимурца кІул хъунтІиссар. Музейрдаву ттигу зий бур лавайсса даражалул пишакартал – хъхъичІсса никирал инсантал.

Ялагу маслихІат бавияв шагърулул кІичІирттавух буккан, Тарки зунттуйн лахъан. Шиккува кІицІ лаган, уттигъанну цавай туристътуврачалсса ихтилатраву мийннал кІицІ лавгуна, МахІачкъалалийн бучІайхтува, най дуна шуркІал шайшиву Ккавказуллал, Дагъусттаннал архитектура, цаймий кІанттурдаха къалархъхъусса. Ялагу туристътувран хъинну нахІу дизай жулла дукрарду, дахха-дахханасса, лавайсса даражалул ва цІуллу-сагъшиврун мюнпатсса. Шиккува кІицІ лаган, ва чулуха Дагъусттан Аьрасатнаву ца яла хъхъичІунмий регионал сияхІрай буссар.

– **Жулва лакрахъ, дагъусттанлувтуврахъ ци учин бюхъанссияв, туризмрацІун бавхІуну?**

– Ттун ччива жулва инсантувран бувчІуну, туризмалия жунмасса мюнпат-хайр къачІивисса бушиву. Туристътал жучІанма кІункІу хъуншиврул, жучІара дур цимурца – зунттурду, хъхъири, къунналул авлахъру, нехру, бярдуду, щарашив... Махъсса шиннардийсса тагъарданийн бувну,

жучІанма туристътал, нех дирхьуну най бушиву, жува жунма шайссаксса мюнпатну ишла буван аьркинссар, укусса хІалу ччимур чІумал ва ччимур регионналухьхьун къадирияйссар.

Тавакью бавияв жулва инсантуврахь жулла лажин лухІи къахьунну, жулва ххаллилсса тарихрайн, жулла аьдатирттайн, жулва багъу-бизулийн, жулла авадансса культуралийн ххют къадагъанну къуццу тІун: ччи-ччинийн цинці къадичлай, цалла дуллалимунил, зумату нанисса ихтилатрал ялув бавцІуну бикІан. Ялун бувкІсса туристътал, жулва кІанттун къалайкъну къуццу тІий хІисав хьуну, балики, мукунмийннай аьй дан ччан бикІарчагу, мувгу хьинну мугъаятну, лайкъну, кІукІлуну дан. Жулва-жулва къатраву жува цинявпагу марцІсса буру. Гьакссагу ччива, циняв аьйрдугу хьунимийннай къадуллай, гьарцама, цалва квартиралул, къатлул, кафе-ресторанналул бухкІуллия тийнай шайхтугу, цалла подъездраву, хІаятраву, цалва кІичІиравугу марцІшиву дуручлай, подъездраву лампочка даххана дуван багълай бухьурча, мувгу дурну, къатрал хьхьичІсса мурхьирайн щин дуртІуну, цалла-цалла дуллалимунивух оьрчІругу хІала бавкъуну, мурхьру кІяла буван, щях-чІирайх сир буккан багълай бухьурча, бувккун, шаймур дан.

*Ихтилат бувссар*  
**Бадрижамал АЪЛИЕВАЛ**



---

## БЮХЪЛУЛ ХЪАТТИРДАЙ ГЪАЗ ХЪУМА

*Зунттурдив бур жулва лап бюхттулссагу,  
Бюхттулиив аьлтту дан чIарав бавцIссагу.  
Гай бур цанничIа ца, хъачIру хъхарчуну,  
Ссавруннайн гъаз хъуну, бавцIун, ссирт хъуну.  
Чансса бакъар жулва бюхттул зунттаву  
Бюхъулл хъаттирдай лахъну гъаз хъусса...*

*Ссугъури Увайсов.*

Ттизаманнул спорт хъинну машгъур хъуну бур щалла дунияллийх, мув бакъассагу, цIанасса жагъи-жугъулт цивппава мюхтажну бур, мунихун багъну. Цалва оьрчIру, душру мюрщину бунува, нитти-буттал гъира бутай гайннавун спортрахун багъансса.


Генерал хъун къаччисса солдат къаикIайссар, тIисса учала бур жулва, мукссавагу, гъарца чувнан ччан бикIай цалва оьрчIая цIа дурксса спортсмен хъуну. Амма статискикалийн бувну, 80 % нитти-буттал умуд бихълай бур цалва оьрчIал цIуллушиву къянкъа-къурчIи хъунссар тIий. Чансса бакъар жулва лакрал миллатравугу щалла дунияллун машгъур хъусса спортсментал. Масала: уссурвал Хачилаевхъул, СутанахIмадов МахIаммад, Мурадов Ширвани, Мунчаев Камил, МахIачев Ислам, АхIмадов Оьмари, СалихI Къаравалиев, ХIажиев Камил, Хизри РахIимов ва м.ц.

Уттигъанну жул редакциялий хъуна хъунабакъаву вайннавасса цаннащал - Хизри РахIимовлушал. Ва ур Американаву «черный поясран» экзамен дуллусса, цIа дурксса каратист. Цалчин Дагъусттаннай Ояма-каратэлул школа бур МахIачкъалалий Хизрил тIивтIуну. Муния шийнмай цимийгу цIа дурксса каратистал итабавкъуну бур ва школалул.

**- Хизри Заруллагъович, журналланул буккултрахъ вилва оьрмулия бусан тавакью буллай бура.**

- На увссара кIий Лаккуй, Хъусрациял шяраву. МйяцIаллий арулку шинал на къуртал бувссар Хъусрациял Дянивмур даражалул школа. Муния мукъах лахъав армия Германиянаву. Армиялия учIайхту, лавгра Санкт-Петербурглийн. Тикку буссия дуклай ттул хъунимий уссурвал. Нагу тиккува къуртал бав Физкультурный институт.

**- Спортраха зунсса гъира вин щил бувтунав?**



- Совет хІукуматрал чІумал телевизорданувух баярчан, ккаккарчан бакъа, оьрчІан ххиранугу, жулва Дагъустаннай, зунттал билаятрай бакъая спорт, яла-яла чІавасса жун, зунттал оьрчІан, ца физкультуралул дарсирай лечлай-хъирив хъанарча бакъа, цамур спортрахун агъансса кІану бакъая, каратэлуя гъалгъавагу къатІунну. Мий шиннардий ттул хъунама уссу Таймураз учІайва шяравун, кІяласса кимоногу ларххуну. Гъай-гъай, жу, оьрчІру, бикІайссия ганай тамаша бувну, мяшну, хияллай, каратистал хъун чай, амма жучІара дакъая мукуасса сант. На Санкт-Петербурглийн дуклан увхсса чІумалгума, тиккугу дахъва ца-кІива школа бия тІивтІуну. ЧИивиния шинай каратэлуха зун мюхтажсса, на къуртал бувссия Санкт - Петербурглийсса каратэлул школа. Мув бакъассагу, на занай ивкІра МахІаммад Хачилаевлул тІивтІусса Каратэ -До школалийнгу.

**- Инавагу цалвагу мув спотраву бувгъуссарив хъхьичІунсса кІану?**

- Гъай - гъай, 90 –ку шиннардий Санкт – Петербурглий на бувгъуссия хъхьичІунсса кІану,яъни, Санкт- Петербурглий хъусса чемпионатрай на хъура чемпион «каратэ», мув бакъассагу, дуссар Американавугу, Японнавугу Международная организация «Ояма + каратэ» тІисса. Микку на дулуссия «Каратэ» спортрал экзамен «черный поясран». Яла жу лагайссия сбордайн Москвалийн, Санкт- Петербурглийн, Польшанавун, Япониянавун, Голландиянавун, ялагу цайми- цаймий шагърурдайн личІи-личІийсса хІукуматирттал.

**- Ина ялув кІицІ бувна вила уссил гъира бувтуна спортрахун агъансса, куну. Уссурвал ттигу спортрахун багънува бурив? Цимий уссу, ссу бур вил?**

- Жу буру ряха уссу, ца ссу. Мийнава хъунаму уссу Тимур хъанай ур каратэ спортрал мастер, чІавама уссу Эса - Аьрасатнавух цІа дурксса «каратэ» спортрал мастер, 1998 – ку шинал мунал чемпионшиврул цІа машгъур хъунни шалва Европанан, 1999 - ку шинал тІурча - шалва Аьрасатнал, Санкт- Петербургулал чемпионшиврий.

**- Уттигъанну жулва лакрал кказитрай «Илчилий» бия бивщуну вил школалул ученикнаясса, Мазаев Исламлуясса макъала. Хъунссарив бусан мув школалия?**

- 1997 шинал на тІивтІуссия «Федерация Ояма - каратэ Дагестан» тІисса школа - клуб. ХІакъинусса кьини на хъанай ура мунил президентнугу.

**- Ци дакІинийну тІитІав ина мув школа? Ци савав хъуна мув тІитІин?**

- Ттулва пикрилий, ттунма спортрал ххирашиврул бухъунссар.

Ттун дакІиний бур чІивиний навагу, ттулва дусталгу цуксса мюхтажну бивкІссарив каратистал хъун. МукІрунугу ура ва заманнул чІава жагъилтувравугу мукуннассара ччавугу, гъирагу бушиврий. Гъай-гъай, ттун чай бия жулва чІава жагъилтуврая ххаллилсса каратистал бангу, ялагу спорт - мув хъанай бур ляличІисса магъиршиву: инсаннал чурххансса цІуллишиву, лтарбия дулаву, ялун нанисса никирал багъу-бизу ххуй чулий ккаккаву.

**- Жулва «Илчилий» чІявуну тикрал шай чемпион каратэ Мазаев Исламлул цІа- вил ученикнал. Бурив цаймийгу вил учениктуврал дяниву цІа машгъур хъусса чемпионтал?**

- Гъай-гъай! ЦІана кІива группа бур ттучІа - хъунимийннал ва мюрщи-

мийннал. Жу лагару личИи-личИийсса, агьамсса соревнованиярттайн. Чемпионтал бур ттучІа ччарча хьунмур группалуву, ччарчагу мюрщимийннал группалуву. ЧЯвур мийннавух лакгу. Масала: Камиль Давдиев – Халкъуннал Мажлисрал депутат, Эмиль Ттаттаев, Карина Далиева, Аьлирзаев Селимвай циняв Аьрасатнан ва Дагъусттан республикалун цІарду машгъур хьусса чемпионталли.

**- Хизри Заруллахович, муксса спорт ххирасса бутталния бухьунссар оьрчІ, душ спортрахун багъсса? Тавакьюри бусаву жулва буккултрахь вилва кулпатраягу.**

- Ттул бур шамма душ. Дянивмур душ бур спортрахун багъсса, ттулва школалий машхул хьусса. СКФО-лул чемпионка хьуна І4-І5 шинавусса чІава жагьилтуврал чемпионатрай., мув бакъассагу, ванил уттигъанну Дагъусттаннай хьусса чемпионатрай хьхьичІунсса кІану бувгъуну, Дагъусттаннал чемпионка тІисса цІанийн лайкь хьунни. Чавамур душгу бур ттушалва, вава клубраву машхул хъанай.

**- Спортрахун агъаву дакъасса, зийгу урав чувчІав,**

- Ттинийнингу зий ивкІра личИи- личИийсса кІанттурдай, Хьусрациял шярваллил хьунаманугума увчІуна щарнил жяматрал 2006 – ку шинал. Мийра шиннардий на уссия партия «Родиналул» вакилну Дагъусттаннай . ЦІанакул зий ура МахІачкъалаллал 39 лицейраву физкультуралул учительну.

**- Хизри Заруллахович, вил игъалагансса чІунгу шайрив?**

- Циваннив къахьун! На ттулва дустуврашал, кулпатрашал игъалаган лагара кІа жулва уртту-тІутІал къункьал лавсун нанисса Лаккуйн, гъалакнуну цилва щатІащал тІуркІу тІисса Каспи хьхьирил зуманийн, дурну шашликІругу, лакку зумуну бигъа лагару. КІулли тамансса чил хІукуматирттайн лагайшиву бигъалаган. На навагу хьуссара личИи-личИийсса хІукуматирттай, Аьрасатнал шагъурдай, амма кІай жулва зунттаву акъа, рахІат къауккара. Бюхъайссар, буну тІий кІа ттулва оьрчІшиврул кюру, ттулла мина-гъану, Ватан.

- Хизри Заруллахович, нагу вихь ттулва зумуну учинна, уну тІий ина икІайкунсса вилла мина-гъану ххирасса зунтталчув, куну. Барчаллагъ вингу, вил уссурваврангу, цивппа чув бухьурчагу, цалва пагъмулийну, гьунардайну лакрал миллатрал цІа бюхттул дуллалимийннангу! ХІазран акъахьунссияхха Ссугъури Увайсов кІай бюхттулсса зунттаха лацан буллалисса вай жулва зунттал халкъ:

*«..КуртІсса дарардал цІан бири-бат дуллай,  
Ххуллулсса къабяйкъин, къавтІив бивчусса.  
Мий къавтІирдал цІарал ца бара хьуну,  
БикІувча вил захІмат ца лама хьуну».*


**- ТІайлабацІу баннав вания тийнмайгу вингу, вил душваврангу, вил чІавасса спортментуврангу гьарца чемпионатрай хьхьичІунсса кІанттурду бугъаван!**

- Барчаллагъ хьунмасса!

*Ихтилат бувссар  
Сиянат ХІАЖИЕВАЛ*

---

Шалласу ШАЛЛАСУЕВ



### ОЪРМУЛУЛ ХХУЛЛУЛ МАНЗИЛ

Оърмулул жегъир ххулу хъврин бубан шайссарив?  
ДайлитIаву къакIулну чачунгу мув най бурхха,  
Так оърмулул аърххилул манзил цуксса буссарив  
Жунма къакIулшавури талихI жулва оърмулул.

Хъинну къадру бубарча оърмулул дущиннарал,  
Хъврин бубну лякъайча гъарца буллусса гъантта,  
Чун хъврин дан къархъуссар – мунил къимат  
бан лайкъссар,  
Аллагънал буллу лахIза ишла бара мюнпатну.

Ччех бивкIун най бур оърму, янил ляпI учиннинма,  
Илбислул хъврин барчан, дукканссар ахир оьнин,  
Аллагъ-тааьланал жуйнма гъан бувсса ссалам,  
Къамул бубан хIадурну бикIарчан хъинни жунма.

Ахиратрал ххуллугу цинявннан цари бусса,  
Так мунил лахъишиву щинчIавгури къакIулсса.  
Дуниял ляхъан дурсса Заннал жунма буллусса,  
Гъарца лахIзалул пперхгу ссайгъатри ссавниясса!

### ЧАННАССА ДАКИНИЛ ВА КАМИЛССА АБЪКЪЛУЛУЛ ЗАЛЛУ

*Дуснаясса махъ*

*АхIмадил арс Мусаев Сулейман увну ур 1942 иинал Гъумук Къукниясса АхIмадил ва Наватлул кулпатраву.*

*Сулейманнул ниттил Наватлул лап хъунмасса захIмат бивхъуну бур оърчIру хъуни бан, дуккин бан, къатта машин ласун Гъази-Гъумук, кIиягу арсенал ларайсса кIулишиву ласун бан.*

*1960-ку иинал Сулайманнул, мусил медальланий С.М. Кировлул цIанийсса*

Гъумучиял школагу къуртал буну, ЯтIул дипломрай Дагъусттаннал университетрал математикалул факультетгу бувккуссар. Муний ацIаву къадурну, Всесоюзный заочный институт пищевой промышленности (касму - технология виноделия) бувккуну, зий тамансса шинну дурну дур НИИ пищевой промышленностилий, шампанский дувайсса комбинатрай, м.ц. давурттай.

1990-ку шиннардий цалла дакIнил ларъсса даврихун агъну ур. Бюхттулсса Заннал жунма пишкаш бувсса Къуран ганал таржума бувссар лакку мазрайн. Мув хъуссар Сулайманнул таржуматул, литературалул, мазрал лахъазаннайсса захIматсса ххуллул дайдихъуну.

Сулайман Мусаев хъинну ххуйну кIулссар «Илчи» кказитрал буккултран тарихрал лавгмуня, миллатрал язисса арсурваврая – Чулахъ Сурхай-ханная, Муртазаабли-ханная, Хъун-Буттая, Шайх Жамалуттиннуя, Бюкь-МухIаммадлуя, Замир Аблия, XIваинахъал Саэдлуя чивчумунийну. Га аьч буллай ия Гъази-Гъумучи шагърулулгу, ханлугъралгу Дагъусттаннай бакъассагу, шалва Ккавказнавугу цуксса лавайсса даража, машгъурсса кIану бугълай бивкIсарив. Хъинну элмийсса хъирив агъаву дурну машгъурсса Владлен XIажиевлуцал итабавкъунни «История Дагестана. Хронология с древнейших времён до 1917 г.». Ялагу Сулайманнул канила бувккунни: «Шейх Джамалутдин Гази-Кумухский. Гуманист-миротворец», «Эпоха Сурхай-хана I», «Замир Али. Каменистый путь к вершинам науки», «Восстание 1877 года», «Муртуз-Али», «Шейх Джамалутдин. На пути мира», «Саид Габиев. У истоков автономии Дагестана». Уттининсса Дагъусттаннал литературалуву, литераторнал-таржумачинал гъунарданух буруглазимийннан чIалай бур миккугу Сулайман, ттулва пикрилий, ца яла хъхъичIунмийннавух кIицI уллай бушиву.

Ванал таржума буну бур Роберт Бёрнслул, Джордж Байроннул, Томас Мордул, Франсуа Вийоннул, Генрих Гейнел произведенияртту, Шекспирдул 154-вагу сонет ва «Укрощение строптивой», «Гамлет», «Ричард III» пьесарду (хъхъичIва-хъхъичI Дагъусттаннай), трагедиярду Еврипидул «Медея» ва Ф.Г. Лоркал «Кровавая свадьба», «Бхагавад-гита», поэмарду Гомердул «Илиада» ва Дантел «Ад», Робер Мерльдул роман «Смерть – моё ремесло». Яла бюхттулмур лахъазаннуну хъанай дур Къуран лакку мазрайн таржума баву – Сулайманнул цIа абадул абадлий личIлайссар Дагъусттаннал яла язимий литератортуврал хъхъичIмий къюкъраву. Чумул кIурчIулттуву махъру ккур буну, Европанал классиктуврал шеърирду лакку мазрайн таржума баву – мув бакъариввар лавайсса даражалул гъунар.

Ниттил мазрал уттарашиврувур миллатрал уттарашиву дусса тIий, леххаврий ия жула Сулайман. Ниттил маз лахъхъин ччиманал хъхъичI бацIан къабюхъайшиврия Сулайман Мусаевлул дакIнил куртIнива аьчухну, гьарца лаккучувнал базурду чантI учин буллайсса ихтилат хъама къабитайссар. Чушиву бюхттулсса инсаннацар миллатрал тарихравун багъансса махъ учин бюхъайсса!

Сулайман Мусаевлул цIву бусса махъру, пасихIсса элмийсса ихтилат, базурду чантI учин буллайсса миллатрал арсаварая увкусса махъру, ссавнийсса цIуртти кунма, миллатрал маданиятрал ляълу-жавгъардуну абадул абадлий личIаншиврий умудрай ура нагу.

Лакку кIанттугу, лакку, лакку мазгу абадлий тарихраву личIаврил гъанулул ттарицIну авцIусса, лакрал элмулул ххуллу авадан буллай щияркIуй махъун къаагъсса, урувгманал дакI ххари дуллайсса пишилил, чаннасса дакIнил, камилсса аькьлулул заллу АхIмадил ва Наватлул арс Мусаев Сулайман дакIния къауккайссар.

Дустал чIявусса къабикIайссар...



ГА ИЯ БУРГЪИЛ ОБРЧИ

**С.Мусаевлун 80 шин шаврин**

*Ляхъан аннав чара инсан инсансса,  
Инсаннал сиккасса, цяйтІан бакъасса,  
Ухъурча цув инсан, ва ур учинсса,  
Чарав акъанугу, хъурдай учинсса.*

*Цийшиял ХІажимурад*


Сулейман Мусаев дуняллия лавгун хъунни ца шин. Гъашину сентябрьданул 19 мунан хъунтІиссия 80 шин. Дуняллийн увккун, оьрмулул утта ххулул бувгъуня махъ, мунал бизлазисса ша, бусласисса махъ миллат ххуй бансса, лахъ бансса, миллатрал маз авадан буллалисса, миллатрал тарих яргну ккаккан бансса бия. Магъирсса мукъул усттарнал, математикалул хІисавгу ларсун чивчусса луттирду, дурсса мунал цаймийгу чІярусса чичрурду багъа бишун къашайсса дур. Мий чІявучин кІулхъунсар. Мукун бухъурчагу, Сулейман дакІнин утлай, ванал оьрмулул шаттирдая ца-кІива махъ бусан ччай ура, къакІулнан кІул хъун, кІул-мийнналгу на къабувсмургу ххи баншиврул.

Мусаев Сулейманнун 70 шин шаврин хасъсса 2012-ку шиналсса «Цубарз» журналланий, ванал дурсса давурттугу кІицІ дурну, ахирданийгу дия укунсса чичру: «Ххуйну пикри барча, вайгума хІисав хъанай дур ца хасъсса институтрал дануксса давурттуну, хъис хъунма къабувну». Муния махъгу дурсса давурттал сияхІ долларча, ца-кІира чІапІул лажиннарайн гъанссия. Мукунсса чичу, тарихчи хъуннин, Сулейманнул бивгун бия мадарасса оьрмулул жегъир ххуллурду.

Сулейман увну ур Къукниятусса Мусаев АхІмадлул ва Щурпаева Наватлул кулпатраву.

Мусаев АхІмадлул, Ставрополллай школагу къуртал бувну, хъирив Дагъусттаннал Индустриальный институтгу, зий ивкІун ия «Двигательстрой» ччаннай бацІан буллалисса комсомолланушалсса партиялул даврий. Юристулрал курсеру къуртал бавришал, Гъумукун гъан увну ур зун 1941 шинал. Муныннин 1937 шинал НаватлуцІа увну ур Иосиф. Мув цагу буттал дирзун дур цана хъинну кІулсса, хъинмала бувсса, цІадурксса аьралуннал генерал Иосиф Радионович Апанасенккая. Партиялул зузалал мукунсса цІа дизаву, Сталиннул цІанингу дукІлакІисса, та заманнай хъхъичІунсса даву дия.

Сулейманнул ва Иосифлул лях увну ия Эрнст ГъунчІукъатІатусса АьбдулмутІалиплул душ ХІусайнова ПатІиматлуцІа. Эрнст (*чІивиний Эрик учайссия*) тІисса цІа дизавривугу цала хІисав духъунссия.



**Мусаев АхІмад  
Сулеманович**

1947-ку шинал, Наватлуя личи хьуну, АхІмадлул бувцуну бур чачІава секретарьну зузисса СалихІат, Гьухъалиятусса Шагъабуттиннул душ. ГаницІагу бувну бур Ярагъи ва Жарият (вагу дур АхІмадлул ниттин цІа).

Нават бувну бур къалайчинал Щурпахъал АбдулмутГалиплул кулпатраву 1917-ку шинал. Цувппа ччаннай бацІаннин, Наватлунгу биялсса ккаккун бур. Чивину буна, нину Жарият диркІуну, буттал ниттил Шамайл хьун булла, чІун ларгун махъ буттал Хавчаевхъаятусса Итта тІисса цала ссурахъурсеу бувцуну, ганичІа хьунма хьуну бур. Ликбезрал курсирдай аьжамрай ва оьрус хІарпирдай буккин, чичин лавхъхьуну бур.

Нават ливчІун бур кІия арснашал. Цаймийннал учинссия, арсру бувну, гьиву кІу хьунни. Амма, Наватлун кІунугу, кІушиву хІисав къархьуна. Щалла дуниял гайннай дарцІуну, бусса оьрму оьрчІан харж бувна. Шикку дакІнин багъай Булбул Оьмариевал назму:



**Мусаева Нават**

**Нину ва ппу бунийри,  
ОьрчІал дакІру ххарисса,  
Къабукканнав кулпатран,  
ОьрчІая личи хьунсса.**

**КІирагу хъа дунийри  
Лелуххул гъава байсса.  
Нину ппу личи хьуний,  
ОьрчІал дакІру гъагъайссар.**

Наватлул оьрчІал дакІру гъагъан къадиртуна. Яла захІматсса дяьви къуртал хьусса шиннардий Нават, дуккавил ялув бавцІуну, гьарца аьркинмунил щаллу бувну, лаххан-ликканмур секретарьнал оьрчІрури учинну, арсру ччаннай бацІан бувна. ЛасначІа бунийгу, гания махъгу мукърайра-ххюрайра лая-къатри даххана дурна. Гай дия Щахщахъалсса, Канкахъалсса, Каримовхъалсса, Щейховхъалсса. Вай цинярда муххал магъив дусса дия. Та чІумал чІярумий Гьумуксса къатрай аьрщарал магъив дуссия. Ахирданий Наватхъул бивзуна Сулухъал Аймисайл буттал къатравун, аьрщарал магъи дусса, хьунмасса хІаллай инсан акъа лирчІсса. ЧІун ларгувкун, гай къатригу машин ларсуна, арцу хІалли-хІаллих дуллай.

Нават бия зий ччатІ баххай будкалий. БакІрай будка бия Хьунбярнил лулт-тучулий. КІиккун ччатІ буххин захІматшиву дия, шин къаларгун, пекарнялуцІан гъансса тгучаннавусса къатта буллауна Наватлухъхьун. ЧчатІ буханкарттай буллау бунугу, баххайва цинцилттай бувцуну, килордай. Мув бигъасса даву дакъая, хаснува кІинттул чІумал.

ЧІун наниссаксса, канцтоварданул магазингу бачин бувну, клубрал билет баххугу хьуну, чІун дирирний, дарзишивугу дайва. Наватлул магъирсса кару дия, ваничІан бучІаймий чан къашайва: душ-оьрчІарансса, хьаннинсса, хІатта виргъанну кІунтІрал дуккансса.

Ци захІматшиву духъурчагу, Нават бия тяхъасса, хьинну хІал бавкъусса, лагмаириннашал яхшихаш бусса инсан. Ванил тІиртІусса дакІ, аьчухсса хасият Сулайманнулгу ларсун дия. Школалий дуклакисса чІумала мув хасият ялун лирчуна.

Сулейман Гъумук дуклакий, Гъумучиял школалулгу, дуккавилгу чак бав-цусса чIун дия. Ванал классравугу хьинну дуккавилу хьхьичIунсса оьрчIру бия. Гьарца школалийсса амсса давурттаву вайннал класс хIала буххайва, Шагьмарданнул драмкружокрая тIайла хьуну. Хаснува Къалияев Ибрагьин бакI-чийсса учениктуврал школалий хьхьичIунсса зув дутайва. Сулейманнул хьинну цIакьсса дусшиву дайдирихьуна тай шиннардийва цащалва дуклакийнашал, хаснува КъитIачихьал Халидлушал. Вайннал учительталгу бия цIанихьсса, дяв-вилий орденну ларсун бувкIсса, дахьва МГУ кьуртал бувну, ДГУ кьуртал бувну бувкIсса. Классрал руководителънугу ия Амирханов Аьлиша Исаевич, дяввилия чIярусса орден-медальлардашал увкIсса, дуклаки оьрчIан ххира хьунсса.



**1958 шин, Сулейманнул класс. Дянив Амирханов Аьлиша. ХьхьичI щябивкIмийннаву кьуха шамилчинма Сулеймани.**

Хьунмасса хIарачат буллай бия Нават арсру ххуйну дуклаки бан. Хь-хьхьичIра-хьхьичIсса Наватлун арснайтусса ххаришиву хьуна, Сулейманнул мусил медальланушал школа кьуртал баву. Муниннин Иосиф, школагу ххуйну кьуртал бувну, Сельхоз институтраву агроном шайсса факультетрай дуклай ия.

Мусил медаль ларсъсса Сулейманнул хьхьичI ччимур вузрал нукьунтту тIиртIуну дия. Сулейман увххуна МГУ-луну, математик хьун. Мукьилчинмур курс ххювардай дуклай кьуртал бувну, шаппаллил тагьарданух урувгун, шавай зана хьуна. ХьхьичI Дагъусттаннал университет кьуртал бувна математик-нал пишалий. Зий ия Дагъусттаннал Пищевой институтраву. Ванашал зий бия лакку оьрчIру: Гунашев Шамил, Буттаев Юсуп ва цаймийгу. Институтраву зий уна, бигьану кьуртал бувна Заочный Всесоюзный институт пищевой промышленностирал, чакхир даврил технологиялул пишалий. Увххуна зун МахIачкъалалийсса винзаводрайн. Шин къаларгун, увххуна зун Гудермесрайсса консерварду дай заводрайн. ХьхьичI МахIачкъалалийсса минеральный щинну дай заводрайн, директорнал заместителъну. Директорну ия хьхьичIавагу архIал зий ивкIсса Буттаев Юсуп. Цалла даву ххуйну дулланшиврул, Сулейманнул машина лавсуна,

шагърулул транспортрах къаялугъланшиврул. Зий ия га чахир-шампанскирду дай комбинатрайгу.

ДақІний лирчІун дур Сулейманнул хъхьичІ базилуй «Илчи» кказитрай рир-щусса макъала, хІукуматру хъхьичІазаманнай кунна, жанавартраха лашин дурну, хъинну дюхханну чирчусса. Чалай бия Сулейманнуву бушиву та чІумалла дунияллин къабувксса писательнал гъунар.

Мусаев Сулейман лакку мазрайсса макъаларду, назмурду чичлан айивхъуна 80-ку шиннардий. ХъхьичІра-хъхьичІсса макъаларду буклай бия оърчІан хас бувсса «ЧІавалачин» журналланий. 1985-ку шинал жагъилсса шаэртүвран хас бувсса сборникрай бувккуна «Ссуттил чІапІив» тІисса назмурдал лу. ЧІун наниссаксса, назмурдахасса гъира ялун личлай, цІа дурксса кятІаллил шаэртүврал назмурду бувкксар, ганал таржума бувну. Шаэр мукъул усттар ушиву чІалан бикІай бюххансса махъру, щилчІав къаувкусса куццуй авурну, яргну учавриву (цІусса эпитетру, метафорарду, лашан бавуртту). Ца цамургу шаэрнал пасихІшиву – ларайсса мяъна циву дусса оърмулул сурат назмурдаву исватну дагъан даву. Мий кІирагу журалул пасихІшиву дур Сулейман Мусаевлул назмурдаву. Сулейманнул назмурду куртІну ххал дуллансса бурж цаймий шаэртүврай къабивтун, дуцинна ца ттунна ххуй дирзсса назму:

## ВИЛ КАРУ

**Лагабургъил тІинтгал мусил гъаралу  
Вил исвагъи кІисри бур уртту дурчІлай,  
Интнил гъаваслансса щюлли макъанну  
Гай щюлли ссинттая экъи гъан дуллау.**

**Лагабургъил цІарай бур кІункІур шарай,  
Ялув къиссу буллау дур къалакъигу.  
Вил магъирсса кІисри бур ххункІру буцІлай,  
Гурсунналул кунна, дишай накъичгу.**

**Баргълагавал чулух щюлли зунттул хъачІ –  
МаркІачІан дуркІувкун, цув цІан ларгунни.  
КІа хъачІнил махъ лархъун банавшасса кІач,  
Бургъил циняв мусий кІийх лариртунни.**

**На мискин къаара дакъахъу мусил,  
КІунттиву дуссаксса вил кІукІлу кару,  
(Я ттул заллуй, вайннул тІааьншиву цир!),  
Вил иминсса кару – хияллал хъару.**

1990-ку шинардий Сулейман авчуна зун цалла дақІнин мудан ччай диркІсса даврий, Къуран лакку мазраин таржума буллау. Къуранналул таржума хъуна дайдахъуну ганал агъамсса литературалул, таржумалул, ниттил мазрал даврихун агъансса. Къуран таржума буллау, Сулейманнул ларгуна 10 шин. Ца макъалалуву, мув луттирайн бувккун, Сулейман укун чичлай ур: «Щаллусса шин дав на

та шпурттуву, Редуктор поселокрайсса Издательстволул къатрал 11-мур зивулий, ттулла даврияту къуртал хьуну махъ (та чӀумал на ура Минерал щинал заводрал директорнал хьиривчувну зий), ттулва компьютер бакъахьувкун, тиккусса компьютерданух щяивкӀун, кӀюрххилнин зий. Аьмну хӀисав дурну, на таржумалуха зий дав шанна шин, гьантлул шанна-мукъра ссятрай шанай, цал-цал хӀатта кӀи-кӀира ссят дакъа шанун къадуллай». Жувагу учинну: так ца аьраб ва оьрус словарьданийн бувну, Къуран поэзиялий таржума баву – мув юнан (грекнал) бусаварттавусса вирттаварал дурсса захӀматсса, дан къашайсса давриха лархьхьусса даву дур.

Ца тӀайлабацӀу бия, лувмур, 7-чинмур зивулий ялапар хъанай ия МахӀаммад-Нури Оьсманов, чӀявучин кӀулсса Къуран оьрус мазрайн таржума бувсса, аьрабрай дуркусса алимчув. Сулейманнул цалва таржумалуву кӀихӀуллай хьуна бавкъмур бюхълай бия, мунащал хӀисавравун лавсун, кӀанайн бутан. Мукунсса мукьурттил ххал бигъаву кӀиннанмагу хайрданунсса бия.

Хъуннасса ххаришиву хьуна 2002-ку щинал дуньяллийн букваву лакку мазрайсса Къуран.

2001-ку щинал га зий айивхьуна вещаниялул хьунама редакторну ВГТРК-лул филиаллануву. Шиву ванащал зий бия цалла даву хьинну ххуйну кӀулсса коллектив, чӀявучин кӀулсса Гъзаев Гъза, Абакарова Асли ва цаймийгу. Шинну наниссаксса радиокомитетрал даву ххуй хъанай дарчуна, Сулейман цува занай ия районнайх, репортажру ласлай. Лакку мазрайсса репортажру дакъасса, саккин дурну дия кинофильмарду: «70-ла шин Ккуллал районналун», «Дусшиврул лахъазан» («Перевал дружбы»), «Дусшиву, оьттуй цӀакъ дурсса» («Дружба, скрепленная кровью»).

2003-2004-ку шинная дайдихълай дур, щалла коллектив хӀала бувххун дуллалисса репортажру лакрал летчиктуврясса. «Лакрал авиаторгал хьун дяввилий» тӀисса макьалартту дуклай дур «ЦӀубарз» журналланий, «Илчи» кказитрай. Шин къаларгун, Мусаев Сулайманнул итабакълай ур оьрус мазрайсса лу «Лакцы-авиаторы в Великой Отечественной войне». Къураннул лу бивщуну махъ, ва лугу бия Сулейманнул дакӀ ххари дансса, лакрал вирттаварал цӀарду цащара дуньяллийн дуккан дан бювхьуну тӀий. Мунищалва архӀал бувккуна ца цамургу Дагъусттаннал тарихран хас бувсса, Владлен ХӀажиевлуцал архӀал чивчусса «История Дагестана. Хронология (с древнейших времен до 1917 г.)» тӀисса лу. 1904-1905 шинну дия хьинну чӀярусса давуртту дурсса Сулейманнул. Мий шиннардий тарихрал доктортуварал Владлен ХӀажиевлул, Амри Шихсаэдовлул дурсса чӀярусса элмийсса лакрал тарихравун дагъайсса давуртту, таржума дурну, журналланий рирщуна.

Владлен ХӀажиевлуцалсса дахӀаву оьнна къаларгуна, 2006-ку щинал «Общественная и политическая деятельность С.И. Габиева» тӀисса диссертӀация дурурчуну, тарихрал кандидатнал цӀа ларсуна. Хьиривгу бивщуна ххаллилсса лу «Саид Габиев. У истоков автономии Дагестана» тӀисса.

Шиккува дакӀнин бутанну С. Габиевлул увкумур: Образования ларсма муври, агар цалла специальностьрацӀун кӀулну бухьурча: 1) цалла насаяв (родословия); 2) цалва ниттил маз; 3) буттал кӀанттул тарих. МӀайжансса за бур инсан хӀайванналия, жанавардануя личӀий шай аькьлулийну, мазрайну. Чингиз Айтматовлул тӀийкун, цалла лякьлулия бакъа пикри бакъасса инсан – мув Мангьуртри. Вай

махъру хІакъину чарабакъа лаккучувнан кІулну бикІан аъркинсса махъру бур. Сулейманнул цалва яла ххуймур оърму мий шаттирдан харж бувну бур. КІул дурну дур буттал чулухасса Мусаевхъал нясав, ниттил чулухасса Щурпахъал нясаврайсса арулла никирайн дияннинсса царду. Мусаевхъал нясаврайн бувну, хъаннил чулухасса маччашиву диркІун дур Къукуннал мубарак ХІажи-Муса-ХІажинашал. КутІану бусан, хъхъичІа заманнай Къукунгу бивкІун бур Гъухъаллал Магъдил машину. Буттал ва ниттил агълулуя шаллусса лу чичинмур хІадур дурну дия Сулейманнул.

ЧІярусса макъалартташал, радиокомитет бачин бавришал, 2007-ку шинал айивхъуна доцентну зий Дагъусттаннал халкъуннал хозяйстволул институтравугу. Ххал буллан ивкІуна Замир Аьлил бувтсса оърму. Мувра шинал буклай бур «Замир Аьлил ХІасрат ва тирхханну» тІисса макъала. Вана ганиватусса ца-кІива хха: «Щур га, аьдлу бакъасса зулмурду ккухІлай ивкІма? Га, оьсса ХІасратгу дурхІуну, цалва бусса гуж, бусса ссихІ элмулун буллумари, га дурккучув-аьрабист, Дагъусттан чанна лахъан буллалимари, га Аьли Къаяеври».

2002 шиная айивхъуну, Виллиям Шекспир увну 450 шин шаврин хас бувну, инглис мазрая таржума бувна циняв санетру, трагедияртту, комедияртту: «Гамлет», «Ричард III» «Укрошение строптивой». 2008-ку шинал Сулейман цувагу драматургиялухун агъну, чичлай ур пьесарду «Аьратталсса 1877-ку шин», «Муртазааьли».

Мусаев Сулейманнул хъинну бигъану оьрусрай чирчумур лакку мазрайн, лакку мазрай чирчумур оьрус мазрайн дуцайва. Таржумарттал давуртту хъинну ЧІярусса дурну дур. ХъхъичІара кІицІ ларгмий дакъасса, янулун дагъансса ца-кІира даву дакІнин дутанну.

Таржумарттал давурттаву ца ябацІансса давуна хъанай дур «Имам Шамиль». Тарихирттал къуллалая щин хІарчІусса Сулейманнун мув агъамсса лу таржума бан занналла ккаккан бувну бухъунссия.

Мув лакку мазрайн таржума буллая ачайхту, лу бищунсса ЧІаравбацІулт бия. Амма таржума бувну махъ, так «Щубарз» журналлай, цахъи кутІагу бувну, муррад баххана къахъунсса куццуй 1911-1912-ку шиннардийсса цинявпа номердай бивщуна. Мариян Ибрагъимовал цаймийгу чичруду Сулейманнул хъхъичІрагу таржума дурссия. Масалларан, «Щубарз» журналланий 2008-ку шинал бувкссия Марияннул «НукІузаманнул тур» тІисса назму.

Хъуннасса ва хъинну захІматсса таржумалул даву «Имам Шамил» дакъасса, муниаргу захІматсса Робер Мерлилул «Ажал – ттул пишари» тІисса лу таржума бувна 2019-ку шинал. Мунил ларсуна луттирдал «Тарки-Тау» ярмакІалул приз.

Сулейманнул ЧІярусса макъалартту чирчуна «Ниттил маз – рубрика»-луву. 2013-ку шинал Сулейманнул итабавкъуна ниттил маз лахъхъин бай «Лакку дуниял» тІисса лу аудио-дискрашал архІал. Хъаннил ЧІунийсса гъалгъа ласун хъунмасса кумаг бувна Шяъбаннул душ АькІиева Аьжал. Мунинма хас бувну, 2017-ку шинал бивщуна «Сурхай-хан I Газикумухский» кутІану оьрмулуясса, цувпагу «билингвальной», лаккунайгу, оьруснайгу, цаннин ца багъан бувну, гъарца ЧІапІул лажин кІивагу мазрай тикрал хъанай. Вагу бия «Лакку дуниял» луттирацІунсса бутІа, цилвагу кІира издания хъусса, буккултран ххуй бивзун тІий.

Хъинну агъамсса даву хъуна Аьлиева Бадрижатлушал архІал оьрус мазрайсса ва лакку мазрайсса словарь щаллу баву. 40-азара махъ бусса словарь бан бигъасса

за бакъар. ДНЦ РАН литературалул институтрал мув бан ккаккан бувну бивкIун бур 1982-ку шиналва. Багъантту хъанай, мийннуй жува къабацIанну, 2012-ку шинал Сулейманнул ва Бадрижатул мув даву бакIрайн ларсун дур. Словарь 2019 шинал дуняллийн бувккунни. ДакIния къадуккай, словарь хIасул хъуну, кIилчингу ялтту буклай, цаннал дурсса даву цаннал ххал дуллай, къанихну, ссахчIав къаурвгун, Сулайман муниха зузисса чIун. Мув дия аьлимчувнал чак бавцIусса чIун. Словарьгу хъуна ккаккиялунсса.

Сулайманнуя хъунссия хъинну ххуйсса критик. Чяруну «ЦIубарз» журналдлий дуккайва Сулейманнул чирчусса макъаларду «Критика–рубрика»-луву. Культуралул кIира къяртруву: гуманитарниймуниву субъективныйсса кьимат бищаву чан бакъа хъуна бакъай естественна-научныймур къяртлувумунияр. ХъхьичIмур къяртлул бутIану хъанай дур литература ва магъирлугъ, мийннул давурттан кьимат бищаву хъинну захIматесса дунугу, хъинну аьркинсса даву дур. Мунил хIакъираву Мусаев Сулейманнул цалва макъалалуву чичлай ур: «Амма хъамабитан къабучIиссар литературалул ягу магъирлугърал асарданух цурдалусса бургаву – мув къувкъусса диван кунмасса бикIайшиву. Магъирлугърал асардахсса бургаву дикIан аьркинссар чIявусса чуллахасса». Ванал цалла дуллалимургу мудан хъинну ашкарану, цаймийннангу ккаккан дуллай, дайва. Цалва чичлачисса «Гъази-Гъумучи», Московлийн лавгун, Мунчаевхъал Шамильлушчал, Рауфлушчал ххал бигъайва. Мунал дуллалимунил ва дурмунил электронный вариант ттухъхъунгу дулайва.

Яла-яла агъалинан хайр бусса, агъамсса ахъулсса дулаймурну хъанай бур образованиялул мурхъ. Буллугъсса аьрщи дусса кIанттайгу мув мурхъирай ахъулсса ххяххан дан, мунил гъанна, цилва багъайсса куццуй чIа бувну, бишун шай так магъирсса педагогнаца. Мукусса педагогнугу ия Мусаев Сулейман. Халкъуннал хозяйстволул университетраву, 2007 шинал зун айивхъуния махъ, дуняллия гъаннин, доцентну историялул дарсру дихълай ия. Студентувран ххирая, - ванал лекциярдай тачIав бизаршиву тIисса за ккарккун дакъая, - ванах мякъну вичIи дишин. Мусаев Сулейманнул буккайсса лекция, вичIи дирхъунан бюххансса, историялух гъавас багъансса, аькълулул хIисав-сант лахъхъин дансса, тарихрал гъанурду лалавсун, гайннул цIакъшиву, ххуйшиву ккаккан буллалисса, канийсса ххюва кIисса кунма, ккаккан байва вичIидирхъунахъ.

КIулсса за бур, аьлимчув шайшиву хъинну захIмат ххираманаяту ва ганал оьрмулул ххуллий хъуна бакъирча хъхьичIунсса «элмулул школа». Мусаев Сулейманнул оьрмулул ххуллий тIайлабацIу хъуна тарихрал доктор Владилен ХIажиевлушчал архIал, тарихрал суаллу аьлтту буллан багъаву. Цикссагу ганал ва цаймийннал дурсса давуртту таржума дурну, чIявучин дуккин бигъасса къяйдалийн дурцуну, басмалий рищайва. Мукусса давугу тарихрал аьлимчувнан хъинну аьркинсса даву дия. Шиная-шинайн Мусаев Сулейманнул канила дуклай дия хъиннура яргесса, хъунисса давуртту. Сулейманнул АхIмад Къурбановлушчал ва Илияс Къаяевлушчал чивчусса «Эпоха Сурхай-хана I» лакрал ва Дагъусттаннал тарихраву хъуна хъинну аьркинсса, ккаккиялунсса ва цанихсса даву. Га лу хIадур бувну махъ, дуняллийн буккан баврил хъунмур заву Сулейманнул цайнна ларсуна. Дуняллийн бувккувкун, цаппара илкин кказитирттай дурккуна ганиятусса макъаларттугу. Цанний бия: «Цаппара тарихчитуврал тIимур ва луттирал лаччибутулуву хIуен бувну, луххайн буккан бунни» куну.

Гъарца Сулейманнул канила дурксса тарихран хасъсса луттирал чІапІай дикІай 5-10-ра ссылка (бараккакку), миксса автортуврал тІимур ххал бивгъуну, цалийн учІан хъинну захІматсса иш бур, мув даву Сулейманнул щаллу дайва. Мунил буслай бур Сулейман ивкІшиву цилва багъайсса, магъирсса алимчув. Сулейманнухъ цІувххувкун: «Вил диялсса тарихрал давуртту дур, аьмну докторнал цІа ласун бюхъайсса, цан къаласарав?» - куну. Жуав мудан дикІайва: цІана ваниха зий ура, га къуртал хъукун, тти ваниха зий ура. Ганан цІанияр дуллалисса давуртту хъхъичІунну дия. Махъсса шиннардий хъиннува гъирарай зий ия, бакІрайн къадуркссагу диялсса цаймийгу давурттугу лирчІунни, терминологический словарьдания байбивхъуну.



**Мусаев Иосиф ва Сулейман**

Уссур-ссуннал чІарав ацІайва, цаламунир хъхъичІ уссурвавралсса, маччаналсса бан хІадурну икІайва. Хъунама уссу Мусаев Иосиф, биологиялул элмулул кандидатнал цІа ларсун, Дагъусттаннал сельхозайственный академиялуву доцентну, пенсиялийн укканнин, зий ия. Иосифлуца, къашавай хъуну, бищун къавхъусса, докторнал цІа ласун чивчусса монографиялул лу, Сулейманнул бигу бивщуну, луттирдал палатІалунгу, хъхъичІунсса библиотекарттавунгу гъан бувна. Шиккува дакІнин дутанну Иосифлул Гъумук дурмургу. Сельхозинститут къуртал бувну махъ, га ивкІссар агрономну Гъумучиял колхозраву. Ганал бучІан бувну яла ххуймий, лаккуй ххуйну яшаймий ахъулссаннул мурхъру, бувгъуссар Гъумучиял къурув, хІатталлия тІайла хъуну, кІихунмай ва Гъухъаллакъурув. Гайннуясса дачІи ахъулсса дачІайссия колхозниктуврайх, захІматрал кьинирдах бурувгун, дачІигу складраятугу даххайссия, ласун ччинан.

Сулейманнул хъарбакІсса уссил Эрнстлул, авиационный институт къуртал бувну, кандидатнал цІа ларсъсар. Ганал миннатрайн бувну, Сулейманнун багъну бия ганал ниттил гъав лякьин, ганих бургаву дан. Эриклул ниттин школалий Фатъма Муталиевна учайссия. Жун биялсса захІмат хъуна, мунил буркІна ххал буллай. Ца бигъашиву мув дия, кІулуно бия га Гъумучиял ялув хІатталлий ду-



шиву. Ахирданийгу ляркъуна ХІусейнова ПатІмат Абдулмуталимовна тІсса буркІна.

Мусаев Сулейманнул дуллалимур миллатран хьинну агьамсса душиву чІа-лай, ванал луттирду дуняллийн буккан бансса кумагчитал, меценатъуврал хьунмасса хІарачат бувна. Мийннал цІарду миллатран кІулу дикІан аьркини. Цалчинсса тарихрал лу С.И. Габиевлул «Лак – мийннал лавгмур ва багьу-би-зу» бишун кумаг бувма барчаллагьрацал дакІнин утанну – КьурбанмахІамма-дов Кьурбан, та чІумал ректорну ивкІсса МГОУ филиалланул, аьпа баннав тІий дакІнийн бичинну лакку мазрал ялув чІявуссаннангу кумаг бувсса Амучи Амут-тинов, Гъази Гъазиев, ХІусайн Абуев. ЧІявусса цаймийгу куну, сияхІ кьуртал дуллау ура, ттунма циняв къакІулу тІий. Гьарца луттирал хьхьичІ мукъуву дус-сар, цаймийннал луттирдаву чанну хьуна дакъайсса, ацІрахьул барчаллагь баян буллалисса инсантуврал цІарду, лу щаллу байни, кумаг бувсса. Мунил буслай бур цукунсса хІала-гьурттушиву, укунмасса яхшихаш бакъасса, дакІнихтунусса дусшиву дайсса диркІссарив Сулейманнул. Цаймийннал чІарав ацІайсса хаси-ятрал, цаймийгу цачІанма кІункІу байва.

ЧІивинияцІа зунтурдайн лахьлан ххирая Сулейманнун. Лавхьуна Хьунзунт-туйн, Шунудагьрайн, ТтурчІайнна-зунттуйн. Цал, ПпабакІуйн лахьан лавгун, апатІ хьуну, чІири нех лахьлай уна, ка цІун хьуну, занаикІан багьуна. Сулейман муний гьашиву дайма акъая, хьирив шинал кІилчингу лавгун, ПпабакІуйнгу лавхьун, суратругу риршуну, увкІуна. Хьирив къини цалла даврия къатІувай уксса кІанай, жу хьуна бавкъру, цувагу, мудан куна, тяхьану увкунни, ачу, сурат ришуннуча, тІий. Ришарду ва сурат.



**ХІайдаев Аьбиди ва Мусаев Сулейман**

Муниннин тарихран аьркинсса, Азирбижаннайсса Сурхай-дагъ тІисса, Сур-хай-ханнал къала бивкІсса зунттуингу лавхьун, кІанил суратгу риршуну, увкІун ия га.

Инсаннахь цухлан бикІай, ина цурав тІий, гьарцаннал муниргу жуав дулай. Дуняллия лавгун махь, цинявннахь мукун учин къашай. Сулейманнухь, ванал бивтсса оьрмулух, дурмуних бурувгун, учин бюхьанссар: «Ина цурав, Сулай-

ман?» – чирча, хІакьину учин бюхълай бур: на математикра, виноделла, шаэр-да, чичура, журналистра, шоферда, ххаллилсса оьрчІал ппура ва чІярусса цайми-цаймийгу.

Ттуннарив ххуй дизай укусса жуав: на дунияллийн увксара буттал кІанттул тарихрахагу, ниттил мазрахагу хъхъу дакъа, кьини дакъа зун.

Мусаев Сулейманнул дурсса чІярусса культуралун хасъсса давуртгал кьимат бившуну, дуллуна 1999-ку шинал «РД культуралул лайкъсса зузала» («Заслуженный работник культуры РД») тІисса ца.

2010-ку шинал Сулейман хъуна Аьрасатнал чичултрал член.

«Илчи» ва цаймий журналлай дурккуна 1999-ку шинал Дагъусттаннайн ххявхсса бандформированияйттачалсса дяъвилул репортажру «От кровавых побоищ – до победы», «Фотоаппарат бакъанма, ларсъсса суратру» тІисса. 2009-ку шинал бувккуна мий макъалардайн бувну чивчусса лу «Новолак-99».

2019-ку шинал Сулейман Мусаевлун дуллуна юбилейный медаль «20 лет разгрома международных бандформирований».


Сулейман дунияллия лавгун ца шин хъунни. Га лавгхъурчагу, ганал даймур, учаймур, байсса гьалгъа, учайсса махъ, уртакьтвурчал байсса ихтилат хъхъичІ бавцІунма бур.

Ганал дия ляличІисса, бюхттулсса ва магъирсса даврил сант, хъинну махІатталсса, цирив ца цукуннивсса, дурчІин къашайсса аькьлулул сантирал лишан.

ТачІав цалла даврия пахру-ххара бакъасса, гьарцаннал чІарав ацІан ччисса, инсантувравух хІаласса ия. СахІибулхайр дусса, гьарица багъу-бизулуву чумартсса, бургъил оьрчІал мугъру бившусса кунасса.

Га ия бургъил оьрчІ. Ганащал яхшихаш баймагу, ганал ляличІисса чаннал чанна айва, ганал байсса хъярч, дулайсса жуав дакІ ххари дансса дия.

Дунияллиягу цалла махъра махъсса чичрурдугу, цувагу, баргъ бахълагайсса кунма, щинчІав кІу къахъунну лавгунни, къариртун дунияллий яргсса давуртту.



Сурхай-дагъ



**Ф. АБЛИЕВА ва М. АХИМАДОВ**

Индекс годовой 63334  
Индекс полугодовой ПМ980



**Лакрал радилий**

**НОВОЛУНИЕ**  
На лакском языке